



Bosnia and Herzegovina
Federation of Bosnia and Herzegovina
CANTON SARAJEVO
Government

Broj: 02-04-1672-2/26
Sarajevo, 22.01.2026. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 – Novi prečišćeni tekst i 37/14 – Ispravka) Vlada Kantona Sarajevo, na **112. sjednici održanoj 22.01.2026. godine**, donijela je

ZAKLJUČAK

1. Utvrđuje se prijedlog Zakona o komunalnoj policiji Kantona Sarajevo.
2. Predlaže se Skupštini Kantona Sarajevo da, u skladu sa članom 145. Poslovnika Skupštine Kantona Sarajevo („Službene novine Kantona Sarajevo“, broj: 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22 - Ispravka i 47/24), donese Zakon iz tačke 1. ovog zaključka.
3. Ovaj zaključak stupa na snagu danom donošenja.



Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo,
6. Evidencija,
7. A r h i v a.

Na osnovu člana 12. tačka e) i člana 18. tačka b) Ustava Kantona Sarajevo („Službene novine Kantona Sarajevo“, broj 1/96, 2/96 – Ispravka, 3/96 – Ispravka, 16/97, 14/00, 4/01, 28/04, 6/13 i 31/17), Skupština Kantona Sarajevo, na sjednici održanoj _____ 2025. godine, donijela je:

(PRIJEDLOG)

ZAKON O KOMUNALNOJ POLICIJI KANTONA SARAJEVO

POGLAVLJE I. - OPŠTE ODREDBE

Član 1.

(Predmet)

Ovim zakonom uređuje se vršenje poslova komunalno policijske kontrole i komunalno inspeksijskog nadzora iz nadležnosti Kantonalne uprave za komunalne poslove (u daljem tekstu: Kantonalna uprava); radi osiguranja kontrole izvršavanja kantonalnih komunalnih propisa, općinskih komunalnih propisa, drugih propisa kojima se daju ovlasti Kantonalnoj upravi i općih akata Kantonalne uprave, djelokrug Kantonalne uprave, rukovođenje Kantonalnom upravom, prava, obaveze i ovlaštenja komunalnih policajaca i komunalnih inspektora, preventivno, korektivno i represivno djelovanje komunalnih policajaca i komunalnih inspektora u vršenju komunalno policijske kontrole i komunalno inspeksijskog nadzora, postupak komunalno policijske kontrole i komunalno inspeksijskog nadzora, prava i obaveze subjekata nadzora, upravne i druge mjere, pravni lijekovi protiv rješenja i zaključaka komunalnih inspektora, izvršenje upravnih mjera, unutrašnja kontrola i druga pitanja koja su značajna za funkcionisanje Kantonalne uprave.

Član 2.

(Značenje izraza)

Pojmovi koji se koriste u ovom zakonu imaju sljedeće značenje:

- a) kantonalni komunalni policajac (u daljem tekstu: komunalni policajac) je uposlenik Kantonalne uprave iz člana 1. ovog zakona, koji je ovlašten da vrši komunalno policijsku kontrolu propisanu ovim zakonom, drugim zakonima, propisima i opštim aktom jedinice lokalne samouprave kojima se daju ovlasti Kantonalnoj upravi,
- b) kantonalni komunalni inspektor (u daljem tekstu: komunalni inspektor) je državni službenik sa posebnim ovlaštenjima, uposlenik Kantonalne uprave, koji vrši komunalni inspeksijski nadzor u skladu sa ovlaštenjima propisana ovim zakonom, Zakonom o inspekcijama Kantona Sarajevo, drugim zakonima, propisima i opštim aktom jedinice lokalne samouprave kojima se daju ovlasti Kantonalnoj upravi da vrši komunalno inspeksijski nadzor,
- c) komunalno policijska kontrola se ostvaruje kontrolom na licu mjesta, neposrednim uvidom u postupanje pravnih i fizičkih lica koja obavljaju određenu djelatnost i građana fizičkih lica u pogledu komunalnog reda na području Kantona Sarajevo, pridržavanja zakona i drugih propisa, te preduzimanje mjera i radnji propisani ovim zakonom, drugim zakonima, propisima i opštim aktom jedinice lokalne samouprave kojima se daju ovlasti Kantonalnoj upravi,
- d) komunalni inspeksijski nadzor je vrsta upravnog nadzora koji se ostvaruje posrednim i neposrednim uvidom u postupanje pravnih i fizičkih lica koja obavljaju određenu djelatnost i građana u pogledu komunalnog reda na području Kantona Sarajevo, pridržavanja zakona i

drugih propisa, te preduzimanje upravnih i drugih mjera, propisani ovim zakonom, drugim zakonima, propisima i opštim aktom jedinice lokalne samouprave kojima se daju ovlasti Kantonalnoj upravi,

e) komunalno policijski poslovi - poslovi za koje su ovlašteni komunalni policajci u okviru komunalno policijske kontrole, a to su:

1) preventivni – preduzimanje radnji radi sprječavanja povrede propisa,

2) represivni – izricanje novčane kazne putem izdavanja prekršajnog naloga i podnošenje zahtjeva, odnosno prijava nadležnom organu za pokretanje odgovarajućeg postupka za koje su komunalni policajci ovlašteni ovim zakonom, posebnim zakonom ili drugim propisom,

f) komunalno inspeksijski poslovi - poslovi za koje su ovlašteni komunalni inspektori u okviru inspeksijskog nadzora, a to su:

1) preventivni – preduzimanje mjera radi sprječavanja povrede propisa,

2) korektivni – donošenje rješenja o otklanjanju nedostataka, zabrani poduzimanja radnji koje su u suprotnosti sa zakonima i drugim propisima i drugih upravnih mjera i radnji za koje su komunalni inspektori ovlašteni posebnim zakonom ili drugim propisom,

3) represivni – izricanje novčane kazne putem izdavanja prekršajnog naloga i podnošenje zahtjeva, odnosno prijava nadležnom organu za pokretanje odgovarajućeg postupka,

g) komunalno policijska kontrola je neposredni pregled poslovnih prostorija i drugih objekata, javnih površina u pogledu primjene propisa iz oblasti komunalne čistoće, transportnih sredstava, isprava i druge dokumentacije kao i drugih radnji sukladno svrsi komunalno policijske kontrole kod pravnih i fizičkih lica,

h) komunalno inspeksijski pregled je neposredni pregled poslovnih prostorija i drugih objekata, javnih površina, provjera stanja funkcionalne sposobnosti javne i komunalne infrastrukture, transportnih sredstava, isprava i druge dokumentacije kao i drugih radnji sukladno svrsi komunalno inspeksijskog nadzora kod pravnih lica,

i) kontrolni komunalno inspeksijski nadzor je kontrola u izvršenju i postupanju subjekta nadzora po naloženim upravnim i drugim mjerama u postupku otklanjanja uočenih nepravilnosti,

j) subjekti komunalno policijske kontrole su pravna lica te pravna lica sa javnim ovlaštenjima, odgovorna lica u pravnim licima, fizička lica registrovana kod nadležnog organa za obavljanje određene djelatnosti, fizička lica koja obavljaju određenu djelatnost bez rješenja nadležnog organa i građani i fizička lica,

k) subjekti komunalnog inspeksijskog nadzora su pravna lica te pravna lica sa javnim ovlaštenjima, odgovorna lica u pravnim licima, fizička lica registrovana kod nadležnog organa za obavljanje određene djelatnosti, fizička lica koja obavljaju određenu djelatnost bez rješenja nadležnog organa,

l) Lista provjera je sačinjena na osnovu ovog zakona i drugih propisa koja definiše konkretan predmet,

m) viša sila je događaj koji se nije mogao predvidjeti u trenutku donošenja upravne mjere i na koji subjekt kontrole nije mogao uticati (događaj za subjekt kontrole mora biti neočekivan, izvanredan i nepredvidiv),

n) pravni osnov za vršenje komunalno policijske kontrole i komunalno inspeksijskog nadzora koji vrše komunalni policajci i komunalni inspektori je ovaj zakon, propisi doneseni na osnovu njega, opći akti Kantonalne uprave, kantonalni komunalni propisi, općinski komunalni propisi i drugi propisi kojima se daju ovlasti Kantonalnoj upravi.

Član 3.
(Gramatička terminologija)

Izrazi koji se koriste u ovom zakonu, a imaju rodno značenje koriste se neutralno i odnose se jednako na muški i ženski rod.

Član 4.
(Vršenje komunalno policijske kontrole)

Komunalno policijska kontrola vrši se u skladu sa ovim zakonom, drugim zakonima, propisima i opštim aktom jedinice lokalne samouprave kojima se daju ovlasti Kantonalnoj upravi da vrši komunalno policijske kontrole i to:

- a) preduzimanjem komunalno policijskih radnji na utvrđivanju činjeničnog stanja, radi provođenja zakona i drugih propisa kod subjekta nadzora,
- b) preduzimanjem preventivnih mjera, u skladu sa ovim zakonom i drugim propisima,
- c) preduzimanjem korektivnih mjera, radi sprječavanja i otklanjanja nezakonitosti u izvršavanju zakona i drugih propisa,
- d) preduzimanjem represivnih mjera, u skladu sa ovim zakonom i drugim propisima,
- e) preduzimanjem drugih mjera i radnji, određenih ovim zakonom i drugim propisima.

Član 5.
(Vršenje komunalno inspeksijskog nadzora)

Komunalno inspeksijski nadzor vrši se u skladu sa odredbama ovog zakona, te u skladu sa Zakonom o inspekcijama Kantona Sarajevo, drugim zakonima, propisima i opštim aktom jedinice lokalne samouprave kojima se daju ovlasti Kantonalnoj upravi da vrši komunalno inspeksijski nadzor i to:

- a) preduzimanjem komunalno inspeksijskih radnji na utvrđivanju činjeničnog stanja, radi provođenja zakona i drugih propisa kod subjekta nadzora,
- b) preduzimanjem preventivnih mjera, u skladu sa ovim zakonom i drugim propisima,
- c) preduzimanjem korektivnih mjera, radi sprječavanja i otklanjanja nezakonitosti u izvršavanju zakona i drugih propisa,
- d) preduzimanjem represivnih mjera, u skladu sa ovim zakonom i drugim propisima,
- e) preduzimanjem drugih mjera i radnji, određenih ovim zakonom i drugim propisima.

Član 6.
(Uloga i značaj komunalno policijske kontrole i komunalno inspeksijskog nadzora)

- (1) Komunalno policijskom kontrolom i komunalno inspeksijskim nadzorom osigurava se uspostava i održavanje komunalnog reda i zaštita javnog interesa u komunalnoj djelatnosti u Kantonu Sarajevo (u daljem tekstu: Kanton).
- (2) Komunalno policijska kontrola i komunalno inspeksijski nadzor organizovan prema ovom zakonu je djelatnost od opšteg interesa za Kanton.

Član 7.
(Organizovanje komunalno policijske kontrole i komunalno inspeksijskog nadzora)

Komunalno policijsku kontrola i komunalno inspeksijski nadzor prema ovom zakonu vrši Kantonalna uprava.

Član 8.

(Lica koja vrše komunalno policijsku kontrolu i komunalno inspeksijski nadzor)

Komunalno policijska kontrolu vrše komunalni policajci, a komunalno inspeksijski nadzor vrše komunalni inspektori.

Član 9.

(Načela vršenja komunalno policijske kontrole i komunalno inspeksijskog nadzora)

(1) U postupku vršenja komunalno policijske kontrole i komunalno inspeksijskog nadzora komunalni policajci i komunalni inspektori se pridržavaju načela zakonitosti, objektivnosti, javnosti, efikasnosti, profesionalne nepristrasnosti, nediskriminacije i političke neovisnosti.

(2) U postupku komunalno policijske kontrole i komunalno inspeksijskog nadzora komunalni policajci i komunalni inspektori se pridržavaju načela pravičnosti, tako da mjera naložena od strane komunalnog policajca bude srazmjerna težini učinjene povrede propisa, a upravna mjera naložena od strane i komunalnog inspektori bude srazmjerna težini učinjene povrede propisa.

(3) Komunalni inspektori pružaju stručnu pomoć subjektu nadzora u primjeni propisa iz oblasti komunalno inspeksijskog nadzora kao i o mjerama preventivnog djelovanja.

(4) Komunalni policajci pružaju stručnu pomoć subjektu nadzora u primjeni propisa iz oblasti vršenja komunalno policijske kontrole i o mjerama preventivnog upozorenja.

Član 10.

(Obavještanje o počinjenom krivičnom djelu)

Komunalni policajci i komunalni inspektori su dužni obavijestiti nadležne organe o saznanjima o eventualno počinjenom krivičnom djelu do kojih su došli tokom vršenja komunalno policijske kontrole i komunalno inspeksijskog nadzora.

Član 11.

(Propisivanje komunalno policijske kontrole)

Komunalno policijska kontrola, te nalaganje mjera i radnji propisuje se ovim zakonom, drugim zakonima, propisima i opštim aktom jedinice lokalne samouprave kojima se daju ovlasti Kantonalnoj upravi da putem komunalne policije vrši komunalnu policijsku kontrolu.

Član 12.

(Propisivanje komunalno inspeksijskog nadzora)

Komunalno inspeksijski nadzor, te nalaganje upravnih i drugih mjera i radnji propisuje se ovog zakona, te u skladu sa Zakonom o inspekcijama Kantona Sarajevo, drugim zakonima, propisima i opštim aktom jedinice lokalne samouprave kojim se daju ovlasti Kantonalnoj upravi da putem komunalne inspekcije vrši komunalno inspeksijski nadzor.

POGLAVLJE II - NADLEŽNOST KANTONALNE UPRAVE

Član 13.

(Kantonalna uprava za komunalne poslove)

(1) U cilju obavljanja poslova i provođenja mjera predviđenih ovim zakonom, osniva se Kantonalna uprava za komunalne poslove.

(2) Kantonalna uprava za komunalne poslove ima status samostalne kantonalne uprave.

Član 14.
(Poslovi Kantonalne uprave)

Kantonalna uprava obavlja sljedeće poslove:

- a) zaprima prijave, pritužbe i pisane zahtjeve putem protokola uključujući prijave putem e-maila, dežurnog telefona, fax-a, i na druge načine koje dalje prosljeđuje na postupanje komunalnim policajcima i komunalnim inspektorima,
- b) prati stanje u komunalnoj oblasti za koje je nadležna i poduzima upravne i druge mjere u vršenju komunalno policijske kontrole i komunalno inspekcijaskog nadzora,
- c) prati stanje u komunalnoj oblasti u kojoj vrši komunalno policijsku kontrolu i komunalno inspekcijaski nadzor i podnosi izvještaj o radu Vladi Kantona Sarajevo (u daljem tekstu: Vlada), kao i posebne izvještaje kada se za to ukaže potreba,
- d) donosi programe i planove vršenja redovnih komunalno policijskih kontrola i komunalno inspekcijaskih nadzora,
- e) vodi evidenciju o svim subjektima kontrola i nadzora,
- f) vodi evidenciju o izvršenim komunalno policijskim kontrolama i komunalno inspekcijaskim nadzorima i o radu svakog komunalnog policajca i komunalnog inspektora,
- g) vodi evidenciju o zaposlenicima unutar Kantonalne uprave,
- h) vodi evidenciju o službenim iskaznicama komunalnih policajaca i komunalnih inspektora,
- i) donosi program stručne obuke komunalnih policajaca i komunalnih inspektora, te drugih državnih službenika i namještenika Kantonalne uprave,
- j) učestvuje u stručnoj pripremi kantonalnih propisa u komunalnoj oblasti nad kojima komunalno policijsku kontrolu i komunalno inspekcijaski nadzor vrši Kantonalna uprava,
- k) ostvaruje saradnju sa nadležnim organima u Bosni i Hercegovini, Federaciji Bosne i Hercegovine, Kantonu Sarajevo, Gradu Sarajevu i općinama na području Kantona Sarajevo,
- l) poslovi provedbe odluke o komunalnom redu,
- m) poslovi korištenja javnih površina,
- n) obavlja i druge upravne i stručne poslove određene zakonima i drugim propisima iz komunalne oblasti.

Član 15.

(Djelokrug Kantonalne uprave i broj komunalnih policajaca i komunalnih inspektora)

- (1) Djelokrug Kantonalne uprave utvrđen je propisom Kantona Sarajevo u kojim se osnivaju organi uprave i upravne organizacije Kantona Sarajevo.
- (2) Broj komunalnih policajaca se određuje u omjeru jedan komunalni policajac na 5000 stanovnika, uvažavajući obim poslova, površinu teritorije koju nadzire, povećanje obima nadležnosti u komunalnoj djelatnosti, rad u smjenama, noćni rad i slično.
- (3) Broj komunalnih inspektora utvrđuje Direktor Kantonalne uprave (u daljem tekstu: Direktor), uvažavajući obim poslova komunalnih inspektora, povećanje obima nadležnosti u komunalnoj djelatnosti, rad u smjenama, noćni rad i slično.
- (4) Komunalno policijsku kontrolu i komunalno inspekcijaski nadzor u okviru Kantonalne uprave provode komunalni policajci i komunalni inspektori.

Član 16.

(Normativi za vršenje komunalno policijskih kontrola i komunalno inspeksijskog nadzora)

Direktor utvrđuje normative za vršenje komunalno policijskih kontrola i komunalno inspeksijskih nadzora broj komunalnih policijskih kontrola i komunalno inspeksijskih nadzora u određenom vremenskom periodu donošenjem pravilnika o utvrđivanju normativa u saradnji sa neposrednim rukovodiocima organizacionih jedinica Kantonalne uprave.

Član 17.

(Evidencije o komunalno policijskim kontrolama i komunalno inspeksijskom nadzoru)

(1) Kantonalna uprava vodi sljedeće evidencije o:

- a) komunalno policijskim kontrolama i komunalno inspeksijskim nadzorima,
- b) izvršenim komunalno policijskim kontrolama i komunalno inspeksijskim nadzorima i poduzetim mjerama komunalnih policajaca i komunalnih inspektora,
- c) podnesenim prijavama, peticijama i prijedlozima građana,
- d) zaprimljenim pritužbama na rad komunalnih policajaca i komunalnih inspektora,
- e) privremeno oduzetim predmetima,
- f) izdatim službenim legitimacijama, opremi i sredstvima,
- g) pruženim asistencijama po zahtjevu drugih organa.

(2) Direktor donosi pravilnik o elektronskom vođenju i sadržaju obrazaca – knjige evidencije o komunalno policijskim kontrolama i komunalno inspeksijskom nadzoru kojim će se regulisati prezentiranje podataka o komunalno policijskim kontrolama i komunalno inspeksijskom nadzoru, izrečenim kaznama i upravnim mjerama kod subjekta nadzora.

Član 18.

(Nadležnost Kantonalne uprave)

(1) Kantonalna uprava putem komunalne inspekcije vrši komunalno inspeksijski nadzor nad primjenom propisa iz oblasti komunalne djelatnosti, kojima se uređuje:

- a) snabdijevanje pitkom vodom putem centralnog vodovodnog sistema,
- b) odvođenje i prečišćavanje otpadnih voda putem centralnog kanalizacionog sistema,
- c) snabdijevanje prirodnim gasom putem centralnog gasnog sistema,
- d) snabdijevanje toplotnom energijom putem centralnog daljinskog sistema zagrijavanja,
- e) obavljanje saobraćajne kontrole prevoza putnika na području Kantona Sarajevo,
- f) prikupljanje i odvoz komunalnog otpada iz stambenih i poslovnih zgrada i poslovnih prostora na deponiju,
- g) odlaganje komunalnog otpada na glavnu sanitarnu deponiju,
- h) održavanje i organizacija javnih parking prostora i javnih garaža,
- i) tržnice i pijace na malo,
- j) odvođenje atmosferskih voda,
- k) održavanje čistoće na javnim površinama,
- l) održavanje javnih površina,
- m) održavanje grobalja,
- n) održavanje javne rasvjete.

(2) Kantonalna uprava putem komunalne policije vrši komunalno policijsku kontrolu, u cilju osiguranja pravilnog korištenja javnog prostora i površina, odnosno poboljšanja kvaliteta života građana, kroz uređenje, odnosno zabranu:

- a) odlaganja na javnu površinu van korpi i posuda za otpatke: papira, ambalaže, kabastih

- predmeta, smeća, zemlje, pijeska i slično, kao i odlaganja kabastog otpada na mjesto i u vrijeme suprotno odredbi stava (3) člana 5. Zakona o komunalnoj čistoći,
- b) odlaganja miješanog komunalnog otpada u posude namijenjene za selektivno odlaganje otpada: papira, plastike stakla i slično, kao i odlaganja otpada koji se može reciklirati, a da za to postoje uslovi, u posude za miješani otpad,
- c) odlaganja kućnog otpada u ulične korpe za otpadke,
- d) korišćenja javne površine za ostavljanje i smještaj robe, ambalaže, građevinskog materijala, zemlje, pijeska i slično, napuštenih uređaja, osim u slučaju kada je to dozvoljeno zakonom ili drugim propisom,
- e) parkiranja vozila uz posude za otpad da se onemogućava njihovo pražnjenje,
- f) parkiranja vozila na način kojim se korisniku uličnog hidranta onemogućava pristup hidrantu,
- g) parkiranja vozila na uličnim hidrantima i uličnim slivnicima,
- h) parkiranja na ulicama, kolovozu, biciklističkim stazama, pločnicima, rigoli, putevima, prilazima, pješačkim prijelazima, trgovima, podvožnjacima/nadvožnjacima, mostovima, spoljašnjim stepeništima, javnim parkiralištima (posebno mjestima označenim za parkiranje osoba sa invaliditetom), prilazima protiv – požarnim putevima, autobusnim/tramvajskim stajalištima i sličnim saobraćajnim površinama; tramvajskim i željezničkim kolosjecima u posebnom trupu (i pripadajućim stajalištima), benzinskim stanicama i prostoru oko njih; aerodromu i aerodromskom zaštitnom pojasu; otvorenim pijačnim, tržnim i trgovinskim prostorima, te prostorima oko prodajnih objekata; neizgrađenom građevinskom zemljištu; zelenim i rekreativnim površinama — što uključuje: parkove, drvorede, travnjake, skverove, šetališta, pješačke staze, igrališta, sportske terene i rekreativne prostore na otvorenom, kao i obale rijeka/jezera, zaštitne pojaseve infrastrukture, i slično.
- i) prljanja i oštećenje zelenih, rekreativnih i drugih javnih površina,
- j) postavljanja na javnu površinu predmeta koji mogu remetiti kretanje pješaka, uprljati ili povrijediti prolaznike i drugo,
- k) prljanja, šaranja, oštećivanja i zagađivanja zgrada, javnih, vodovodnih, telefonskih, sanitarnih i drugih uređaja i njihovih dijelova, blaćenje izloga i fasada prilikom pranja ulica, lijepljenje plakata bez dozvole i izvan mjesta određenih za tu svrhu,
- l) polijevanja ili ispuštanja na javne površine prljavih i masnih tečnosti, sredstava za zaštitu drva, zaštitu biljaka, dezinfekciju, dezinfekciju i deratizaciju, baza, kiselina, boja, lakova, rastvarača, sredstava za skidanje hrđe, boja ili lakova, antifrizna, ljepila, fotohemikalija, sredstava za održavanje bazena, maziva, ulja, tekućih goriva, fiksira i razvijača, lijekova i drugog farmaceutskog otpada, kreča, životinjskog izmeta i fekalija,
- m) odlaganja na javne površine starih baterija, akumulatora, uljnih filtera, boca pod pritiskom, termometara sa živom, fluorescentnih cijevi i drugog otpada koji sadrži živu, municije, pirotehničkih sredstava, ionizatora, detektora dima i plinova i drugih električnih i elektroničkih uređaja koji sadrže opasne komponente,
- n) dovoženja na njive, livade, bašte i javne površine otpadaka životinjskog porijekla i fekalija, kao i upotrebljavanje tih otpadaka i fekalija za đubrenje, izuzev stajskog đubriva,
- nj) prljanja javnih površina na drugi način vršenjem nužde, pljuvanjem, bacanjem opušaka od cigareta, bacanjem otpadaka kroz prozor i slično,
- o) prevoženja životinjskog izmeta i fekalija vozilima koja nisu podešena za prevoz takvog tereta,
- p) pranja vozila, ćilima i drugih stvari na javnim površinama,
- r) popravaka i servisiranja (mijenjanje ulja) vozila i obavljanje drugih zanatskih radova na

javnim površinama,

s) ispuštanja otpadnih voda sa krovova, drenaža, unutrašnjih instalacija iz stambenih i drugih objekata, septičkih jama na bašte, dvorišta i javnu površinu,

š) odlaganja otpadaka na javnim površinama koje nisu predviđene prostorno-planskom dokumentacijom kao lokacija za deponovanje otpadaka,

t) nekontrolisane sječe drveća i uništavanje ukrasnog bilja,

u) nepropisnog držanja životinja i njihovo izvođenje i ispaša na javnim zelenim površinama,

v) uništavanja i oštećivanja posuda za otpadke,

z) odlaganja otpada iz člana 5. Zakona o komunalnoj čistoći, građevinskog i drugog otpada u napuštene objekte i posjede,

ž) loženja vatre, paljenje otpada na javnim i drugim površinama, osim na zato uređenim mjestima.

(3) Kantonalna uprava putem komunalne inspekcije vrši komunalno inspekcijски nadzor, a putem komunalne policije vrši komunalno policijsku kontrolu nad primjenom propisa iz oblasti uređenja i održavanja zelenih i rekreativnih površina u Kantonu Sarajevo, a odnosi se na:

a) uređenje i održavanje javnih zelenih površina,

b) održavanje dječijih i sportskih igrališta i drugih odredaba Uredbe o uređivanju i održavanju zelenih i rekreativnih površina u Kantonu Sarajevo, koja propisuje nadležno postupanje komunalne inspekcije i komunalne policije.

(4) Kantonalna uprava pored nadležnosti propisane st. (1) (2) i (3) ovog člana, putem komunalne inspekcije vrši komunalno inspekcijски nadzor, a putem komunalne policije vrši komunalno policijsku kontrolu nad primjenom i drugih propisa ako je tim propisima određena nadležnost Kantonalne uprave.

Član 19.

(Rukovođenje Kantonalnom upravom)

(1) Kantonalnom upravom rukovodi Direktor.

(2) Direktora imenuje i razrješava Vlada u skladu sa Zakonom o državnoj službi u Kantonu Sarajevo („Službene novine Kantona Sarajevo“, br. 31/16, 45/19, 45/19 i 06/25).

(3) Direktor za svoj rad i upravljanje Kantonalnom upravom odgovara Vladi.

POGLAVLJE III – ORGANIZACIJA KANTONALNE UPRAVE I STATUS KOMUNALNIH POLICAJACA I KOMUNALNIH INSPEKTORA

Član 20.

(Organizacija Kantonalne uprave)

1) Poslovi i zadaci iz djeloktuga Kantonalne uprave obavljaju se u okviru osnovnih organizacionih jedinica:

a) komunalni inspektorat,

b) sektor komunalne policije,

c) sektor unutrašnje kontrole.

(2) Pravilnikom o unutrašnjoj organizaciji Kantonalne uprave u okviru Kantonalne uprave mogu se ustanoviti i druge organizacione jedinice.

(3) Komunalnim inspektoratom rukovodi glavni komunalni inspektor.

(4) Sektorom komunalne policije rukovodi pomoćnik direktora Kantonalne uprave,

(5) Sektorom unutrašnje kontrole rukovodi pomoćnik direktora Kantonalne uprave.

(6) U okviru Sektora komunalne policije obrazuju se odjeljenja komunalne policije prema teritorijalnoj organizaciji jedne ili više općina na području Kantona Sarajevo.

(7) Odjeljenjem komunalne policije rukovodi šef odjeljenja.

(8) Pravilnikom o unutrašnjoj organizaciji Kantonalne uprave u okviru Kantonalne uprave mogu se ustanoviti i druga radna mjesta državnih službenika i namještenika.

(9) Na radnopravni status komunalnih inspektora, glavnog komunalnog inspektora, pomoćnika direktora, šefa odjeljenja, državnih službenika primjenjuju se propisi kojim se uređuje radnopravni status državnih službenika u organima uprave Kantona Sarajevo, Zakon o radu i kolektivni ugovor.

(10) Na radnopravni status namještenika u okviru Kantonalne uprave primjenjuju se propisi kojim se uređuje radnopravni status namještenika u organima državne službe u Federaciji Bosne i Hercegovine, Zakon o radu i kolektivni ugovor.

Član 21.

(Komunalni policajac)

(1) Komunalni policajac je osoba sa posebnim ovlaštenjima koja su propisana ovim zakonom.

(2) U radni odnos u Kantonalnoj upravi na radno mjesto komunalnog policajca može biti primljena osoba koja ispunjava opće uvjete uređene propisom kojim se uređuje radnopravni status namještenika u organima državne službe u Federaciji Bosne i Hercegovine i druge uvjete prema pravilniku o unutrašnjoj organizaciji Kantonalne uprave.

(3) Poslovi koje obavljaju komunalni policajci su poslovi komunalno policijske kontrole propisani ovim zakonom, koji spadaju u grupu stručno operativnih poslova u skladu sa propisom koji uređuje dopunske poslove osnovne djelatnosti iz nadležnosti organa državne službe koje obavljaju namještenici.

(4) Poslovi koje obavljaju komunalni policajci su poslovi komunalno policijske kontrole propisani ovim zakonom i pravilnikom o kriterijima za utvrđivanje obima i složenosti komunalno policijske kontrole i komunalno inspekcijskog nadzora koji donosi Direktor Uprave u skladu sa članom 49. stav (2) ovog zakona.

(5) Na radnopravni status komunalnih policajaca primjenjuju se odredbe ovog zakona i propisi kojim se uređuje radnopravni status namještenika u organima državne službe u Federaciji Bosne i Hercegovine, Zakon o radu i kolektivni ugovor.

Član 22.

(Komunalni inspektor)

(1) Komunalni inspektor je državni službenik sa posebnim ovlaštenjima utvrđenih ovim zakonom i drugim propisima.

(2) Komunalni inspektor dužan je proći sigurnosne provjere.

Član 23.

(Uniforma, iskaznica i značka komunalnog policajca i komunalnog inspektora)

(1) Prilikom vršenja komunalno policijske kontrole, komunalni policajci su dužni da:

- a) budu uniformisani, imaju iskaznicu i značku kojom dokazuju svoj identitet i ovlaštenja predviđena ovim zakonom i drugim propisima,
- b) propisno nose službene uniforme.

(2) U specifičnim slučajevima Direktor može narediti komunalnom policajcu da obavlja svoju dužnost u civilnom odijelu ili komunalnog inspektora zadužiti da nosi uniformu.

- (3) Prilikom vršenja komunalno inspekcijskog nadzora, komunalni inspektori su dužni da imaju iskaznicu i značku kojom dokazuju svoje službeno svojstvo, identitet i ovlaštenja predviđena ovim zakonom, zakonom o inspekcijama Kantona Sarajevo i drugim propisima.
- (4) Komunalnim policajcima i komunalnim inspektorima iskaznicu i značku izdaje Direktor.
- (5) Izgled uniforme, oblik i sadržaj službene iskaznice, te oblik, izgled i sadržaj značke propisuje Vlada uredbom, na prijedlog Direktora.

Član 24.

(Prava i obaveze komunalnog policajca i komunalnog inspektora)

- (1) U skladu sa članom 111. Zakona o inspekcijama Kantona Sarajevo, zbog prirode djelatnosti i funkcionalne povezanosti sa drugim poslovima državne uprave u komunalnoj oblasti, ovim zakonom se organizuje vršenje komunalno inspekcijskog nadzora putem Kantonalne uprave.
- (2) Komunalni inspektori u vršenju komunalno inspekcijskog nadzora primjenjuju odredbe Zakona o inspekcijama Kantona Sarajevo i ovog zakona.
- (3) Komunalni policajci se tokom vršenja komunalno policijske kontrole pridržavaju načela Vođenja kontrole u skladu sa ovim zakonom.
- (4) U vršenju komunalno policijske kontrole i komunalno inspekcijskog nadzora komunalni policajci i komunalni inspektori imaju prava, obaveze propisane ovim zakonom, drugim propisima i aktima.

Član 25.

(Ovlaštenja komunalnog policajca)

- (1) Pored dužnosti i ovlaštenja utvrđenim u propisima Kantona, u kojima je regulisana nadležnost za komunalnu upravnu oblast i drugim propisima, komunalnim policajcima radi održavanja komunalnog reda i zaštite javnog interesa u komunalnoj djelatnosti ovim zakonom daju se i sljedeća ovlaštenja da:
 - a) vrši komunalno policijsku kontrolu u skladu sa pravilnikom o kriterijima za utvrđivanje obima i složenosti komunalno policijske kontrole i komunalno inspekcijskog nadzora koje donosi direktor u skladu sa članom 21. ovog zakona,
 - b) daje upozorenja,
 - c) izdaje naređenja,
 - d) provjerava identitet subjekta kontrole i drugih lica i predmeta od značaja za komunalnu kontrolu,
 - e) zaustavlja i pregleda vozila i predmete,
 - f) tokom vršenja komunalno policijske kontrole, a radi utvrđivanja činjenica o prekršaju pregleda, fotografiše i snima osobe, poslovne i druge prostorije, objekte i opremu, postrojenja, uređaje i instalacije javne komunalne infrastrukture, gradilišta, javne površine, prijevozna sredstava i dr.,
 - g) privremeno oduzima predmete,
 - h) uzima izjavu stranke, svjedoke i druga lica čija izjava je od značaja za utvrđivanje činjenica u vršenju komunalno policijske kontrole,
 - i) naloži u zapisniku koji sastavlja na mjestu vršenja kontrole da mu subjekt nadzora dostavi u roku tražene podatke i dokumentaciju odnosno da se odazove pozivu da dođe u službene prostorije Kantonalne uprave radi davanja podataka u vezi sa komunalno policijskom kontrolom,

- j) preduzima preventivne aktivnosti u vršenju komunalno policijske kontrole,
- k) da prilikom komunalno policijske kontrole utvrdi nepoštivanje zakona i drugih propisa za koje je ovlašten da vrši komunalno policijsku kontrolu izda prekršajni nalog za koje je ovlašten,
- l) u slučajevima kada nije moguće izdati prekršajni nalog podnese zahtjev za pokretanje prekršajnog postupka nadležnom sudu u skladu sa Zakonom o prekršajima („Službene novine Federacije BiH“, br. 63/14 i 19/25),
- m) uzima u postupak zahtjeve i prijave građana, preduzeća i drugih organizacija i o svom postupanju obavještava podnosiocima zahtjeva i prijave,
- n) upotrijebi sredstva prinude,
- o) prikuplja obavještenja,
- p) zatraži pomoć od nadležne policijske uprave,
- r) preduzima i druge mjere u skladu sa ovim i drugim zakonima i propisima.

(2) Ako prilikom redovne komunalno policijske kontrole i obilaska terena koji se obavlja prema godišnjem programu rada, komunalni policajci utvrde nepoštivanja ovog zakona i drugih propisa za koje su ovlašteni da kontrolišu, a u cilju zaštite javnog i privatnog interesa, te u cilju očuvanja komunalnog reda u Kantonu, dužni su postupiti odmah na način da izvrše kontrolu na licu mjesta, sastave zapisnik i po potrebi izdaju prekršajni nalog za koji su ovlašteni i zapisnički nalože mjeru srazmjernu počinjenom prekršaju.

Član 26.

(Davanje upozorenja)

- (1) Komunalni policajac upozoriće lice koje svojim ponašanjem, djelovanjem ili propuštanjem određene radnje može da naruši zakonom i drugim propisima uređeni komunalni ili drugi red iz nadležnosti jedinice lokalne samouprave.
- (2) Upozorenje se daje usmeno ili pisano.

Član 27.

(Usmeno naređenje)

- (1) Komunalni policajac usmenim naređenjem izdaje obavezna uputstva i zabrane, te nalaže mjere i radnje od kojih neposredno zavisi uspješno obavljanje poslova iz djelokruga komunalne policije.
- (2) Lice kojem je izdato usmeno naređenje iz stava (1) ovog člana, dužno je odmah po njemu postupiti.

Član 28.

(Provjera identiteta)

- (1) Komunalni policajac izvršiće provjeru identiteta lica čije ponašanje ili djelovanje predstavlja kršenje propisa iz djelokruga komunalne policije, kao i lice koje se zatekne na mjestu kršenja propisa iz djelokruga komunalne policije.
- (2) Prije provjere identiteta komunalni policajac dužan je da upozna lice sa razlozima provjere njegovog identiteta.
- (3) Provjera identiteta vrši se uvidom u ličnu ispravu ili na osnovu izjave lica čiji je identitet provjeren.

Član 29.

(Provjera i utvrđivanje identiteta predmeta)

- (1) Ako postoji sumnja oko identiteta predmeta, tada komunalni policajci mogu provesti postupak provjere i utvrđivanja identiteta predmeta. Ovi postupci se provode kad je u postupku potrebno utvrditi obilježja i svojstvo predmeta, te odnos između osobe ili događaja i samog predmeta.
- (2) U slučaju potrebe Kantonalna uprava je ovlaštena objaviti sliku, crtež, snimak ili opis predmeta, ako je to od značaja za uspješno vođenje postupka utvrđivanja identiteta predmeta.
- (3) Provjerom i utvrđivanjem identiteta predmeta utvrđuju se obilježja i svojstvo predmeta po kojima se on razlikuje od drugih istovrsnih predmeta (oblik, veličina, boja, težina, kvaliteta, tvorničke i druge oznake, posebna obilježja itd.), te se utvrđuje odnos između osobe ili događaja i predmeta“.

Član 30.

(Zaustavljanje i pregled vozila i predmeta)

- (1) Komunalni policajac ovlašten je da izvrši zaustavljanje vozila zatečenog u kršenju propisa iz djelokruga komunalne policije, kao i pregled vozila i predmeta koji se u njemu nalaze.
- (2) Prije vršenja pregleda, vozila i predmeta komunalni policajac pozvaće lice da omogući uvid u sadržaj u vozilu, ukoliko isto odbije da postupi po usmenom nalogu, komunalni policajac će izdati prekršajni nalog.
- (3) Ako komunalni policajac pri pregledu, pronađe predmete za koje se osnovano može pretpostaviti da su predmet krivičnog djela ili prekršaja koji nisu iz nadležnosti komunalne policije, o tome će odmah obavjestiti policiju i postupiti po dobijenim uputstvima.
- (4) U postupku vršenja kontrole, ukoliko zatekne nepropisno parkirano vozilo na javnoj i zelenoj površini, komunalni policajac je dužan ukloniti vozilo.

Član 31.

(Audio i vizuelno snimanje)

- (1) Komunalna policija vrši audio i video snimanje osoba, poslovne i druge prostorije, objekte i opremu, postrojenja, uređaje i instalacije javne komunalne infrastrukture, gradilišta, javne površine, prijevozna sredstava i dr., radi obavljanja komunalno-policijskih poslova, korišćenjem opreme za video akustičke snimke, kamera i fotografisanje.
- (2) Radi primjene komunalno-policijskih ovlaštenja, otkrivanja i rasvjetljavanja prekršaja, kao i kontrole i analize postupanja komunalnih policajaca, komunalna policija može vršiti audio i video snimanje njihovog postupanja korišćenjem različitih tehničkih sredstava, uključujući i kamere.
- (3) Radi postizanja ciljeva iz st. (1) i (2) ovog člana, komunalna policija može koristiti vozila komunalne policije, sa uređajima za snimanje.
- (4) Komunalna policija može koristiti vozila komunalne policije sa uređajima za snimanje i u slučajevima pomoći drugim institucijama i organizacijama, kada je to od značaja za obavljanje poslova komunalne policije, ovlaštenih organizacija i vršioca komunalne djelatnosti.
- (5) Podaci prikupljeni na način iz st. (1) do (4) ovog člana, čuvaju se u propisanoj evidenciji.
- (6) Sve radnje koje poduzima komunalni policajac prilikom kontrole i kontakta sa strankama moraju biti snimljene kamerom.
- (7) Način snimanja na javnom mjestu i način saopštavanja namjere o tom snimanju propisuje

Direktor Uprave.

Član 32.

(Privremeno oduzimanje predmeta)

- (1) Komunalni policajci mogu u komunalno policijskoj kontroli, u slučajevima kada je ugroženo zdravlje, imovina, bezbjednost građana, privremeno oduzeti predmete sa kojima je učinjen prekršaj ili su nastali u izvršenju prekršaja.
- (2) O privremenom oduzimanju predmeta, komunalni policajci izdaju potvrdu u kojoj će navesti šta je oduzeto, sa potpunom identifikacijom naziv predmeta, vrsta, količina, datum, vrijeme i mjesto oduzimanja predmeta, lica od kojeg je predmet oduzet, ko je vlasnik predmeta i odmah obavještava komunalnog inspektora, radi daljeg postupanja.

Član 33.

(Postupak sa privremeno oduzetim predmetima)

- (1) Privremeno oduzeti predmeti predaju se na čuvanje Direkciji za robne rezerve Kantona Sarajevo do okončanja postupka pred nadležnim sudom.
- (2) Direkcija za robne rezerve Kantona Sarajevo je odgovorna za čuvanje privremeno oduzetih predmeta prekršaja.
- (3) Smještaj i čuvanje privremeno oduzetih predmeta prekršaja traje do pravosnažnosti sudske odluke ili konačne izvršnosti prekršajnog naloga, kojima je izrečena zaštitna mjera suda o oduzimanja predmeta kojim je počinjen prekršaj.
- (4) Nakon pravosnažnosti sudske odluke, odnosno konačnosti i izvršnosti prekršajnog naloga privremeno oduzeti predmeti se prodaju, a novac ostvaren prodajom uplaćuje se u korist Budžeta Kantona Sarajevo.
- (5) U slučaju kada se protiv lica od koga je predmet oduzet, ne pokrene postupak pred nadležnim organom, predmeti će se odmah vratiti licu od koga su oduzeti.

Član 34.

(Upotreba sredstava prinude)

- (1) Sredstva prinude u smislu ovog zakona su: fizička sila, te raspršivač sa nadražujućim dejstvom.
- (2) Sredstva prinude komunalni policajac može upotrijebiti samo ako u obavljanju poslova na drugi način od sebe ili drugog, ne može odbiti istovremeni protivpravni napad.
- (3) Fizička sila se ne primjenjuje prema djeci, starijim licima, vidno invalidnim licima uključujući lica koja su očigledno bolesna, kao ni prema ženama koje su očigledno trudne, osim ako ta lica izravno ugrožavaju život komunalnog policajca ili život drugih lica.
- (4) Komunalni policajac koji upotrijebi fizičku silu dužan je sačiniti pismeni izvještaj o upotrebi sile i isti podnijeti neposrednom rukovodiocu koji primjerak tog izvještaja prosljeđuje rukovodiocu Kantonalne uprave.
- (5) Ako rukovodilac Kantonalne uprave utvrdi da je komunalni policajac upotrijebio silu na nezakonit ili nepravilan način dužan je poduzeti mjere kako bi se utvrdila odgovornost komunalnog policajca.
- (6) Komunalni policajac oslobađa se odgovornosti za upotrebu sile ako je silu upotrijebio u granicama svojih ovlaštenja.

Član 35.

(Prikupljanje informacija)

(1) Komunalni policajac može prikupljati obavještenja, podatke i informacije od lica za koje se osnovano pretpostavlja da raspolaže istim, u cilju otkrivanja prekršaja i njihovih počinitelaca, izdavanja prekršajnog naloga i za obavljanje drugih poslova komunalne policije, usmenim putem na mjestu prekršaja ili naknadno, pisanim putem, u skladu sa zakonom.

(2) Lice iz stava (1) ovog člana obavezno je da na zahtjev komunalnog policajca dostavi tražena obavještenja, podatke i informacije.

Član 36.

(Način primjene ovlaštenja komunalne policije)

(1) Ovlaštenja komunalne policije utvrđuju se ovim zakonom.

(2) Ovlaštenja komunalne policije prema maloljetnom licu primjenjuju se u prisustvu roditelja ili staratelja tog lica, odnosno, u slučaju da su nedostupni, u prisustvu predstavnika organa starateljstva ili drugi organ koji je nadležan za maloljetnike.

(3) Prisustvo predstavnika organa starateljstva umjesto roditelja može da se obezbijedi ako je moguće i u slučajevima kada bi prisustvo roditelja bilo štetno za maloljetnika izloženog nasilnim ili sličnim radnjama roditelja ili bi u značajnoj mjeri ugrozilo izvršenje zadataka komunalne policije i komunalne inspekcije.

Član 37.

(Ovlaštenja komunalnih inspektora)

Pored svih ovlaštenja koja imaju kantonalni policajci, komunalni inspektori imaju i ovlaštenja data u Zakonu o inspekcijama Kantona Sarajevo.

Član 38.

(Stručno osposobljavanje komunalnog policajca)

(1) U radni odnos u Kantonalnoj upravi na radno mjesto komunalnog policajca prima se osoba u skladu sa odredbama člana 21. ovog zakona.

(2) Komunalni policajac nakon prijema u radni odnos, dužn je proći stručno osposobljavanje za komunalnog policajca u trajanju od tri mjeseca od dana prijema u radni odnos.

(3) Stručno osposobljavanje je poseban program edukacije komunalnog policajca, a provodi se prije polaganja stručnog ispita za komunalnog policajca.

(4) Program stručnog osposobljavanja provodi institucija utvrđena pravilnikom iz stave (5) ovog zakona, koja o uspješno završenom stručnom osposobljavanju izdaje odgovarajuće uvjerenje - certifikat.

(5) Pravilnik o sadržaju i programu stručnog osposobljavanja komunalnih policajaca i imenovanju komisije za polaganje stručnog ispita za komunalne policajce donosi Ministar na prijedlog Direktora, uz pribavljeno mišljenje institucije koja je vršila stručno osposobljavanje komunalnih policajaca.

Član 39.

(Stručni ispit za komunalnog policajca)

(1) Komunalni policajac koji je uspješno završio stručno osposobljavanje iz člana 38. ovog zakona dužan je u roku od 30 dana od dana završetka stručnog osposobljavanja položiti stručni ispit za komunalnog policajca pred komisijom koju imenuje Ministar u skladu sa pravilnikom iz člana 27. stav (5) ovog zakona.

(2) Ukoliko komunalni policajac ne položi stručni ispit za komunalnog policajca iz stava (1) ovog člana prestaje mu radni odnos o čemu rukovodilac Kantonalne uprave donosi rješenje o prestanku radnog odnosa.

(3) Žalba izjavljena na rješenje iz stava (2) ovog člana ne odlaže izvršenje rješenja.

(4) Nakon stupanja na posao, komunalni policajac potpisuje ugovor sa rukovodiocem Kantonalne uprave o obaveznom stručno osposobljavanju za komunalnog policajca u trajanju od tri mjeseca, od dana prijema u radni odnos.

(5) Ugovorom iz stava (4) ovog člana utvrđuje se obaveza komunalnom policajcu da ukoliko uspješno ne završi stručnu obuku i ne položi stručni ispit za komunalnog policajca iz stava (1) ovog člana, dužan je nadoknaditi troškove za njegovo stručno osposobljavanje, koja se utvrđuje ugovorom iz stava (4) ovog člana.

(6) Ukoliko komunalni policajac dobrovoljno ne izmiri troškove propisane stavom (5) ovog člana, pokreće se postupak pred nadležnim sudom za naknadu troškova.

Član 40.

(Stručno obrazovanje komunalnih policajaca)

Komunalni policajci su obavezni da se neprestano stručno obrazuju i usavršavaju najmanje jednom godišnje za obavljanje poslova komunalno policijske kontrole iz propisa koji se odnose na oblast komunalno policijske kontrole, upravnog i prekršajnog postupka u skladu sa programom stručne obuke komunalnih policajaca kojeg donosi Direktor.

Član 41.

(Ograničenje komunalnih policajaca i komunalnih inspektora u obavljanju drugih poslova)

Komunalni policajci i komunalni inspektori ne mogu obavljati privredne, trgovačke ili druge djelatnosti i poslove za sebe ili drugog poslodavca iz oblasti i područja na kojem vrše komunalno policijsku kontrolu odnosno komunalno inspekcijски nadzor.

Član 42.

(Čuvanje službene tajne)

(1) Komunalni policajci i komunalni inspektori su dužni čuvati službenu i svaku drugu tajnu sa kojom se upoznaju u vršenju komunalno policijske kontrole i komunalno inspekcijskog nadzora.

(2) Komunalni policajci i komunalni inspektori su dužni čuvati tajnost prijave i druge informacije koje se tiču komunalno policijske kontrole i komunalno inspekcijskog nadzora što uključuje i dokumentaciju, dokaze i podatke utvrđene ili nastale u komunalno policijskoj kontroli i komunalno inspekcijskom nadzoru.

POGLAVLJE IV - PREVENTIVNO DJELOVANJE KOMUNALNIH POLICAJACA I KOMUNALNIH INSPEKTORA

Član 43.

(Preventivno djelovanje komunalnih policajca i komunalnih inspektora)

U vršenju komunalno policijske kontrole i komunalno inspeksijskog nadzora komunalni policajci i komunalni inspektori poduzimaju preventivne mjere i radnje radi sprječavanja povrede zakona i drugih propisa, sprječavanja nastajanja štetnih posljedica i otklanjanja uzroka koji bi doveli do štetnih posljedica u cilju zaštite javnog interesa u komunalnoj djelatnosti.

Član 44.

(Preventivne mjere)

U preduzimanju preventivnih mjera, komunalni policajci i komunalni inspektori su dužni naročito da:

- a) upoznaju subjekte kontrole, odnosno nadzora o obavezama iz zakona i drugih propisa i sankcijama u slučajevima njihovog nepridržavanja,
- b) upoznaju subjekte kontrole, odnosno nadzora o pravima i obavezama koje imaju u postupku kontrole odnosno nadzora,
- c) ukazuju na štetne posljedice koje mogu nastati zbog nepridržavanja zakona i drugih propisa,
- d) daju informacije i savjete subjektima kontrole, odnosno nadzora o načinu izvršenja zakona i drugih propisa,
- e) predlažu mjere za otklanjanje uzroka koji mogu dovesti do štetnih posljedica i o tome komunalni inspektor donosi rješenje.

POGLAVLJE V - POSTUPAK KOMUNALNO POLICIJSKE KONTROLE I KOMUNALNO INSPEKCIJSKOG NADZORA

Član 45.

(Vođenje postupka komunalno policijske kontrole i komunalno inspeksijskog nadzora)

- (1) Postupak komunalno policijske kontrole pokreću komunalni policajci po, a postupak komunalno inspeksijskog nadzora pokreće komunalni inspektori po službenoj dužnosti.
- (2) Postupak komunalno inspeksijskog nadzora se vodi u skladu sa Zakonom o inspekcijama Kantona Sarajevo, ovim zakonom i drugim propisima.
- (3) Postupak komunalno policijske kontrole se vodi u skladu sa ovim zakonom i drugim propisima.

Član 46.

(Vršenje komunalno policijske kontrole i komunalno inspeksijskog nadzora)

Komunalni policajac i komunalni inspektor Kantonalne uprave poslove komunalno policijske kontrole i komunalno inspeksijskog nadzora vrši prema, zaprimljenim prijavama, godišnjem programu rada i aktivnostima Kantonalne uprave, a određene komunalno policijske kontrole i komunalno inspeksijske nadzore vrše na pisani zahtjev Vlade, ministra komunalne privrede, infrastrukture, prostornog uređenja, građenja i zaštite okoliša Kantona Sarajevo (u daljem tekstu: ministar) i Direktora.

Član 47.

(Nalog za vršenje komunalno policijske kontrole i komunalno inspeksijskog nadzora)

- (1) Komunalno policijska kontrola vrši se na osnovu naloga za vršenje komunalno policijske kontrole.
- (2) Komunalno inspeksijski nadzor vrši se na osnovu naloga za vršenje komunalno inspeksijskog nadzora.

(3) Svakodnevni nalog komunalnim policajcima izdaje pomoćnik Direktora, a komunalnom inspektoru njegov neposredni rukovodilac. U slučaju iz stava (2) ovog člana, komunalni inspektor je ovlašten da sačini nalog za komunalno inspeksijski nadzor na licu mjesta, na posebno utvrđenom obrascu kojeg će propisat Direktor.

(4) Nalog se izdaje u pisanom obliku i sadrži: naziv Kantonalne uprave, broj naloga i datum izdavanja, naziv subjekta i objekta nad kojim se vrši kontrola, odnosno nadzor, predmet komunalno policijske kontrole, odnosno komunalno inspeksijskog nadzora, listu provjera - ček listu, ime i prezime komunalnog policajca, odnosno komunalnog inspektora, koji će izvršiti kontrolu, odnosno nadzor, naziv službenog vozila i registracijske oznake, datum početka vršenja komunalno policijske kontrole odnosno komunalno inspeksijskog nadzora, potpis lica koji je izdao nalog i otisak pečata, pouku subjektu nadzora ili kontrole, da je ometanje komunalnog policajca i komunalnog inspektora u radu prekršaj.

(5) Ako postoji potreba za poduzimanjem hitnih mjera zbog zaštite javnog interesa, komunalni inspektor i njegov neposredni rukovodilac može izdati usmeni nalog za vršenje komunalnog inspeksijskog nadzora, a komunalnom policajcu neposredni rukovodilac uz obavezu da se u roku od 24 sata od izdavanja usmenog naloga izda pismeni nalog koji će u novom roku od 24 sata biti predložen subjektu nadzora, odnosno kontrole.

Član 48.

(Predočavanje naloga za vršenje komunalno policijske kontrole, odnosno komunalno inspeksijskog nadzora)

Nalog za komunalno policijsku kontrolu i komunalno inspeksijski nadzor se po pravilu ne dostavlja niti predaje subjektu nadzora, nego mu se isti na njegov zahtjev predočava prilikom komunalno policijske kontrole odnosno komunalno inspeksijskog nadzora.

Član 49.

(Lista provjera – obim i složenost komunalno policijske kontrole i komunalno inspeksijskog nadzora)

(1) Lista provjera je lista sačinjena na osnovu ovog zakona i drugih propisa koje se odnose na konkretne predmete, pravni osnov, te mjere koje komunalni policajac i komunalni inspektor može poduzeti u skladu sa ovim zakonom i drugim propisima, u slučaju da prilikom komunalno policijske kontrole i komunalno inspeksijskog nadzora konstatuje njihovu povredu.

(2) Direktor donosi pravilnik o kriterijima za utvrđivanje obima i složenosti komunalno policijske kontrole i komunalno inspeksijskog nadzora i rokove za njihovo izvršavanje u skladu sa utvrđenom listom provjera i procjenom rizika postupanja subjekta kontrole, odnosno nadzora.

Član 50.

(Predstavljanje komunalnog policajca i komunalnog inspektora subjektu kontrole, odnosno nadzora)

(1) Prije početka vršenja komunalno policijske kontrole i komunalno inspeksijskog nadzora komunalni policajci i komunalni inspektori su dužni da se predstave subjektu kontrole, odnosno nadzora uz predloženu službenu iskaznicu i značku.

(2) Komunalni policajci i komunalni inspektori su dužni prije utvrđivanja identiteta subjekta kontrole odnosno nadzora upoznati ga sa razlogom provjera njegovog identiteta.

(3) Komunalni policajac i komunalni inspektor u vršenju svojih ovlaštenja provjera identitet lica čije ponašanje ili djelovanje predstavlja narušavanje komunalnog reda, odnosno ometanje komunalnog policajca i komunalnog inspektora prilikom vršenja poslova iz okvira nadležnosti komunalne policije i komunalne inspekcije, te u drugim slučajevima kad to nalaže vršenje poslova komunalne policije i komunalne inspekcije Kantonalne uprave.

Član 51.

(Mjesto, vrijeme vršenja i vrijeme trajanja komunalno policijske kontrole i komunalno inspeksijskog nadzora)

(1) Komunalno policijske kontrole i komunalno inspeksijski nadzor obavljaju se po pravilu na mjestu gdje treba utvrditi činjenice o izvršavanju propisa na koji se odnosi komunalno policijska kontrola, odnosno komunalno inspeksijski nadzor.

(2) Mjesto vršenja komunalno policijske kontrole i komunalno inspeksijskog nadzora se po pravilu utvrđuje nalogom za vršenje komunalno inspeksijskog nadzora ili komunalno policijske kontrole, a izuzetno, u zavisnosti od prijave utvrđuje se naknadno.

(3) Komunalni policajci vrše komunalno policijsku kontrolu, a komunalni inspektori komunalno inspeksijski nadzor kod subjekta nadzora bez prethodne najave u toku radnog vremena subjekta nadzora. Iznimno, kontrola i nadzor mogu se vršiti i izvan radnog vremena subjekta nadzora ako za to postoji opravdana potreba ako je potrebno poduzeti hitne mjere i radnje na otklanjanju neposredne opasnosti po život i zdravlje ljudi, sprječavanju nastanka veće materijalne štete ili zaštiti javnog interesa u komunalnoj djelatnosti.

(4) Vršenje redovne kontrole, odnosno nadzora, kod istog subjekta nadzora nije ograničeno brojem dana na godišnjem nivou.

Član 52.

(Dužnost omogućavanja rada komunalnim policajcima i komunalnim inspektorima)

(1) Subjekt kontrole, odnosno nadzora, kao i svako drugo lice zatečeno u prostorijama subjekta kontrole, odnosno nadzora za vrijeme vršenja komunalno policijske kontrole i komunalno inspeksijskog nadzora ne smije sprječavati i otežavati vršenje kontrole komunalnim policajcima i nadzora komunalnim inspektorima.

(2) Komunalni policajci i komunalni inspektori će u pisanoj formi ili zapisnikom zatražiti od subjekta kontrole i nadzora da im u određenom roku dostave sva potrebna obavještenja, podatke i dokumentaciju od značaja za vršenje kontrole, odnosno nadzora.

Član 53.

(Utvrđivanje podataka o subjektu nad kojim se vrši kontrola, odnosno nadzor)

U komunalno policijskoj kontroli odnosno komunalno inspeksijskom nadzoru komunalni policajci i komunalni inspektori utvrđuju:

a) provjera identiteta subjekta i to: identitet za fizičko lice, oblik organizovanja za pravno lice, podatke o odgovornom licu za zastupanje pravnog lica prema aktu o osnivanju i upisu u sudski registar i drugi registar.

b) posjedovanje propisane dokumentacije za obavljanje djelatnosti: rješenje o upisu u sudski ili drugi registar, rješenje za obavljanje djelatnosti, pravni osnov korištenja poslovnog prostora, i drugu dokumentaciju koju mora posjedovati u skladu sa zakonima i propisima.

Član 54.

(Komunalno policijski zapisnik)

- (1) O izvršenoj kontroli, komunalni policajci su obavezni sačiniti zapisnik i u njemu navesti utvrđeno činjenično stanje.
- (2) Obrazac zapisnika utvrdit će Direktor.
- (3) O manje važnim radnjama u postupku i izjavama subjekta kontrole kao i u slučaju nemogućnosti izvršenja komunalno policijske kontrole, komunalni policajci sačinjavaju službenu zabilješku.

Član 55.

(Mjesto sačinjavanja zapisnika komunalnih policajaca)

- (1) Zapisnik se sačinjava na licu mjesta i tokom vršenja kontrole ili pregleda osim u slučaju da se radi o subjektu kontrole koji je u pokretu ili nema sjedište ili je sjedište subjekta kontrole nepoznato. Komunalni policajci će pisanim putem pozvati subjekta kontrole da u određeno vrijeme pristupi u prostorije sjedišta komunalne policije i donese traženu dokumentaciju.
- (2) U složenijoj komunalno policijskoj kontroli, kao i po pozivu komunalnih policajaca zapisnik se može sačiniti i u službenim prostorijama Kantonalne uprave, u roku od tri dana od dana završenog nadzora.
- (3) Jedan primjerak zapisnika predaje se licu koje je zatečeno i prisustvovalo komunalno policijskoj kontroli odmah nakon sačinjavanja.
- (4) Lice koje je prisustvovalo kontroli, dužno je zapisnik potpisati i primiti što komunalni policajci zapisnički konstatuju.
- (5) Ukoliko lice prisutno kontroli odbije potpisati zapisnik, isto je dužno primjerak zapisnika primiti i uručiti odgovornom licu.

Član 56.

(Primjedbe na zapisnik)

- (1) Subjekt kontrole, odnosno odgovorno ili drugo ovlašteno lice ima pravo staviti primjedbe na zapisnik komunalnih policajaca u roku od pet dana od dana prijema zapisnika.
- (2) Primjedbe na zapisnik, odnosno izjava da nema primjedbi, unosi se u zapisnik u postupku sastavljanja zapisnika.
- (3) Primjedbe na zapisnik trebaju biti potpisane od strane odgovornog lica, odnosno lica koje je prisustvovalo i učestvovalo u komunalno policijskoj kontroli.
- (4) Ako ovlašteno lice ne stavi primjedbe na zapisnik, u roku iz stava (1) ovog člana ili da pismenu izjavu da nema primjedbi, smatra se da isti nema primjedbi na zapisnik.

Član 57.

(Dokazna snaga zapisnika o komunalno policijskoj kontroli)

Zapisnik o komunalno policijskoj kontroli se sastavlja prema pravilima upravnog postupka i ima snagu javne isprave.

Član 58.

(Obaveza čitanja zapisnika i razmatranje primjedbi na zapisnik)

- (1) Komunalni policajci su dužni pročitati sadržaj zapisnika subjektu kontrole.
- (2) Komunalni policajci će razmotriti date primjedbe na zapisnik o obavljenoj komunalno policijskoj kontroli i prema potrebi upotpuniti zapisnik.
- (3) O primjedbama na zapisnik posebno se ne odlučuje već se ocjenjuju i obrazlažu u postupku izdavanja prekršajnog naloga i drugih mjera.

(4) U složenim komunalno policijskim kontrolama, komunalni policajac, zapisnik sa prikupljenim dokazima dostavlja komunalnom inspektor, na dalje postupanje, a sve u skladu sa pravilnikom iz člana 49. stav (2) ovog zakona.

Član 59.

(Samostalnost komunalnih policajaca kod prikupljanja dokaza i utvrđivanja činjeničnog stanja)

(1) Prilikom vršenja komunalno policijske kontrole komunalni policajci samostalno određuju koje će dokaze koristiti za utvrđivanje činjeničnog stanja i odgovaraju za iste.

(2) Komunalni policajci će upoznati subjekta kontrole sa dokazima koji nisu pribavljeni kod njega i omogućiti mu da se o njima izjasni.

Član 60.

(Pomoć policije u obavljanju komunalnog policijske kontrole)

(1) Ako se u vršenju komunalno policijske kontrole komunalnim policajcima onemogućuje obavljanje kontrole ili u slučaju pružanja fizičkog otpora ili ako se otpor osnovano očekuje, komunalni policajci mogu zatražiti pomoć od nadležne policijske uprave.

(2) Nadležna policijska uprava obavezna je pružiti potrebnu zaštitu i u slučajevima da ta zaštita nije ranije zatražena, sa obavezom Kantonalne uprave da naknadno u roku od 24 sata dostavi zahtjev za pomoć u pisanom obliku.

(3) Aktivnosti iz stave (1. i 2.) ovog člana biće detaljno propisane Sporazumom koji će biti potpisan između KMUP-a Sarajevo i Kantonalne uprave.

Član 61.

(Učestvovanje subjekta kontrole u komunalno policijskoj kontroli)

(1) Subjekt kontrole dužan je učestvovati u postupku kontrole.

(2) Subjekt kontrole dužan je omogućiti komunalnim policajcima vršenje kontrole po nalogu za komunalno policijsku kontrolu ili na traženje komunalnih policajaca.

(3) Komunalno policijska kontrola će se izvršiti u prisustvu odgovornog lica ili bilo kog zatečenog lica koje je radno angažovano kod subjekta kontrole.

(4) Subjekt komunalno policijske kontrole dužan je odmah na licu mjesta nadležnim komunalnim policajcima dati na uvid službenu dokumentaciju, tačne podatke koji su im potrebni za pravilno utvrđivanje svih činjenica i okolnosti, u vršenju komunalne policijske kontrole odmah na licu mjesta.

(5) Subjekt komunalno policijske kontrole dužan je odazvati se pozivu komunalnih policajaca, donijeti u roku koji mu je naložen u službene prostorije komunalne policije tražene podatke i dokumentaciju, kao i doći lično radi davanja potrebnih pojašnjenja u obavljenoj komunalnoj policijskoj kontroli.

(6) Izuzetno u slučajevima i pod uslovima određenim ovim zakonom ili drugim relevantnim propisom komunalni policajci mogu izvršiti kontrolu i bez učestvovanja subjekta kontrole kada to uslovi dozvoljavaju.

Član 62.

(Izjašnjenje subjekta kontrole o činjenicama i dokazima)

Tokom vođenja komunalno policijske kontrole subjekt kontrole ima pravo da se izjasni o činjenicama i dokazima koji su izneseni u postupku kontrole.

Član 63.

(Pozivanje odgovornog i drugog lica)

(1) Kad okolnosti nalažu komunalni policajci će pozivom pozvati odgovorno lice subjekta kontrole

i svako drugo lice da pristupi u službene prostorije Kantonalne uprave, da u određeno vrijeme i određenog dana pristupi radi davanja izjave ili potrebnih podataka, ili da donese zatraženu dokumentaciju, relevantnu za pravilno utvrđivanje činjeničnog stanja od značaja za konkretnu kontrolu.

(2) Lica iz stava (1) ovog člana mogu se pozvati u radne dane u okviru radnog vremena, a izuzetno, iz razloga hitnosti i u sve dane izvan radnog vremena.

(3) Poziv se upućuje u pisanom obliku, a izuzetno i usmeno ili drugim sredstvima komuniciranja.

Član 64.

(Dužnost odazivanja pozivu)

Subjekti kontrole duži su se odazvati pozivu Kantonalne uprave.

POGLAVLJE VI - UPRAVNE I DRUGE MJERE

Član 65.

(Upravne mjere u komunalno inspekcijskom nadzoru i mjere u komunalno policijskoj kontroli)

(1) Upravne mjere komunalni inspektor naređuje donošenjem pisanog rješenja. Osnov za donošenje rješenja predstavlja činjenično stanje navedeno u zapisniku o izvršenom inspekcijskom nadzoru.

(2) Kada u vršenju inspekcijskog nadzora komunalni inspektor utvrdi da je povrijeđen zakon ili drugi propis čije izvršenje nadzire, komunalni inspektor ima obavezu i ovlaštenje da naloži slijedeće upravne i druge mjere:

a) naredi da se uočene nepravilnosti i nedostaci otklone,

b) naredi poduzimanje odgovarajućih radnji koje su subjekti nadzora dužni poduzeti,

c) zabrani subjektu nadzora preduzimanje radnji koje su u suprotnosti sa zakonom ili drugim propisom nad čijim provođenjem vrši nadzor,

d) preduzme i druge upravne mjere i radnje koje određene Zakonom o inspekcijama Kantona Sarajevo ("Službene novine Kantona Sarajevo", br 2/17 i 37/21), ovim zakonom i drugim propisima.

(3) Ako je, prema ocjeni komunalnog inspektora potrebno poduzeti hitne mjere i radnje na otklanjanju neposredne opasnosti po život i zdravlje ljudi i nastanak veće materijalne štete ili u cilju zaštite javnog interesa, komunalni inspektor će usmeno naložiti upravnu mjeru i istovremeno naložiti da se ista odmah izvrši.

(4) Ako je, prema ocjeni komunalnih policajaca, potrebno poduzeti hitne mjere i radnje na otklanjanju neposredne opasnosti po život i zdravlje ljudi, sprječavanju nastanka veće materijalne štete ili zaštiti javnog interesa u komunalnoj djelatnosti, komunalni policajci, u koordinaciji s komunalnim inspektorom, postupaju kako slijedi:

- a) usmeno obavještavaju komunalnog inspektora o razlozima i obimu potrebnih hitnih radnji te zahtijevaju da inspektor odmah pokrene inspeksijski postupak i donese odgovarajuću upravnu mjeru,
- b) nalože mjere u okviru svojih ovlaštenja radi otklanjanja neposredne opasnosti,
- c) sačinjavaju zapisnik o svim okolnostima i sadržaju naloga, uz navođenje datuma, vremena i lica,
- d) dostavljaju zapisnik komunalnom inspektor u najkasnije u roku od 24 sata od dana donošenja naloga radi daljnjeg vođenja postupanja.

Član 66.

(Rok za donošenje rješenja za usmeno naloženu upravnu mjeru)

Usmeno naložena upravna mjera koja je odmah izvršna, unosi se u zapisnik, a komunalni inspektor donosi pisano rješenje u roku od tri dana, od dana usmeno naložene upravne mjere.

Član 67.

(Pravni lijekovi protiv rješenja)

- (1) Subjekt komunalno inspeksijskog nadzora može izjaviti žalbu na rješenje komunalnog inspektora o naloženim mjerama u roku od osam dana od dana prijema rješenja. Žalba se putem Kantonalne uprave dostavlja drugostepenom organu propisan materijalnim propisim koje se nadzire.
- (2) Žalba izjavljena na rješenje komunalnih inspektora ne odlaže izvršenje rješenja.
- (3) Na mjeru izrečenu u zapisniku od strane komunalnog policajca, može se uložiti prigovor u roku od tri dana.
- (4) O uloženom prigovoru na izrečenu mjeru komunalnog policajca odlučuje Direktor.
- (5) Prigovor se dostavlja na protokol Kantonalne uprave.

Član 68.

(Odlučivanja po žalbi)

- (1) O žalbi na rješenje komunalnog inspektora odlučuje drugostepeni organ propisan materijalnim propisima koji se nadziru.
- (2) Žalbu na rješenje drugostepeni organ je dužan riješiti najkasnije u roku od 30 dana, računajući od dana prijema žalbe.
- (3) Na rješenje drugostepenog organa doneseno po žalbi nije dopuštena žalba, ali se može pokrenuti upravni spor kod Kantonalnog suda u Sarajevu u roku od 30 dana od dana prijema rješenja.
- (4) Direktor odlučuje po prigovoru na izrečenu mjeru komunalnih policajaca u zapisniku.

POGLAVLJE VII - IZVRŠENJE UPRAVNIH MJERA

Član 69.

(Postupanje po rješenju i izvršenje naložene mjere od strane komunalnog inspektora)

Subjekt nadzora je obavezan postupiti po rješenju komunalnog inspektora.

Član 70.

(Dužnost obavještavanja komunalnog inspektora o izvršenju rješenjem naložene mjere)

(1) Kada se rješenjem naložena mjera sastoji od radnji koje subjekt nadzora mora izvršiti u određenom roku, subjekt nadzora dužan je o izvršenju tih radnji odmah u pismenom obliku obavijestiti komunalne inspektore koji su donijeli rješenje o izrečenoj mjeri, a najkasnije u roku od tri dana nakon što je rješenje postalo izvršno. Uz obaviještenje se prilažu i odgovarajući dokazi o izvršenju mjere.

(2) Subjekt nadzora je dužan obavijestiti komunalnog inspektore o provođenju drugih naloženih mjera.

Član 71.

(Praćenje izvršenja rješenjem naloženih mjera)

Komunalni inspektori prate izvršenja izrečenih mjera po službenoj dužnosti na osnovu obavljenog kontrolnog nadzora i drugih dokaza i saznanja o čemu sačinjava poseban zapisnik.

Član 72.

(Izvršnost rješenja)

Rješenje komunalnih inspektora kojim su naložene mjere postaje izvršno istekom roka za izvršenje radnje koja je naložena rješenjem.

Član 73.

(Produženje roka izvršenja upravne mjere)

(1) Komunalni inspektori mogu, na zahtjev subjekta nadzora, produžiti rok izvršenja rješenjem naložene mjere ukoliko propisom na osnovu kojeg je mjera naložena, nije izričito propisana zabrana odgađanja izvršenja rješenja.

(2) Izvršenje mjere može se produžiti do 30 dana, ako su ispunjeni sljedeći uslovi:

- a) subjekt nadzora ima dokaz o registraciji i dozvolu za rad ili lokacijsku dozvolu,
- b) subjekt nadzora je započeo sa izvršenjem upravne mjere,
- c) da je subjekt nadzora podnio zahtjev za produženje roka prije isteka datog roka za izvršenje.

(3) O zahtjevu za produženje roka za izvršenje naložene mjere odlučuju komunalni inspektor.

Član 74.

(Zaključak o dozvoli prisilnog izvršenja rješenja o upravnoj mjeri)

(1) Kada subjekt nadzora u roku koji mu je određen nije izvršio rješenjem naloženu upravnu mjeru koja se sastoji u nenovčanoj obavezi ili je istu samo djelimično izvršio komunalni inspektori su dužni donijeti Zaključak o dozvoli prisilnog izvršenja rješenja kojim je upravna mjera određena, a u skladu sa ovim zakonom i Zakonom o inspekcijama Kantona Sarajevo.

(2) Zaključak o dozvoli prisilnog izvršenja komunalni inspektori su dužni donijeti odmah po isteku roka za izvršenje rješenja i kad utvrde da naložena upravna mjera nije izvršena kako je određena rješenjem, a najkasnije u roku od pet dana od dana kada je rješenje postalo izvršno.

(3) Protiv zaključka o dozvoli prisilnog izvršenja je dozvoljena posebna žalba u roku od 8 dana od dana prijema zaključka koja ne odlaže izvršenje, a koja se putem Kantonalne uprave dostavlja drugostepenom organom.

Član 75.

(Sadržaj zaključka o provedbi prisilnog izvršenja rješenja)

(1) Zaključak o dozvoli prisilnog izvršenja rješenja sadrži podatke o:

- a) subjektu nadzora i zakonskom osnovu za donošenje zaključka o dozvoli prisilnog izvršenja rješenja,

- b) rješenju koje se izvršava i konstatacija da subjekt nadzora nije postupio po rješenju komunalnog inspektora u određenom roku,
 - c) postupku i načinu prisilnog izvršenja,
 - d) datumu, odnosno roku prisilnog izvršenja i službene organe koji će provesti prisilno izvršenje, odnosno asistirati prilikom prisilnog izvršenja,
 - e) uputstvo o pravnom lijeku,
 - f) potpis komunalnog inspektora i otisak pečata Kantonalne uprave.
- (2) Ako je neophodno, iz posebnih razloga zaštite javnog interesa, prisilno izvršenje se može provesti i na dan državnog praznika, nedjeljom i noću.
- (3) Rok prisilnog izvršenja mora se odrediti tako da se sa izvršenjem počne najkasnije tri dana od dana uručenja zaključka o dozvoli prisilnog izvršenja rješenja subjektu nadzora i da se izvrši u roku od 15 dana od dana donošenja zaključka o dozvoli prisilnog izvršenja rješenja.
- (4) Način prisilnog izvršenja i sredstva izvršenja moraju biti takvi da se izvršenje provede na način i po postupku koji je najpovoljniji za subjekt nadzora.
- (5) Troškovi prisilnog izvršenja rješenja padaju na teret subjekta nadzora.

Član 76.

(Zapisnik o provedbi prisilnog izvršenja rješenja)

- (1) O provedbi zaključka o dozvoli prisilnog izvršenja rješenja komunalni inspektor sačinjava zapisnik.
- (2) U zapisniku se konstatuje činjenično stanje prisilnog izvršenja upravne mjere. Zapisnik se ulaže u spis predmeta, a jedan primjerak se uručuje subjektu nadzora.
- (3) Zapisnik je dokaz o toku i sadržaju radnji koje su provedene u postupku prisilnog izvršenja rješenja.

Član 77.

(Izvršenje upravne mjere prisilom sa novčanim kažnjavanjem)

- (1) Ako subjekt nadzora nije izvršio upravnu mjeru koja se sastoji u nenovčanoj obavezi, komunalni inspektori će mu izreći novčanu kaznu u visini od 50,00 KM radi prisiljavanja na izvršenje upravne mjere.
- (2) Istovremeno, sa izricanjem novčane kazne iz stava (1) ovog člana komunalni inspektori će subjektu nadzora odrediti novi rok za izvršenje uz prijetnju novom novčanom kaznom u visini od 200,00 KM u slučaju neizvršenja.
- (3) Ako u ponovljenoj kontroli izvršenja rješenja subjekt nadzora ne izvrši upravnu mjeru koja mu je naložena rješenjem i novim rokom iz stava (2) ovog člana, komunalni inspektori će u tom, kao i svakom narednom nadzoru izreći novčanu kaznu koja ne može biti veća od 500,00 KM.

Član 78.

(Uplata novčane kazne)

Uplata novčane kazne iz člana 77. ovog zakona se vrši na račun Budžeta Kantona Sarajevo.

Član 79.

(Obustava prisilnog izvršenja upravne mjere)

- (1) Komunalni inspektori obustavljaju postupak prisilnog izvršenja upravne mjere naložene zaključkom o dozvoli prisilnog izvršenja rješenja, ukoliko utvrde:
 - a) da je obaveza subjekta nadzora izvršena,

- b) da je njeno izvršenje nemoguće zbog objektivnih okolnosti,
- c) da se provodi prema licu koje nije u obavezi,
- d) da je upravni akt na osnovu kojeg je donesen zaključak o dozvoli prisilnog izvršenja rješenja poništen ili ukinut,
- e) da je izvršenje nemoguće zbog okolnosti izazvanih višom silom.

(2) O obustavi prisilnog izvršenja upravne mjere koja je naložena zaključkom o dozvoli prisilnog izvršenja rješenja komunalni inspektori donose zaključak protiv kojeg nije dozvoljena žalba.

Član 80.

(Primjena zakona o upravnom postupku)

Na sva pitanja koja nisu uređena ovim zakonom, a tiču se vođenja upravnog postupka primjenjuju se odredbe Zakona o upravnom postupku Federacije Bosne i Hercegovine („Službene novine Federacije Bosne i Hercegovine“, br. 2/98, 48/99 i 61/22).

Član 81.

(Saradnja sa kantonalnim, gradskim i općinskim inspekcijama)

- (1) Kantonalna uprava saraduje sa kantonalnim, gradskim i općinskim inspekcijama u pitanjima od značaja za efikasno vršenje nadzora nad primjenom komunalnih propisa i propisa kojim je prenesena nadležnost Kantona na Grad i općine.
- (2) U slučaju zaprimanja pisanog zahtjeva, prijave ili pritužbe koja se tiče oblasti za koju nije nadležna, Kantonalna uprava istu prosljeđuje nadležnom organu.
- (3) Odredbe stava (1) ovog člana odnose se i na anonimne zahtjeve koji upućuju na povredu zakona.

Član 82.

(Saradnja Kantonalne uprave sa drugim organima)

- (1) Kantonalna uprava saraduje sa drugim državnim organima, pravnim licima, udruženjima, sredstvima javnog informisanja, građanima i drugim subjektima po pitanjima od značaja za efikasno provođenje propisa nad kojima vrše nadzor kao i radi sprječavanja i otklanjanja štetnih posljedica.
- (2) Komunalni inspektori dužni su obavijestiti nadležne organe ukoliko prilikom vršenja komunalno inspeksijskog nadzora uoče određene nejasnoće ili nedostatke u primjeni kantonalnih zakona ili drugih propisa.
- (3) Komunalni policajci dužni su obavijestiti neposredno nadređenog ukoliko prilikom vršenja komunalno policijske kontrole uoče određene nejasnoće ili nedostatke u primjeni kantonalnih zakona ili drugih propisa.

POGLAVLJE VIII - UNUTRAŠNJA KONTROLA

Član 83.

(Pojam i provođenje unutrašnje kontrole)

- (1) Unutrašnja kontrola je skup postupaka uspostavljen za provjeru zakonitosti, pravilnosti, profesionalnosti i etičnosti rada komunalnih policajaca i komunalnih inspektora, kao i drugih državnih službenika i namještenika zaposlenih u Kantonalnoj upravi.
- (2) Unutrašnja kontrola obuhvata metode i postupke za praćenje procesa ostvarivanja postavljenih ciljeva, te poduzimanje konkretnih mjera u slučajevima njihovog neostvarivanja.

Član 84.

(Osnovni ciljevi rada unutrašnje kontrole)

Osnovni ciljevi rada unutrašnje kontrole su:

- a) podizanje kvaliteta rada u Kantonalnoj upravi i poštivanje zakonskih i podzakonskih propisa,
- b) unapređenje internih postupaka i pravila,
- c) eliminisanje nepravilnog i neprofesionalnog rada zaposlenih,
- d) adekvatno reagiranje na predstavke u vezi rada i postupanja zaposlenika,
- e) sticanje povjerenja građana i pravnih lica,
- f) zaštita zaposlenika od neosnovanih pritužbi i predstavki,
- g) osiguranje pravilnog i jednoobraznog vođenja propisanih evidencija,
- h) poštivanje propisanih rokova za postupanje.

Član 85.

(Poslovi unutrašnje kontrole)

(1) Poslovi unutrašnje kontrole su:

- a) zaprimanje i razmatranje prijave i predstavki građana na rad zaposlenika Kantonalne uprave,
- b) provjeravanje navoda iz prijave i predstavki i izvještavanje Direktora o utvrđenom činjeničnom stanju,
- c) vršenje provjere blagovremenosti postupanja komunalnih policajaca i komunalnih inspektora po podnesenim zahtjevima za vršenje komunalno policijske kontrole i komunalno inspeksijskog nadzora,
- d) sačinjavanje informacija o postupanju komunalnih policajaca i komunalnih inspektora i ukazivanje na eventualne propuste u radu,
- e) praćenje blagovremenog izdavanja upravnih mjera i izvršenja mjera i pokretanje prekršajnog postupka i izdavanje prekršajnog naloga,
- f) vršenje provjera i prikupljanje činjenica i dokaza kod nastupanja materijalne štete u vršenju državne službe od strane komunalnih policajaca, komunalnih inspektora, državnih službenika i namještenika, te izvještavanje Direktora o visini pričinjene štete, okolnostima pod kojima je šteta učinjena, odnosno krivice zaposlenika za učinjenu štetu,
- g) vršenje provjera i prikupljanje činjenica i dokaza po zahtjevu Direktora u slučajevima kada postoje indicije ili saznanja o povredi službene dužnosti od strane komunalnog policajca, komunalnog inspektora, državnog službenika ili namještenika, a prije eventualnog podnošenja disciplinske prijave od strane Direktora,
- h) praćenje pravilnosti korištenja službenih vozila i opreme,
- i) kontrola pravilnosti izvještavanja o službenim putovanjima i realizaciji naloga za službena putovanja,
- j) praćenje poštivanja radnog vremena od strane zaposlenika,
- k) praćenje ažurnosti vođenja evidencija o izvršenoj komunalno policijskoj kontroli i komunalno inspeksijskom nadzoru,
- l) saradnja sa Uredom za borbu protiv korupcije Kantona Sarajevo,
- m) priprema dokumenata i provođenje aktivnosti za borbu protiv korupcije u Kantonalnoj upravi kao i drugi poslovi propisani pravilnikom o unutrašnjoj organizaciji.

(2) Organizacija unutrašnje kontrole i postupak provođenja unutrašnje kontrole uređuju se pravilnikom o unutrašnjoj kontroli.

(3) Direktor će pravilnik iz stava (2) ovog člana donijeti u roku od 90 dana od dana stupanja na snagu ovog zakona.

Član 86.

(Vršenje unutrašnje kontrole)

Unutrašnju kontrolu u Kantonalnoj upravi sprovodi Sektor unutrašnje kontrole, kojim rukovodi pomoćnik Direktora.

POGLAVLJE IX. - UPRAVNI NADZOR I KAZNENE ODREDBE

Član 87.

(Nadzor nad primjenom i provođenje zakona)

Pružanje savjetodavnih mišljenja u vezi pravilne primjene ovog zakona i nadzor nad primjenom ovog zakona vrši Kantonalna uprava za komunalne poslove Kantona Sarajevo.

Član 88.

(Prekršaji i prekršajne kazne)

(1) Subjekt komunalno policijske kontrole i komunalno inspekcijuskog nadzora će za prekršaje učinjene tokom vršenja komunalno policijske kontrole i komunalno inspekcijuskog nadzora biti kažnjen u skladu sa ovim zakonom.

(2) Novčanom kaznom u iznosu od 3.000,00 KM do 15.000,00 KM kaznit će se za prekršaj pravno lice ako:

a) odbija saradnju sa komunalnim inspektorima u postupku poduzimanja preventivnih mjera i radnji i ne postupi po rješenju komunalnih inspektora prilikom poduzimanja preventivnih mjera (član 44. tačka e) ovog zakona),

b) ne sudjeluje u vršenju komunalno policijske kontrole (član 61. stav (1) ovog zakona),

c) sprječava ili otežava komunalnim policajcima vršenje kontrole (član 61. stav (2) ovog zakona),

d) ne da na uvid službenu dokumentaciju, tačne podatke koji su im potrebni za pravilno utvrđivanje svih činjenica i okolnosti, u vršenju komunalno policijske kontrole odmah na licu mjesta (član 61. stav (4) ovog zakona),

e) ne odazove pozivu komunalnih policajaca da u roku koji mu je naložen donese u službene prostorija kantonalne uprave dokumentaciju ili da dođe lično radi davanja pojašnjenja (član 61. stav (5) ovog zakona),

f) u ostavljenom roku ne obavjesti komunalne inspektore o izvršenju upravne mjere (član 70. stav (1) ovog zakona),

g) ne postupi po rješenju komunalnih inspektora i ne izvrši upravnu mjeru koja mu je rješenjem naložena u roku utvrđenom u rješenju (član 74. stav (1) ovog zakona).

(3) Za prekršaj iz stava (2) ovog člana kaznit će se i odgovorno lice u pravnom licu novčanom kaznom u iznosu od 1.000,00 KM do 3.000,00 KM.

(4) Za prekršaj iz stava (2) ovog člana kaznit će se i fizičko lice – poslodavac novčanom kaznom u iznosu od 1.000,00 KM do 1.500,00 KM.

(5) Za prekršaj iz stava (2) ovog člana kaznit će se i fizičko lice – poslodavac koje obavlja određenu djelatnost bez rješenja (dozvole) nadležnog organa, novčanom kaznom u iznosu od 1.000,00 KM do 1.500,00 KM.

(6) Za prekršaj iz stava (2) ovog člana kaznit će se i fizičko lice – građanin novčanom kaznom u iznosu od 500,00 KM do 1.000,00 KM.

(7) Novčanom kaznom u iznosu od 300,00 KM do 1.500,00 KM kaznit će se za prekršaj fizičko lice koje je prisustvovalo komunalno policijskoj kontroli, a zapisnik nije dostavio odgovornom licu u subjektu nadzora iz člana 55. stav (5) ovog zakona.

(8) Za prekršaje neizvršenje upravne mjere prisilom sa novčanim kažnjavanjem iz člana 77. stav (3) ovog zakona kaznit će se pravno lice novčanom kaznom u iznosu od 5.000,00 do 15.000,00 KM.

(9) Za prekršaj iz člana 77. stav (3) ovog zakona kaznit će se odgovorno lice u pravnom licu novčanom kaznom u iznosu od 2.000,00 do 3.000,00 KM.

(10) Za prekršaj iz člana 77. stav (3) ovog zakona, kaznit će se fizičko lice registrovano kod nadležnog organa za obavljanje određene djelatnosti novčanom kaznom u iznosu od 1.200,00 do 1.500,00 KM.

(11) Za prekršaj iz člana 77. stav (3) ovog zakona, kaznit će se fizičko lice građanin novčanom kaznom u iznosu od 500,00 do 1.500,00 KM.

Član 89.

(Prekršaji i kazne za postupanje komunalnog inspektora i komunalnog policajca)

(1) Novčanom kaznom u iznosu od 500,00 KM do 1.500,00 KM kaznit će se inspektor koji:

- a) ne izvrši inspekcijski nadzor propisan u članu 5. ovog zakona,
- c) ne predoči nalog za inspekcijski nadzor propisan u članu 48. ovog zakon,
- d) ne izda potvrdu o privremenom oduzimanju dokumenta propisan u članu 28. stav (2) Zakona o inspekcijama Kantona Sarajevo.
- e) ne omogući subjektu nadzora da se izjasni o činjenicama i dokazima propisanim u članu 58. Zakona o inspekcijama Kantona Sarajevo,
- f) ne postupi u skladu sa odredbama propisanim u članu 73. Zakona o inspekcijama Kantona Sarajevo,
- g) ne donese zaključak o dozvoli prisilnog izvršenja rješenja propisan u članu 74. stav (2) ovog zakona,
- h) ne donese poseban zaključak o dozvoli izvršenja upravne mjere prije njene izvršnosti propisan u članu 97. stav (2) Zakona o inspekcijama Kantona Sarajevo.

(2) Novčanom kaznom u iznosu od 500,00 KM do 1.500,00 KM kaznit će se komunalni policajac koji:

- a) ne izvrši komunalno policijsku kontrolu propisanu u članu 25. ovog zakona,
- b) ne izda potvrdu o privremenom oduzimanju predmeta propisan u članu 32. stav (2) ovog zakona,
- c) ne omogući subjektu nadzora da se izjasni o činjenicama navedenim u zapisnik propisan u članu 56. i 62. ovog zakona,
- d) ne sačini zapisnik u skladu sa članom 54. ovog zakona.

Član 90.

(Disciplinska odgovornost komunalnih inspektora i komunalnih policajaca)

(1) Komunalni inspektori odgovaraju disciplinski za učinjene povrede službene dužnosti utvrđene odredbama Zakona o državnoj službi u Kantonu Sarajevo i propisima donesenim na osnovu tog zakona.

(2) Komunalni policajci odgovaraju disciplinski za učinjene povrede službene dužnosti utvrđene odredbama, Zakona o namještenicima u organima državne službe u Federaciji Bosne

i Hercegovine („Službene novine Federacije BiH“, br. 49/05 i 103/21), i propisima donesenim na osnovu tog zakona.

(3) Pored utvrđenih povreda službene dužnosti lake povrede za komunalne policajce su i nenošenje ili neuredno nošenje službene uniforme, sredstava za rad i neuredan lični izgled.

(4) Teže povrede službene dužnosti za komunalne policajce su:

- a) davanje podataka neovlaštenim licima,
- b) iznošenje neistinitih podataka o Kantonalnoj upravi,
- c) samovoljno napuštanje radnog mjesta,
- d) samovoljno napuštanje službenih prostorija ili mjesta određenog za nadzor,
- e) izdavanje ili izvršavanje naređenja kojim se protivpravno ugrožava bezbjednost lica ili imovine,
- f) svaka radnja odnosno propuštanje radnje kojom se onemogućava, ometa ili otežava izvršavanje službenih zadataka,
- g) gubljenje ili oštećenje tehnike, opreme ili sredstava sa kojima je komunalni policajac zadužen ili ih koristi u obavljanju službenih zadataka,
- h) nepreduzimanje mjera ili nepružanje pomoći u okviru svojih službenih obaveza drugim organima uprave,
- i) protivpravno pribavljanje lične ili imovinske koristi za sebe ili drugog u vezi sa obavljanjem službenih zadataka,
- j) izdavanje naređenja čije bi izvršenje predstavljalo krivično djelo,
- k) prikrivanje izvršenja teže povrede službene dužnosti od strane neposrednog rukovodioca,
- l) davanje izjava i saopštenja bez odobrenja Direktora ili lica koje on ovlasti,
- m) nepodvrgavanje vanrednom kontrolnom zdravstvenom pregledu,
- n) svaki vid korupcije,
- o) nošenje uniforme van radnog vremena bez saglasnosti Direktora.

Član 91.

(Sredstva za finansiranje rada Kantonalne uprave)

Sredstva za finansiranje rada Kantonalne uprave, nabavka sredstava za rad i opreme obezbjeđuju se iz Budžeta Kantona Sarajevo.

Član 92.

(Posebni uslovi rada)

Zbog posebnih uslova rada, težine i prirode posla i odgovornosti za obavljanje poslova Kantonalne uprave iz člana 14. ovog zakona, za Direktora, pomoćnika Direktora komunalne policije, šefove odjeljenja komunalne policije, glavnog komunalnog inspektora, komunalne inspektore i komunalne policajce, plaća se uvećava u iznosu od 20% osnovne plaće, a sve na osnovu člana 22. st. (1) tačka c) i (3) Zakona o plaćama i naknadama u organima vlasti Kantona Sarajevo („Službene novine Kantona Sarajevo“, broj: 5/19, 40/22 i 6/25).

POGLAVLJE X - PRELAZNE I ZAVRŠNE ODREDBE

Član 93.

(Javnost rada Kantonalne uprave)

(1) Javnost rada ostvaruje se podnošenjem izvještaja o radu Vladi i Skupštini Kantona Sarajevo, davanjem obavještenja putem konferencija za štampu, putem medija te objavljivanjem određenih podataka na web stranici Kantonalne uprave.

(2) Obavještenja i podatke o radu Kantonalne uprave u sredstvima javnog informisanja daje Direktor ili ovlaštena osoba, uz prethodno odobrenje Direktora.

(3) Javnost rada Kantonalne uprave ostvaruje se u skladu sa Zakonom o slobodi pristupa informacijama u Federaciji Bosne i Hercegovine („Službene novine Federacije BiH“, br. 32/01 i 48/11) i Uputstvom za provođenje Zakona o slobodi pristupa informacijama u Federaciji Bosne i Hercegovine („Službene novine Federacije BiH“, broj 57/01).

Član 94.

(Donošenje pravilnika)

Direktor uprave donijet će u roku od 180 dana od dana stupanja na snagu ovog zakona:

- a) Pravilnik o utvrđivanju normativa za vršenje komunalno policijskih kontrola i komunalno inspeksijskog nadzora propisan članom 16. ovog zakona,
- b) Pravilnik o elektronskom vođenju i sadržaju obrazaca – knjige evidencije o komunalno policijskim kontrolama i komunalno inspeksijskom nadzoru propisan članom 17. stav (2) ovog zakona,
- c) Pravilnik o sadržaju i programu stručnog osposobljavanja komunalnih policajaca i imenovanju komisije za polaganje stručnog ispita za komunalne policajce iz člana 38. stav (5) ovog zakona,
- d) Pravilnik o kriterijima za utvrđivanje obima i složenosti komunalno policijske kontrole i komunalno inspeksijskog nadzora i rokove za njihovo izvršavanje propisan članom 49. stav (2) ovog zakona,
- e) Pravilnikom o unutrašnjoj kontroli propisan članom 85. stav (2) ovog zakona,
- f) Pravilnik o kriterijumima i postupku prijema komunalnih policajaca i komunalnih inspektora,
- g) Pravilnik o kontinuiranoj obuci komunalnih policajaca i komunalnih inspektora, te drugi neophodni pravilnici i akti.

Član 95.

(Saradnja kantonalnih organa sa Kantonalnom upravom)

Svi organi na nivou Kantona dužni su odmah pružiti saradnju i preduzeti sve aktivnosti unutar svoje nadležnosti kako bi se u što kraćem roku osigurali svi potrebni preduslovi za uspostavu i funkcionalan rad Kantonalne uprave.

Član 96.

(Komunalno inspeksijski postupak započet prije dana stupanja na snagu ovog zakona)

Komunalno inspeksijski postupak započet prema propisima koji su bili na snazi prije primjene na snagu ovog zakona završit će se prema tim propisima.

Član 97.

(Prestanak rada Službe komunalnih redara KJKP „Rad“ d.o.o. Sarajevo i KJKP „Park“ d.o.o. Sarajevo)

(1) Služba komunalnih redara KJKP „Rad“ d.o.o. Sarajevo i Služba komunalnih redara KJKP „Park“ d.o.o. Sarajevo, prestaje sa radom šest mjeseci od početka primjene ovog zakona.

(2) Pravilnik o zadacima i načinu obavljanja dužnosti komunalnih redara, načinu odijevanja, obliku i sadržaju legitimacije komunalnog redara („Službene novine Kantona Sarajevo“, broj 4/17) prestaje važiti, šest mjeseci od početka primjene ovog zakona.

(3) Nakon stupanja na snagu ovog zakona u prelaznom roku od šest mjeseci Kantonalna uprava će preuzeti nadležnost nad primjenom Zakona o komunalnoj čistoći.

(4) KJKP „Rad“ d.o.o. Sarajevo i KJKP „Park“ d.o.o. Sarajevo su nakon prestanka rada službi komunalnih redara dužni rasporediti uposlenike istih na druga radna mjesta, a u skladu sa stručnom spremom i drugim propisanim uslovima.

Član 98.

(Izmjene i dopune zakona i drugih propisa uvjetovane donošenjem ovog zakona)

(1) U roku od šest mjeseci od stupanja na snagu ovog zakona, uskladit će se sa ovim zakonom slijedeći propisi:

a) Zakon o komunalnim djelatnostima („Službene novine Kantona Sarajevo“, broj 14/16, 43/16, 10/17 – Ispravka, 19/17, 20/18 i 22/19),

b) Zakon o komunalnoj čistoći („Službene novine Kantona Sarajevo“, br. 14/16, 43/16, 19/17, 20/18 i 22/19),

c) Zakon o uređenju saobraćaja na području Kantona Sarajevo („Službene novine Kantona Sarajevo“, broj 30/17, 46/17 i 1/22),

d) Zakon o obavezama i ovlaštenjima kontrolora operatera javnog prijevoza putnika u Kantonu Sarajevo („Službene novine Kantona Sarajevo“, broj 37/14),

e) Zakon o privremenom korištenju javnih površina na području Kantona Sarajevo („Službene novine Kantona Sarajevo“, br. 20/04, 26/12 i 24/15),

f) Zakon o inspekcijama Kantona Sarajevo („Službene novine Kantona Sarajevo“, br. 2/17 i 37/21),

g) Zakon o ministarstvima i drugim organima uprave Kantona Sarajevo („Službene novine Kantona Sarajevo“, broj: 40/22)

(2) U roku od šest mjeseci od stupanja na snagu ovog zakona uskladit će se sa ovim zakonom podzakonski akti kojima se uređuje obavljanje komunalne djelatnosti.

Član 99.

(Stupanje na snagu)

Ovaj zakon stupa na snagu osmog dana od dana objavljivanja u „Službenim novinama Kantona Sarajevo“, a primjenjivat će se istekom šest mjeseci od dana stupanja na snagu ovog zakona.

Broj:
Sarajevo,

**Predsjedavajući
Skupštine Kantona Sarajevo**

Elvedin Okerić



O B R A Z L O Ž E N J E
(Prijedloga Zakona o komunalnoj policiji)

- PRAVNI OSNOV -

Pravni osnov za donošenje Prijedloga Zakona o komunalnoj policiji Kantona Sarajevo sadržan je u članu 12. tačka e. i članu 18. tačka b. Ustava Kantona Sarajevo ("Službene novine Kantona", br. 1/96, 2/96 – Ispravka, 3/96 – Ispravka, 16/97, 14/00, 4/01, 28/04, 6/13 i 31/17), kojima je utvrđeno da Kanton Sarajevo ima sve nadležnosti koje nisu izričito povjerene federalnoj vlasti ili koje ne spadaju u vlastite nadležnosti jedinica lokalne samouprave, a posebno je nadležan, pored ostalih utvrđenih nadležnosti, za utvrđivanje politike koja se tiče reguliranja i osiguravanja javnih službi. Skupština Kantona Sarajevo je nadležna da donosi zakone i druge propise iz nadležnosti Kantona, izuzev propisa koji su Ustavom ili zakonom dati u nadležnost Vlade Kantona.

- RAZLOZI ZA DONOŠENJE -

Vlada Kantona Sarajevo je na 40. sjednici, održanoj dana 09.09.2021. godine, donijela Rješenje broj: 02-04-33414-10/21, o formiranju interresorne radne grupe za izradu Zakona o komunalnoj policiji Kantona Sarajevo, Zadatak interresorne radne grupe je izrada radnog materijala, nacrti i prijedloga Zakona o komunalnoj policiji Kantona Sarajevo.

Skupština Kantona Sarajevo je na 52. Radnoj sjednici, održanoj dana 16.05.2022. godine, Zaključkom broj: 01-02-20203/22 utvrdila Nacrt Zakona o komunalnoj policiji Kantona Sarajevo i isti uputila u javnu raspravu u trajanju od 60 dana s tim da javnu raspravu organizuje i provodi Vlada Kantona Sarajevo.

U prethodnom vremenskom periodu provedena je Javna rasprava te su se pripremili neophodni materijali potrebni za usvajanje Prijedloga Zakona, a nakon čega je Zaključkom Vlade Kantona Sarajevo broj: 02-04-32127-3/22 od 25.08.2022. godine, utvrđen je Prijedlog Zakona o komunalnoj policiji Kantona Sarajevo i isti je dostavljen Skupštini Kantona Sarajevo na usvajanje. Međutim, navedeni Prijedlog Zakona je povučen sa dnevnog reda sjednice Skupštine Kantona Sarajevo radi dodatnih konsultacija i usaglašavanja.

Uzimajući u obzir činjenicu da je Ministarstvo finansija Kantona Sarajevo dalo mišljenje o fiskalnoj procjeni propisa koji se u tom periodu odnosilo na fiskalnu procjenu propisa na prihode i primitke, rashode i izdatke za budžetsku godinu (2022.godinu) i dvije naredne godine (2024. godinu), upućen je novi zahtjev za davanje mišljenja ministarstva finansija o fiskalnoj procjeni propisa za budžetsku 2023. godinu i naredne dvije.

Bitno je napomenuti da nije bilo izmjena i dopuna u tekstu prijedloga zakona, te da isti nije ni prvobitno bio sporan, odnosno isti je dobio pozitivna mišljenja od strane Ministarstva pravde i uprave Kantona Sarajevo i Ureda za zakonodavstvo Vlade Kantona Sarajevo

Ovim Prijedlogom Zakona propisuje se osnivanje Kantonalne uprave za komunalne poslove u Kantonu Sarajevo. Ovaj zakon ima važnu ulogu u očuvanju i unapređenju dostignutog kvaliteta i nivoa obavljanja komunalnih djelatnosti koje obezbjeđuje Kanton Sarajevo, promoviranje opšte prihvaćenih vrijednosti zajednice, zaštite prava građana i utvrđivanje njihovih obaveza. Ovaj zakon je dio pravnog sistema Kantona Sarajevo i uzajamno je vezan za Zakon o komunalnim djelatnostima ("Službene novine Kantona Sarajevo", br. 14/16, 43/16, 10/17- Ispravka, 19/17, 20/18 i 22/19), Zakon o komunalnoj čistoći ("Službene novine Kantona Sarajevo", br. 14/16, 43/16, 19/17, 20/18 i 22/19) i Zakon o inspekcijama Kantona Sarajevo ("Službene novine Kantona Sarajevo", br. 2/17 i 37/21). Ovaj zakon na djelotvoran, pravičan, lako razumljiv, pristupačan i provodiv način pomaže održavanju i unapređenju komunalnog reda na području Kantona Sarajevo, a naročito omogućava planiranje aktivnosti i predvidivo postupanje kantonalnih komunalnih policajaca prilikom vršenja nadzora. Donošenjem ovog zakona Kanton Sarajevo bi uticao na određeno

ponašanje građana i pravnih lica, a koje se smatra neadekvatnim, kroz uvođenje direktnih mjera za sankcionisanje. Mjere se ogledaju u kažnjavanju lica u prekršaju izdavanjem prekršajnog naloga, te provođenjem indirektnih mjera koje podrazumijevaju prisustvo komunalnih policajaca na terenu svakodnevno 24 sata dnevno i svih sedam dana u sedmici, kao i primjenu preventivno-edukativnih mjera sve s ciljem postizanja željenih rezultata i efikasnog provođenja komunalnih djelatnosti koje obezbjeđuje Kanton Sarajevo. Postojeća zakonska rješenja takođe nisu u skladu sa normama ponašanja u Evropskoj uniji, te su zbog osporavanja Kantonu Sarajevo da uređuje oblast komunalnih djelatnosti zastarjela, loše izrađena i time pružaju priliku licima u prekršaju da uopće ne budu sankcionisana radi društveno problematičnog ponašanja. Loša povezanost i nedostatak koordinacije postojećih službi, nesrazmjer u broju izvršilaca i neefikasnost postojećih službi komunalnih redara, komunalnih preduzeća i kantonalnih komunalnih inspektora takođe je uzrokovalo trenutno nezadovoljavajuće stanje. Donošenjem Zakona o komunalnoj policiji, komunalni policajci će kao i komunalni inspektori, u skladu sa svojim ovlaštenjima, biti u mogućnosti da izdaju prekršajni nalog kada uoče i utvrde prekršaj iz oblasti komunalne čistoće, čime će na efikasan način biti znatno skraćena procedura vođenja prekršajnog postupka i njegovo okončanje izdavanjem prekršajnog naloga (pa čak i na licu mjesta), što će rezultirati većim brojem izdatih prekršajnih naloga kao i boljim održavanjem komunalnog reda na području Kantona Sarajevo, što je u konačnici javni interes svih građana Kantona. Takođe je važno istaći da će kantonalna komunalna policija i komunalna inspekcija doprinjeti efikasnijem punjenju Budžeta Kantona Sarajevo i budžetima nižih organa vlasti. Prilikom donošenja samog Nacrta Zakona o komunalnoj policiji Kantona Sarajevo obavljene su konsultacije sa predstavnicima Ministarstva komunalne privrede i infrastrukture, prostornog uređenja, građenja i zaštite okoliša Kantona Sarajevo, Kantonalne uprave za inspeksijske poslove Kantona Sarajevo, Ministarstva pravde i uprave Kantona Sarajevo, Ministarstva unutrašnjih poslova Kantona Sarajevo, predstavnicima KJKP "RAD" d.o.o. Sarajevo, KJKP "PARK" d.o.o. Sarajevo, kao i Službama komunalnih redara ovih preduzeća, predsjednikom sindikata policijskih službenika MUP- a Kantona Sarajevo, profesorom sa Fakulteta sporta i tjelesnog odgoja Univerziteta u Sarajevu. Izradi ovog zakona je predhodila analiza potaknuta dugotrajnim nezadovoljstvom građana Kantona Sarajevo, izraženog kroz mnogobrojne prijave građana upućene kantonalnoj komunalnoj inspekciji i Službama komunalnih redara komunalnih preduzeća, u vezi lošeg kvaliteta provođenja komunalne djelatnosti "održavanje čistoće na javnim površinama", kao i čestim pritužbama korisnika komunalnih usluga u vezi sa provođenjem komunalne djelatnosti, "prikupljanje i odvoz komunalnog otpada iz stambenih zgrada, poslovnih zgrada i poslovnih prostora na deponiju" i opravdanim primjedbama građana, a pogotovo stanovnika naselja oko centralne deponije otpada "Smiljevići", na način provođenja komunalne djelatnosti "odlaganje komunalnog otpada na glavnu sanitarnu deponiju". Nakon konstatacije da u radu Službi komunalnih redara komunalnih preduzeća i u njihovoj koordinaciji sa kantonalnom komunalnom inspekcijom stvarno postoje problemi, da i zbog toga građani ne poštuju pozitivne propise, kao i da društvena zajednica to tretira kao problematično ponašanje. Navedeno se najčešće ogleda u činjenju raznih prekršaja, kao što su parkiranje vozila na javnu zelenu površinu, parkiranje vozila uz posude za odlaganje komunalnog otpada, na način da se onemogućava njihovo pražnjenje, odlaganje kućnog i kabastog otpada na javnu površinu kao i na mjesta gdje je to dozvoljeno, ali je prekršaj kada se to čini van za to određenih termina. Takođe je uočeno da pravna lica najčešće čine prekršaje odlaganja kućnog smeća i otpada iz procesa rada na javnu površinu i prljaju javne saobraćajne površine iznošenjem blata na točkovima kamiona prilikom njihovog izlaska sa gradilišta. Istovremeno je konstatovano da su česti prekršaji u vezi plakatiranja, odnosno postavljanja plakata na mjesta koja nisu predviđena u tu svrhu, što je naročito izraženo u vrijeme odvijanja izbornog procesa. Iako je za navedene prekršaje i sada predviđena sankcija, zbog neefikasnosti postojećih Službi komunalnih redara komunalnih preduzeća, kao i trenutno malog broja komunalnih inspektora u Kantonalnoj upravi za inspeksijske poslove Kantona Sarajevo, često dolazi do situacije da se lica u prekršaju ne sankcionišu u zakonom predviđenom roku. Navedeno, uz nemogućnost donošenja novih propisa iz ove oblasti, predhodno usaglašenih sa nižim nivoima vlasti i kojima bi na savremen i efikasan način bila regulisala komunalna djelatnost, uz puno



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-086, Fax: + 387 (0) 33 562-177

Web: <http://mkipgo.ks.gov.ba>,

E-mail: mkipgo@mkipgo.ks.gov.ba

poštivanje principa lokalne samouprave, je doprinijelo da se pozitivni propisi gotovo i neprimjenjuju. Stanje komunalne čistoće je sve gore, uzaludno se pojačano angažuju sredstva i dodatno troši novac, što u konačnici kod stanovnika Kantona Sarajevo može potencijalno stvoriti negativnu sliku o kredibilnosti vlasti. Zakon o komunalnim djelatnostima u cjelosti određuje komunalne djelatnosti, načela, način obavljanja i finansiranja, kao i pružanje komunalnih usluga od interesa za fizička i pravna lica, te finansiranje građenja i održavanja objekata i uređaja komunalne infrastrukture kao cjelovitog sistema na području Kantona Sarajevo te druga pitanja od značaja za uspješno obavljanje komunalnih djelatnosti na području Kantona Sarajevo. Zakon o komunalnim djelatnostima taksativno nabroja 14 komunalnih djelatnosti čije obavljanje obezbjeđuje Kanton Sarajevo, te precizira da su komunalne djelatnosti od javnog interesa i obavljaju se kao javne službe. Kanton, Grad i općine, pravna i fizička lica koja obavljaju komunalne djelatnosti, obavezni su na osnovu ovog Zakona i posebnih propisa osigurati trajno i kvalitetno obavljanje komunalnih djelatnosti, osigurati održavanje komunalnih objekata i uređaja u stanju funkcionalne sposobnosti, poduzimati mjere za očuvanje i zaštitu okoliša i osigurati javnost i transparentnost rada. U članu 7. Zakona o komunalnim djelatnostima Kantona Sarajevo su navedene komunalne djelatnosti koje obezbjeđuje Kanton Sarajevo i koje, kao opšte korisne djelatnosti predstavljaju sistemsku cjelinu organizovanja i vršenja putem državnih službi i za to posebno organizovanih samostalnih organizacija koje su prihvaćene, podržavane i kontrolisane od strane državne zajednice. U komunalne djelatnosti koje obezbjeđuje Kanton Sarajevo spada i komunalna djelatnost "održavanje čistoće na javnim površinama", koja podrazumijeva čišćenje i pranje asfaltiranih, betonskih, popločanih i zelenih javnih površina, prikupljanje i odvoženje komunalnih otpadaka sa tih površina, te uklanjanje snijega i leda, zatim komunalna djelatnost "prikupljanje i odvoz komunalnog otpada iz stambenih, poslovnih zgrada i poslovnih prostora na deponiju", koja podrazumijeva prikupljanje komunalnog otpada na za to predviđenim mjestima i njegovo odvođenje na uređena odlagališta, te komunalna djelatnost "odlaganje komunalnog otpada na glavnu sanitarnu deponiju", koja podrazumijeva obrađivanje i trajno odlaganje komunalnog otpada na deponiju, otvaranje, saniranje i zatvaranje deponije po posebnim propisima. Članom 42. Zakona o komunalnim djelatnostima, je određeno da inspeksijski nadzor nad provođenjem odredaba ovog zakona i posebnih propisa iz člana 4., stav (20). ovog zakona vrši komunalni inspektor Kantona, Grada, odnosno općine, svaki u okviru svoje nadležnosti, te da kantonalni komunalni inspektor obavlja poslove iz oblasti komunalnih djelatnosti utvrđenih u članu 7. ovog zakona. Takođe je navedeno da komunalnom inspektoratu u vršenju inspeksijskog nadzora nad provođenjem ovog zakona i posebnih propisa iz člana 4., stav (20) ovog zakona pomaže komunalni redar u skladu sa posebnim propisima. U skladu sa nevedenim potrebno je isto načelo primjeniti i na komunalne inspektore Kantona Sarajevo te navesti da Kantonalnim komunalnim inspektorima umjesto komunalnih redara pomažu komunalni policajci. Zakonom o komunalnoj čistoći se u cjelosti uređuje oblast komunalne čistoće, utvrđuju obaveze preduzeća i drugih pravnih lica i građana u održavanju komunalne čistoće, način finansiranja i druga pitanja od značaja za održavanje komunalne čistoće na teritoriji Kantona Sarajevo, te se određuje što se smatra komunalnom čistoćom u smislu ovog zakona, definišu se javne površine i u čijoj je nadležnosti održavanje komunalne čistoće, propisuje nadležnost kantonalnog organa nadležnog za komunalne poslove da utvrdi Program održavanja komunalne čistoće na području 4 Kantona, propisuje obavezu da se Program i operativni plan održavanja čistoće dostavi općinskim organima nadležnim za komunalne poslove i kantonalnom inspektoratu nadležnom za inspeksijske poslove (Kantonalnoj upravi za inspeksijske poslove Kantona Sarajevo), te da ovaj organ uprave vrši i inspeksijski nadzor. U skladu sa navedenim program i operativni plan održavanja čistoće javnih površina bi bio dostavljen i Kantonalnom inspektoratu nadležnom za inspeksijske poslove u komunalnoj djelatnosti koji je u sastavu nove Kantonalne uprave. Važeći Zakon o komunalnoj čistoći je precizirao sljedeće: Članom 64. Zakona o komunalnoj čistoći je određeno da su, radi ostvarivanja zaštite komunalne čistoće na teritoriji Kantona, komunalna preduzeća (KJKP "RAD" d.o.o. Sarajevo i KJKP "PARK" d.o.o. Sarajevo) dužna osigurati neposredno čuvanje čistoće. Članom 65. Zakona o komunalnoj čistoći je precizirano da neposrednu zaštitu komunalne čistoće obavljaju komunalni redari (Službe komunalnih redara KJKP "RAD"



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-086, Fax: + 387 (0) 33 562-177

Web: <http://mkipgo.ks.gov.ba>,

E-mail: mkipgo@mkipgo.ks.gov.ba

d.o.o. Sarajevo i KJKP "PARK" d.o.o. Sarajevo). Članom 68. Zakona o komunalnoj čistoći je određeno da je komunalni redar ovlašten da vrši kontrolu u pogledu održavanja čistoće na javnim i drugim površinama, sačinjava zapisnike i službene zabilješke na licu mjesta, koje zatim prosljeđuje nadležnoj kantonalnoj komunalnoj inspekciji na postupanje. Budući da je jedan od razloga za formiranje Kantonalne komunalne policije uočena neefikasnost vođenja inspeksijskog nadzora i postupka potrebno je ukinuti navedene članove (član 64., 65., 66., 67. i 68.) Zakona o komunalnoj čistoći Kantona Sarajevo, osim toga treba prilagoditi članove 62. i 63. Zakona o komunalnoj čistoći. Zakon o inspekcijama Kantona Sarajevo („Službene novine Kantona Sarajevo“, br. 2/17 i 37/21) u članu 111. daje mogućnost, da ako je neophodno zbog prirode djelatnosti i funkcionalne povezanosti sa drugim poslovima državne uprave u određenoj oblasti se može uspostaviti inspekcije i u sastavu drugih organa uprave u Kantonu. Takođe je precizirano da kada je inspeksijski nadzor organizovan u okviru organa uprave u Kantonu Sarajevo tokom vršenja inspeksijskog nadzora primjenjuju se odredbe Zakon o inspekcijama Kantona Sarajevo, ukoliko posebnim zakonom nije drugačije propisano. Uvažavajući navedeno, Zakonom o komunalnoj policiji je propisano da se prekršaji u toku vođenja inspeksijskog nadzora sankcionišu u skladu sa Zakonom o inspekcijama Kantona Sarajevo, a prekršajne kazne se preuzimaju direktno iz člana 109. pomenutog zakona. Takođe je predviđeno da se prekršaji koje učine inspektori i kazne za takvo postupanje preuzimaju iz člana 110. Zakona o inspekcijama Kantona Sarajevo. Budući da je Zakon o komunalnim djelatnostima precizirao da komunalnim inspektorima u vršenju inspeksijskog nadzora pomažu komunalni redari, Grad Sarajevo i općine su postupili u skladu sa navedenim, te u sklopu tih inspeksijskih organa već rade komunalni redari, a formiranjem Kantonalne uprave preuzetim komunalnim inspektorima će umjesto dosadašnjih redara pomagati kantonalni komunalni policajci. Uvažavajući činjenicu da postojeće Službe komunalnih redara KJKP "RAD" d.o.o. Sarajevo i KJKP "PARK" d.o.o. Sarajevo nisu adekvatno odgovorile na izazov obavljanja neposredne zaštite komunalne čistoće, jer su njihovi komunalni redari uposlenici ovih preduzeća i nemaju ovlasti koje 5 su predviđene članom 42., stav (4) Zakona o komunalnim djelatnostima, da je izuzetno neefikasno njihovo postupanje, kao i rezultati izvršenih kontrola bez mogućnosti poduzimanja mjera, da se njihovi zapisnici i službene zabilješke dostavljaju kantonalnoj komunalnoj inspekciji na nadležno postupanje, da pomenuti zapisnici i službene zabilješke ne sadrže zaštićene osobne podatke lica koja su učinila konstatovani prekršaj je opredjelilo članove interesorne radne grupe da predloži formiranje nove, samostalne upravne organizacije koja bi imala naziv Kantonalna uprava za komunalne poslove u Kantonu Sarajevo Kantonalna uprava za komunalne poslove u Kantonu Sarajevo bi bila sastavljena od dosadašnjih kantonalnih komunalnih inspektora Inspektorata komunalne inspekcije, zaštite prirode, zaštite dobara baštine i inspekcije za sport Kantonalne uprave za inspeksijske poslove Kantona Sarajevo i od komunalnih policajaca koji budu primljeni nakon obavljenog javnog konkursa. Kantonalni komunalni inspektori bi prešli u Kantonalnu upravu za komunalne poslove Kantona Sarajevo na osnovu postignutog načelnog sporazuma direktora Kantonalne uprave za inspeksijske poslove Kantona Sarajevo i ministra Ministarstva komunalne privrede i infrastrukture, prostornog uređenja, građenja i zaštite okoliša Kantona Sarajevo. Komunalni policajci bi bili ovlašteni da nakon izvršenog komunalnog policijskog nadzora i konstatovanog prekršaja iz domena komunalnog reda, odnosno komunalne čistoće, izdaju prekršajni nalog fizičkom licu-građaninu, licu koje samostalno obavlja djelatnost, pravnom licu i odgovornom licu u pravnom licu. Komunalni policajci bi, takođe, bili ovlašteni da pomažu kantonalnim komunalnim inspektorima, takođe uposlenicima Kantonalne uprave za komunalne poslove Kantona Sarajevo, u vršenju inspeksijskog nadzora, kako je i predviđeno i u skladu sa članom 42., stav (4) Zakona o komunalnim djelatnostima. Uposlenicima Službi komunalnih redara KJKP "RAD" d.o.o. Sarajevo i KJKP "PARK" d.o.o. Sarajevo, koji ne ispunjavaju uslove za obavljanje poslova komunalnog policajca ili ne budu prošli konkursnu proceduru za prijem u Kantonalnu komunalnu policiju Kantona Sarajevo, će prema dogovoru biti ponuđen novi ugovor o radu i isti će biti raspoređeni na adekvatna radna mjesta u okviru njihovih preduzeća. Interresorna radna grupa je mišljenja da se određeni broj postojećih komunalnih redara KJKP "RAD" d.o.o. Sarajevo može angažovati na način da unutar preduzeća vrše kontrolu provođenja redovnog održavanja komunalne



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-086, Fax: + 387 (0) 33 562-177

Web: <http://mkipgo.ks.gov.ba>,

E-mail: mkipgo@mkipgo.ks.gov.ba

čistoće javnih površina, plana i programa prikupljanja i odvoza komunalnog otpada, plana i programa zimskog održavanja saobraćajnica i sl., a da se postojeći komunalni redari KJKP "PARK" d.o.o. Sarajevo, pored kontrole redovnog održavanja javnih zelenih površina, trebaju, uz dodatnu stručnu obuku, osposobiti da vrše kontrolu ispravnosti mobilijara koji je postavljen na dječijim igralištima, kao i njegovu usklađenost sa propisanim standardima. Interresorna radna grupa je istakla mišljenje da što prije treba donijeti odluku i pokrenuti proces formiranja Kantonalne uprave za komunalne poslove Kantona Sarajevo, koja će svojim kapacitetom, stručnošću, efikasnim radom i pravilnim odabirom kadrova biti spremna da se suoči sa problemima i izazovima provođenja i održavanja komunalnog reda na području Kantona Sarajevo. Napomena: Općina Centar Sarajevo je, nakon što je uočila da ima sličan problem sa održavanjem komunalnog reda na svom području, provela javnu raspravu u vezi donešenog nacrtu Odluke o komunalnom redu na području Općine Centar Sarajevo, koja je usklađena sa prijedlogom ovog Zakona o komunalnoj policiji Kantona Sarajevo i bavi se komunalnim redom i održavanjem površina koje nisu Zakonom o komunalnoj čistoći precizirane kao javne površine i na koje se ne odnose odredbe Zakona o komunalnoj čistoći. Također, u okviru javne rasprave, a u skladu sa Zaključkom Skupštine kojim je između ostalog utvrđen Nacrt Zakona, zaprimljene su primjedbe, prijedlozi i mišljenja od Udruženja Centar za promociju civilnog društva CPCD Sarajevo, KJKP Rad d.o.o. Sarajevo, KJKP Tržnice d.o.o. Sarajevo, Zamjenica predsjedavajućeg Skupštine Kantona Sarajevo Danijela Kristić - putem izvoda iz Stenograma sa Sjednice Skupštine Kantona Sarajevo, zainteresovani građanin - Kenan Kapo, a ono što je prihvaćeno ili odbijeno detaljno je obrazloženo u samom Izvještaju o rezultatima javne rasprave o Nacrtu Zakona o komunalnoj policiji Kantona Sarajevo, te je u vezi sa tim Prijedlog Zakona dopunjen/izmijenjen u nekoliko odredbi u odnosu na Nacrt Zakona.

Također, ono što ističemo jeste da je u okviru rasprave o navedenom Nacrtu Zakona na sjednici Skupštine Kantona Sarajevo najveći broj primjedbi i sugestija se vezao za upotrebu sredstva prinude - službene palice, te je Komisija zaključila da se službena palica kao sredstva prinude ukloni iz Zakona.

- PRAVNA RJEŠENJA -

Shodno naprijed navedenom u Prijedlogu Zakona o komunalnoj policiji Kantona Sarajevo predložena su sljedeća pravna rješenja:

POGLAVLJE I. - OPŠTE ODREDBE

U ovom poglavlju, u članovima 1. do 9. precizirane su opće odredbe zakona. Jasno su definisani predmet zakona i pojmovi koji se koriste. Sve definicije nalaze na jednom mjestu, te su usklađene sa definicijama sadržanim u drugim propisima. Također se osvrnulo na definisanje komunalno policijskog i komunalno inspeksijskog nadzora, sa ciljem uklanjanja nejasnoća prilikom buduće primjene ovog zakona.

Član 1. (Predmet) Utvrđuje predmet Zakona, propisuje se osnivanje Kantonalne uprave prava i obaveze komunalni policajaca i komunalnih inspektora

Član 2. (Značenje izraza) pojmovi koji se koriste u ovom Zakonu

Član 3. (Gramatička terminologija)

Član 4. (Vršenje komunalno inspeksijskog kontrole)

Član 5. (Vršenje komunalno inspeksijskog nadzora)

Član 6. (Uloga i značaj komunalno policijske kontrole i komunalno inspeksijskog nadzora)

Član 7. (Organizovanje komunalno policijske kontrole i komunalno inspeksijskog nadzora)

Član 8. (Lica koja vrše komunalno policijsku kontrolu i komunalno inspeksijski nadzor)

Član 9. (Načela vršenja komunalno policijske kontrole i komunalno inspeksijskog nadzora)

Član 10. (Obavještanje o počinjenom krivičnom djelu)

Član 11. (Propisivanje komunalno policijske kontrole)

Član 12. (Propisivanje komunalno inspeksijskog nadzora)



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-086, Fax: + 387 (0) 33 562-177

Web: <http://mkipgo.ks.gov.ba>,

E-mail: mkipgo@mkipgo.ks.gov.ba

POGLAVLJE II. - NADLEŽNOST KANTONALNE UPRAVE

U ovom poglavlju, u članovima 13. do 19. definisan je status Kantonalne uprave za komunalne poslove Kantona Sarajevo, djelokrug i način rada, kao polazni i pravni osnov za formiranje novog organa uprave u Kantonu Sarajevo.

Član 13. (Kantonalna uprava za komunalne poslove) samostalna kantonalna uprava.

Član 14. (Poslovi Kantonalne uprave)

Član 15. (Djelokrug Kantonalne uprave i broj komunalnih policajaca i komunalnih inspektora)

Član 16. (Normativi za vršenje komunalno policijskih kontrola i komunalno inspeksijskog nadzora)

Član 17. (Evidencije o komunalno policijskim kontrolama i komunalno inspeksijskom nadzoru)

Član 18. (Nadležnost Kantonalne uprave)

Član 19. (Rukovođenje Kantonalnom upravom)

POGLAVLJE III – ORGANIZACIJA KANTONALNE UPRAVE I STATUS KOMUNALNIH POLICAJACA I KOMUNALNIH INSPEKTORA

U okviru ovog poglavlja, članovima 20. do 41. jasno je definisano ko su komunalni policajci i komunalni inspektori, te njihova ovlaštenja i obaveze, kako bi se izbjegla pogrešna primjena zakona u praksi, a pogotovo imajući u vidu da je djelokrug rada komunalnih inspektora i komunalnih policajaca propisan i u drugim propisima.

Član 20. (Organizacija kantonale uprave)

Član 21. (Komunalni policajac)

Član 22. (Komunalni inspektor)

Član 23. (Uniforma, iskaznica i značka komunalnog policajca i komunalnog inspektora)

Član 24. (Prava i obaveze komunalnog policajca i komunalnog inspektora)

Član 25. (Ovlaštenja komunalnog policajca)

Član 26. (Davanje upozorenja)

Član 27. (Usmeno naređenje)

Član 28. (Provjera identiteta)

Član 29. (Zaustavljanje i pregled vozila i predmeta)

Član 30. (Audio i vizuelno snimanje)

Član 31. (Privremeno oduzimanje predmeta)

Član 32. (Postupak sa privremeno oduzetim predmetima)

Član 33. (Upotreba sredstava prinude)

Član 34. (Prikupljanje informacija)

Član 35. (Način primjene ovlaštenja komunalne policije)

Član 36. (Ovlaštenja komunalnih policijskih inspektora)

Član 37. (Stručno osposobljavanje komunalnog policajca)

Član 38. (Stručni ispit za komunalnog policajca)

Član 39. (Stručno obrazovanje komunalnih policajaca)

Član 40. (Ograničenje komunalnih policajaca i komunalnih inspektora u obavljanju drugih poslova)

Član 41. (Čuvanje službene tajne)

POGLAVLJE IV - PREVENTIVNO DJELOVANJE KOMUNALNIH POLICAJACA I KOMUNALNIH INSPEKTORA

Sa ciljem usklađivanja ovog propisa sa načelima i standardima koji su propisani u Evropskoj uniji, pri tome poštujući zagarantovana ljudska prava u članovima 42. i 43. propisano je preventivno



Adresa: Reisa Džemaludina Čauševića 1. 71 000 Sarajevo

Tel: + 387 (0) 33 562-086, Fax: + 387 (0) 33 562-177

Web: <http://mkipgo.ks.gov.ba>,

E-mail: mkipgo@mkipgo.ks.gov.ba

djelovanje komunalnih policajaca i komunalnih inspektora, sa ciljem zaštite javnog i privatnog interesa.

Član 42. (Preventivno djelovanje komunalnih policajca i komunalnih inspektora)

Član 43. (Preventivne mjere)

POGLAVLJE V - POSTUPAK KOMUNALNO POLICIJSKE KONTROLE I KOMUNALNO INSPEKCIJSKOG NADZORA

U ovom poglavlju, u članovima 44. do 63. precizirani su svi radni procesi Kantonalne uprave za komunalne poslove Kantona Sarajevo. Iako su određeni procesi precizirani i drugim zakonima, imajući u vidu da se radi o novoj upravnoj organizaciji koja je prva takve vrste u Bosni i Hercegovini, stvorila se potreba da se svi radni procesi nanovo definišu, razrade i propišu, kako bi se izbjegle nedoumice prilikom primjene ovog zakona i funkcionisanja uprave.

Član 44. (Vođenje postupka komunalno policijske kontrole i komunalno inspekcijiskog nadzora)

Član 45. (Vršenje komunalno policijske kontrole i komunalno inspekcijiskog nadzora)

Član 46. (Nalog za vršenje komunalno policijske kontrole i komunalno inspekcijiskog nadzora)

Član 47. (Predočavanje naloga za vršenje komunalno policijske kontrole odnosno komunalno inspekcijiskog nadzora)

Član 48. (Lista provjera – obim i složenost komunalno policijske kontrole i komunalno inspekcijiskog nadzora)

Član 49. (Predstavljanje komunalnog policajca i komunalnog inspektora subjektu kontrole, odnosno nadzora)

Član 50. (Mjesto, vrijeme vršenja i vrijeme trajanja komunalno policijske kontrole i komunalno inspekcijiskog nadzora)

Član 51. (Dužnost omogućavanja rada komunalnim policajcima i komunalnim inspektorima)

Član 52. (Utvrđivanje podataka o subjektu nad kojim se vrši kontrola, odnosno nadzor)

Član 53. (Komunalno policijski zapisnik)

Član 54. (Mjesto sačinjavanja zapisnika komunalnih policajaca)

Član 55. (Primjedbe na zapisnik)

Član 56. (Dokazna snaga zapisnika o komunalno policijskoj kontroli)

Član 57. (Obaveza čitanja zapisnika i razmatranje primjedbi na zapisnik)

Član 58. (Samostalnost komunalnih policajaca kod prikupljanja dokaza i utvrđivanja činjeničnog stanja)

Član 59. (Pomoć policije u obavljanju komunalnog policijske kontrole)

Član 60. (Učestvovanje subjekta kontrole u komunalno policijskoj kontroli)

Član 61. (Izjašnjenje subjekta kontrole o činjenicama i dokazima)

Član 62. (Pozivanje odgovornog i drugog lica)

Član 63. (Dužnost odazivanja pozivu)

POGLAVLJE VII - UPRAVNE I DRUGE MJERE

U ovom poglavlju, u članovima 64. do 67. precizirane su određene upravne mjere koje su od značaja za funkcionisanje Kantonalne uprave za komunalne poslove Kantona Sarajevo, a i kako bi stranke u postupku ostavile svoja prava kroz žalbeni postupak i u slučaju potrebe porenule upravni spor. Pored odredbi Zakona o upravnom postupku Federacije Bosne i Hercegovine („Službene novine Federacije Bosne i Hercegovine“, br. 2/98 i 48/99), određene upravne i druge mjere morale su se definisati i kroz ovaj zakon imajući u vidu da se u Kantono Sarajevo komunalna djelatnost i pored generalnih odredbi i nadležnosti lokalnih zajednica na relaciji općina – grad – resorno ministarstvo.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-086, Fax: + 387 (0) 33 562-177

Web: <http://mkipgo.ks.gov.ba>,

E-mail: mkipgo@mkipgo.ks.gov.ba

Član 64. (Upravne mjere u komunalno inspeksijskom nadzoru i mjere u komunalno policijskoj kontroli)

Član 65. (Rok za donošenje rješenja za usmeno naloženu upravnu mjeru)

Član 66. (Pravni lijekovi protiv rješenja)

Član 67. (Odlučivanja po žalbi)

POGLAVLJE VII - IZVRŠENJE UPRAVNIH MJERA

U ovom poglavlju, u članovima 68. do 81. precizirane su i ostale upravne mjere koje su od značaja za funkcionisanje Kantonalne uprave za komunalne poslove Kantona Sarajevo. Također je razrađen segment saradnje nove kantonalne upravne organizacije sa nižim nivoma vlasti sa ciljem poštivanja i uvažavanja principa lokalne samouprave.

Član 68. (Postupanje po rješenju i izvršenje naložene mjere od strane komunalnog inspektora)

Član 69. (Dužnost obavještanja komunalnog inspektora o izvršenju rješenjem naložene mjere)

Član 70. (Praćenje izvršenja rješenjem naloženih mjera)

Član 71. (Izvršnost rješenja)

Član 72. (Produženje roka izvršenja upravne mjere)

Član 73. (Zaključak o dozvoli prisilnog izvršenja rješenja o upravnoj mjeri)

Član 74. (Sadržaj zaključka o provedbi prisilnog izvršenja rješenja)

Član 75. (Zapisnik o provedbi prisilnog izvršenja rješenja)

Član 76. (Izvršenje upravne mjere prisilom sa novčanim kažnjavanjem)

Član 77. (Uplata novčane kazne)

Član 78. (Obustava prisilnog izvršenja upravne mjere)

Član 79. (Primjena zakona o upravnom postupku)

Član 80. (Saradnja sa kantonalnim, gradskim i općinskim inspekcijama)

Član 81. (Saradnja Kantonalne uprave sa drugim organima)

POGLAVLJE VIII. - UNUTRAŠNJA KONTROLA

U ovom poglavlju, u članovima 82. do 85. definisana je unutrašnja kontrola, koja predstavlja svojevrsan unutrašnji mehanizam za osigranje kvaliteta rada i zakonitog djelovanja uposlenika Kantonalne uprave za komunalne poslove Kantona Sarajevo.

Član 82. (Pojam i provođenje unutrašnje kontrole)

Član 83. (Osnovni ciljevi rada unutrašnje kontrole)

Član 84. (Poslovi unutrašnje kontrole)

Član 85. (Vršenje unutrašnje kontrole)

POGLAVLJE IX. - UPRAVNI NADZOR I KAZNE NE ODREDBE

U ovom poglavlju, u članovima 86. do 91. predviđene su kazne za učinjene prekršaje po ovom zakonu te primjena kaznenih odredbi Zakona o inspekcijama Kantona Sarajevo. Važno je napomenuti da su iznosi u okviru kaznenih odredbi definisani u skladu sa Zakonom o prekršajima Federacije BiH.

Član 86. (Nadzor nad primjenom i provođenje zakona)

Član 87. (Prekršaji i prekršajne kazne)

Član 88. (Prekršaji i kazne za postupanje komunalnog inspektora i komunalnog policajaca)

Član 89. (Disciplinska odgovornost komunalnog inspektora i komunalnih policajaca)

Član 90. (Sredstva za finansiranje rada Kantonalne uprave)

Član 91. (Posebni uslovi rada)



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-086, Fax: + 387 (0) 33 562-177

Web: <http://mkipgo.ks.gov.ba>,

E-mail: mkipgo@mkipgo.ks.gov.ba

POGLAVLJE XI - PRIJELAZNE I ZAVRŠNE ODREDBE

U ovom poglavlju, u članovima 92. do 98. propisane su prijelazne i završne odredbe kojima se definiše donošenje podzakonskih akata, izmjene i dopune drugih propisa koji su od značaja za primjenu ovog zakona, prestanak rada Službe komunalnih redara KJKP „Rad“ d.o.o. Sarajevo i KJKP „Park“ d.o.o. Sarajevo i definiše period stupanja na snagu ovog zakona.

Član 92. (Javnost rada Kantonalne uprave)

Član 93. (Donošenje pravilnika)

Član 94. (Saradnja kantonalnih organa sa Katonalnom upravom)

Član 95. (Komunalno inspekcijski postupak započet prije dana stupanja na snagu ovog zakona)

Član 96. (Prestanak rada Službe komunalnih redara KJKP „Rad“ d.o.o. Sarajevo i KJKP „Park“ d.o.o. Sarajevo)

Član 97. (Izmjene i dopune zakona i drugih propisa uvjetovane donošenjem ovog zakona)

Član 98. (Stupanje na snagu)

- FINANSIJSKA SREDSTVA -

Budžetski korisnik Kantonalna uprava za komunalne poslove za 2025. godinu planiran je budžetom Kantona Sarajevo za 2025. godinu i uvrštena je u registar Budžetskih korisnika. Sredstva za 2025. godinu nisu obezbijeđena u dovoljnom iznosu za funkcionisanje uprave.

Uvažavajući termin usvajanja Prijedloga Zakona o komunalnoj policiji Kantona Sarajevo i formiranje Kantonalne uprave za komunalne poslove Kantona Sarajevo koji bi mogli biti na kraju Budžetske godine pretpostavka je da u ovoj Budžetskoj godini neće biti potrebno obezbijeđivanja sredstva u ovoj godini a za 2026. godinu potrebno je obezbijediti finansijska sredstva u Budžetu Kantona Sarajevo. U skladu sa Zakonom o platama i naknadama u organima vlasti Kantona Sarajevo („Službene novine Kantona Sarajevo“, broj 5/19) za plate zaposlenika za 2026. godinu potrebno je obezbijediti:

- Bruto plaće i naknade plaće planirano je da se izvrši popuna 60 radnih mjesta od trenutka usvajanja prijedloga Zakona o komunalnoj policiji Kantona Sarajevo u cilju za uspostavljanje komunalne policije potrebno je cca 1.100.000,00 KM,
- Naknade troškova prevoza na posao i s posla 28.000,00 KM
- Naknade za topli obrok 85.000,00 KM
- Naknade za regres za godišnji odmor 37.000,00 KM
- Otpremnine zbog u penziju 0,0 KM
- Naknada u slučaju smrti i teže invalidnosti 25.000,00 KM,
- Doprinosi poslodavca i ostali doprinosi 140.000,00 KM
- Izdaci za energiju 10.000,00 KM
- Izdaci za komunalne usluge 5.000,00 KM
- Nabavka materijala 5.000,00
- Izdaci za usluge prevoza i goriva 10.000,00 KM
- Troškovi zakupa 60.000,00 KM
- Izdaci za tekuće održavanje 4.000,00 KM
- Izdaci za osiguranja, bankarskih usluga i usluga platnog prometa 7.000,00 KM
- Ugovorene usluge 10.000,00 KM
- Nabavka opreme u 2026.godini u iznosu od 1.000.000.00 KM: 16 putničkih vozila sa opremom, 2 kombi vozila sa opremom, 50 uniformi, nabavka računarske opreme, opremanje server sale, nabavka sistema veze, telefona, dronova, sredstava prinude.




Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-086, Fax: + 387 (0) 33 562-177

Web: <http://mkipgo.ks.gov.ba>,

E-mail: mkipgo@mkipgo.ks.gov.ba



Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-04-33414-10/21
Sarajevo, 09.09.2021. godine

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 - Ispravka) Vlada Kantona Sarajevo, na 40. sjednici održanoj 09.09.2021. godine, donijela je

RJEŠENJE

I

Formira se interesorna radna grupa za izradu Zakona o komunalnoj policiji Kantona Sarajevo u sastavu:

- a) Bekto Muhamed, Kantonalna uprava za inspeksijske poslove - predsjednik komisije,
- b) Medić Adnan, Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo - zamjenik predsjednika komisije,
- c) Goran Stojković, Kantonalna uprava za inspeksijske poslove - član komisije,
- d) Goran Rokvić, Ministarstvo pravde i uprave - član komisije,
- e) Osmanović Asmedin, Ministarstvo unutrašnjih poslova Kantona Sarajevo - član komisije,
- f) Salamović Nijaz, KJKP Rad d.o.o. Sarajevo - član komisije,
- g) Kazić Enes, KJKP Park d.o.o. Sarajevo - član komisije.

Zapisničar komisije. Faris Halak.

II

Zadatak Komisije iz tačke I ovog rješenja je izrada radnog materijala, nacрта i prijedloga Zakona o komunalnoj policiji Kantona Sarajevo.

III

Rok za izradu nacрта Zakona o komunalnoj policiji Kantona Sarajevo je do 31.10.2021. godine, a rok za izradu prijedloga Zakona je 15 dana nakon okončanja javne rasprave.

IV

Komisija iz tačke I ovog rješenja ima pravo na naknadu u skladu sa važećim zakonskim i podzakonskim propisima Kantona Sarajevo kojima je uređena oblast plaćanja za rad u komisijama.



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211

Sarajevo, Reisa Džemaludina Čauševića 1



Ovo rješenje stupa na snagu danom donošenja.

V

PO OVLAŠTENJU PREMIJERA

minister Davor Čičić

Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
- ③ Premijer Kantona Sarajevo,
4. Ministarstvo komunalne privrede, infrastrukture, prostornog uređenja, gradnja i zaštite okoliša Kantona Sarajevo,
5. Imenovanim članovima (8x) (putem Ministarstva komunalne privrede, infrastrukture, prostornog uređenja, gradnja i zaštite okoliša Kantona Sarajevo),
6. Evidencija,
7. Arhiva.



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1





Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY

Na osnovu čl. 140., 141., 142. i 143. Poslovnika Skupštine Kantona Sarajevo („Službene novine Kantona Sarajevo“ broj: 41/12 - Drugi novi prečišćen tekst, 15/13, 47/13, 47/15, 48/16, 9/20, 14/20, 16/22 i 17/22- ispravka), Skupština Kantona Sarajevo, na 52. Radnoj sjednici održanoj dana 16.05.2022. godine, donijela je sljedeći

ZAKLJUČAK

1. Utvrđuje se Nacrt Zakona o komunalnoj policiji Kantona Sarajevo.
2. Javna rasprava održaće se u kantonalnim organima, jedinicama lokalne samouprave, naučnim i stručnim ustanovama i trajeće 60 dana.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo je dužna da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja kao i da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga Zakona o komunalnoj policiji Kantona Sarajevo.

Broj:01-02-20203/22
16.05.2022. godine
SARAJEVO



PREDSJEDAVAJUĆI
SKUPŠTINE KANTONA SARAJEVO

Harudin Okerić



- (6) Ne može se otkazati korišćenje usluga prikupljanja, odvoženja i deponovanja otpadaka iz garaža.

Član 61.

(Obaveza vršenja usluga i u slučaju neplaćanja)

- (1) Komunalna preduzeća dužna su vršiti usluge prikupljanja, odvoženja i deponovanja otpadaka sa područja koja su obuhvaćena Programom održavanja čistoće i u slučaju ako korisnici usluga ne plaćaju ove usluge.
- (2) Korisnici usluga dužni su da plaćaju usluge prikupljanja, odvoženja i deponovanja otpadaka sa područja koja su obuhvaćena Programom održavanja čistoće, osim, ako komunalni inspektor zapisnički konstatuje da se ova usluga ne vrši.

DIO ŠESTI - NADZOR

Član 62.

(Organ nadležan za nadzor nad provođenjem Zakona, programa i operativnih planova)

Nadzor nad provođenjem odredba ovog zakona, programa i operativnih planova održavanja čistoće i uklanjanja snijega vrši kantonalni organ nadležan za komunalne poslove.

Član 63.

(Inspeksijski nadzor)

Poslove inspeksijskog nadzora vrši kantonalni inspektorat nadležan za komunalnu inspekciju.

Član 64.

(Osiguravanje neposrednog čuvanja čistoće)

Radi ostvarivanja zaštite komunalne čistoće na teritoriji Kantona, komunalna preduzeća dužna su osigurati neposredno čuvanje čistoće.

Član 65.

(Komunalni redari)

- (1) Neposrednu zaštitu komunalne čistoće obavljaju komunalni redari.
- (2) Komunalne redare imenuje direktor komunalnog preduzeća.

Član 66.

(Provedbeni propis)

Kantonalni organ nadležan za komunalne poslove propisuje zadatke i način obavljanja dužnosti komunalnog redara, način odijevanja i oznake, te oblik i sadržaj legitimacije komunalnog redara.

Član 67.

(Pravo komunalnog redara)

- (1) Ako komunalni redar zatekne lice koje vrši radnju suprotno odredbama ovog zakona i propisima donesenim na osnovu njega, ima pravo zatražiti na uvid ličnu kartu ili drugu ispravu na osnovu koje može utvrditi identitet lica i sačiniti zapisnik ili službenu zabilješku.
- (2) Ako, na osnovu zaprimljene prijave od strane građana, utvrdi da postoji osnovana sumnja izvršenja radnje suprotno odredbama ovog zakona i propisima donesenim na osnovu njega, komunalni redar može sačiniti zapisnik ili službenu zabilješku.
- (3) Komunalni redar zapisnički može naložiti čišćenje otpada ili na drugi način zaprljane javne i druge površine u skladu sa odredbama ovog zakona.

Član 68.

(Ovlašćenja komunalnog redara)

U ostvarivanju zaštite komunalne čistoće, komunalni redar je ovlašten da vrši kontrolu u pogledu održavanja čistoće na javnim i drugim površinama, sačinjava zapisnike i službene zabilježke na licu mjesta, koje prosljeđuje nadležnoj kantonalnoj komunalnoj inspekciji na postupanje.

DIO SEDMI - KAZNENE ODREDBE

Član 69.

(Prekršaji i kazne za komunalna preduzeća)

- (1) Novčanom kaznom od 1.000,00 KM do 6.000,00 KM kazniće se za prekršaj komunalno preduzeće:
- ako ne održava čistoću na javnim površinama iz člana 4. tač. a) i h) al. 1. i 2. ovog zakona (član 6. st. (1) i (2));
 - ako se ne pridržava obaveza utvrđenih u članu 7. stav (1) i članu 9. ovog zakona;
 - ako na javnim površinama na kojima čistoću održavaju komunalna preduzeća ne postavi korpe za otpatke, ne uklone i ne zamijeni ih novim (član 11);
 - ako broj posuda ne omogućava sakupljanje cjelokupnog otpada (član 27);
 - ako ne nabavlja, ne održava, ne dezinfikuje i ne pere posude (član 29. stav (1));
 - ako ne odvoze otpatke iz člana 5. stav (1) tač. a) do c) ovog zakona prema rasporedu utvrđenom operativnim planom i ako ne dostave operativni plan nadležnim organima (član 7);
 - ako ne odvoze otpatke iz namjenskih posuda (član 32);
 - ako se otpaci odvoze i deponuju vozilima koja nisu podešena za tu svrhu, čime se omogućava rasipanje otpadaka prilikom transporta (član 35);
 - ako ne uklanja snijeg sa javnih površina iz člana 4. tač. a) i h) alineje 1. i 2. ovog zakona (član 41. st. (1) i (2));
 - ako se ne pridržavaju obaveza utvrđenih u članu 42. st. (1) i (3) i članu 44. ovog zakona;
 - ako za period predviđen u članu 53. ovog zakona ne organizuju stalnu zimsku službu.
- (2) Za prekršaj stave (1) ovog člana kazniće se i odgovorno lice u komunalnom preduzeću novčanom kaznom od 300,00 KM do 2.000,00 KM.

Član 70.

(Prekršaji i kazne za komunalna preduzeća)

- (1) Novčanom kaznom od 1.000,00 KM do 5.000,00 KM kazniće se za prekršaj komunalno preduzeće:
- ako postupe suprotno zabrani utvrđenoj u članu 12. ovog zakona;
 - ako blati izloge i fasade prilikom pranja ulica (član 15. tačka f));
 - ako odredi mjesta za posude i korpe za otpatke na javnim površinama bez saglasnosti općinskog organa nadležnog za komunalne poslove (član 21. stav (1));
 - ako ne dovede u prvobitno stanje oštećene površine, objekte i nasade sa kojih se uklanja snijeg (član 54. stav (1)).
- (2) Za prekršaj iz stava (1) ovog člana kazniće se i odgovorno lice u komunalnim preduzećima novčanom kaznom od 300,00 KM do 1.500,00 KM.

Član 71.

(Prekršaji i kazne za pravno lice i lice koje obavlja samostalnu poslovnu djelatnost obrt)

- (1) Novčanom kaznom od 1.000,00 KM do 6.000,00 KM kazniće se za prekršaj pravno lice:
- ako ne održava čistoću na javnim površinama za čiju čistoću je odgovoran (član 6. stav (3));
 - ako na javnim površinama na kojima čistoću održavaju korisnici, odnosno nosioci prava upravljanja tim površinama, ne postave korpe za otpatke, ne uklone i ne zamijene ih novim (član 11. stav (2));
 - ako se pravno lice - izvođač građevinskih radova ne pridržava obaveza utvrđenih u članu 14. ovog zakona;
 - ako učini koju od zabranjenih radnji iz člana 15. tač. a), b), c), d), e), f), g), h), j), k), l), m), n) o), r), s), t), u) i v) ovog zakona;
 - ako posude u stambenim i poslovnim zgradama i prostorijama ne drže na mjestu koje je predviđeno

DIO VIII - FINANSIRANJE GRAĐENJA

Član 37.

(Finasiranje komunalne infrastrukture)

- (1) Građenje objekata i uređaja komunalne infrastrukture finansira se iz:
- naknada koje se naplaćuju iz osnova propisa o prostornom uređenju i građevinskom zemljištu,
 - budžeta Kantona, Grada ili općine,
 - donacija,
 - drugih izvora utvrđenih posebnim propisima.
- (2) Nabavka stalnih sredstava davaoca komunalnih usluga za obavljanje komunalnih djelatnosti finansira se iz:
- cijene komunalne usluge (iz segmenta individualne i zajedničke komunalne potrošnje),
 - budžeta Kantona, Grada ili općine,
 - donacija,
 - drugih izvora utvrđenih posebnim propisima.
- (3) Vlada Kantona, Grad, odnosno općine, u skladu sa planiranim sredstvima i izvorima sredstava iz st. (1) i (2) ovog člana, donosi program izgradnje objekata i uređaja komunalne infrastrukture, te program nabavke stalnih sredstava davaoca komunalnih usluga.

DIO IX - PRIKLJUČENJE GRAĐEVINE

Član 38.

(Priključenje građevine na komunalnu infrastrukturu)

Vlasnik građevine dužan je priključiti svoju građevinu na komunalnu infrastrukturu pod uslovima utvrđenim propisima koji regulišu oblast prostornog uređenja i građenja, kao i drugim propisima.

Član 39.

(Troškovi priključenja na komunalnu infrastrukturu)

- (1) Vlasnik građevine plaća troškove priključenja na komunalnu infrastrukturu davaocu komunalne usluge koji izvodi priključenje građevine.
- (2) U troškove iz stava (1) ovog člana uključena je i vrijednost mjernog instrumenta, odnosno vrijednost centralnog mjerača za objekte kolektivnog stanovanja, koji se unosi u stalna sredstva davaoca komunalne usluge.

Član 40.

(Pojedinačni mjerni uređaji)

- (1) Pojedinačni mjerni uređaj za stambenu jedinicu u okviru stambenog objekta kolektivnog stanovanja spada u opremu stambene jedinice, a njegovu nabavku, ugradnju, troškove eksploatacije i funkcionisanja snosi vlasnik stambene jedinice.
- (2) Vlasnik stambene jedinice iz stava (1) ovog člana, prilikom nabavke, ugradnje, eksploatacije i funkcionisanja mjernog uređaja dužan je da se pridržava tehničkih normativa i standarda i upustava davaoca komunalne usluge.
- (3) Vlasnik stambene jedinice u okviru stambenog objekta može održavanje mjernog uređaja iz stava (1) ovog člana povjeriti davaocu komunalne usluge ili upravitelju zgrade uz odgovarajuću naknadu prema ovjerenom cjenovniku od strane nadležnog organa iz člana 22. stav (4), o čemu će se zaključiti poseban ugovor.

DIO X - NADZOR

Član 41.

(Nadzor nad provođenjem Zakona)

Nadzor nad provođenjem odredaba ovog zakona vrši ministarstvo nadležno za komunalne poslove Kantona.

Član 42.

(Inspekcijiski nadzor)

- (1) Inspekcijiski nadzor nad provođenjem odredaba ovog zakona i posebnih propisa iz člana 4. stav (20) ovog zakona vrši komunalni inspektor Kantona, Grada, odnosno općine, svaki u okviru svoje nadležnosti.

- (2) U vršenju inspekcijiskog nadzora, kantonalni komunalni inspektor obavlja poslove iz oblasti komunalnih djelatnosti utvrđenih u členu 7. ovog zakona.
- (3) Za poslove iz oblasti komunalnih djelatnosti utvrđenih u členu 9. ovog zakona inspekcijiski nadzor vrši gradski, odnosno općinski komunalni inspektor.
- (4) Komunalnom inspektoru u vršenju inspekcijiskog nadzora nad provođenjem ovog zakona i posebnih propisa iz člana 4. stav (20) ovog zakona pomaže komunalni redar u skladu sa posebnim propisima.

Član 43.

(Posebni uslovi za komunalnog inspektora i komunalnog redara)

- (1) Za komunalnog inspektora iz člana 42. stav (1) ovog zakona, može biti postavljeno lice koje pored općih uslova propisanih zakonom ispunjava i posebne uslove: da ima odgovarajuću visoku stručnu spremu, položen stručni upravni ispit i tri godine radnog staža.
- (2) Za komunalnog redara može biti postavljeno lice koje pored općih uslova propisanih zakonom ispunjava i posebne uslove: da ima odgovarajuću višu ili srednju školsku spremu, položen stručni upravni ispit i šest mjeseci radnog staža.

Član 44.

(Izvršenje mjera komunalnih inspektora)

- (1) Komunalni inspektor rješenjem naređuje izvršenje određenih mjera i određuje rok za njihovo izvršenje u skladu sa ovim zakonom i posebnim propisima.
- (2) Žalba protiv rješenja komunalnog inspektora ne odlaze izvršenje rješenja.

Član 45.

(Rješavanje u drugom stepenu)

- (1) Protiv upravnih akata kantonalnog komunalnog inspektora, u drugom stepenu rješava ministar nadležan za komunalne poslove.
- (2) Protiv upravnih akata gradskog i općinskog komunalnog inspektora, u drugom stepenu rješava ministarstvo nadležno za komunalne poslove Kantona.

DIO XI - KAZNE NE ODREDBE

Član 46.

(Novčane kazne za davaoca komunalne usluge)

- (1) Novčanom kaznom od 3.000,00 KM do 20.000,00 KM kazniće se za prekršaj davalac komunalne usluge:
- ako u sredstvima javnog informisanja ili na drugi pogodan način blagovremeno ne obavijesti korisnike komunalnih usluga o planiranim ili očekivanim smetnjama i prekidima koji mogu nastati u pružanju komunalnih usluga (član 14);
 - ako uskratiti komunalnu uslugu korisniku izuzev slučajeva utvrđenih u členu 17. stav (1) ovog zakona;
 - ako po prestanku razloga za uskraćenje komunalne usluge ne nastavi pružanje komunalne usluge u roku u utvrđenom u členu 17. stav (2) ovog zakona.
- (2) Za prekršaj iz stava (1) ovog člana kazniće se i odgovorno lice davalca komunalne usluge novčanom kaznom od 2.000,00 KM do 6.000,00 KM.

Član 47.

(Novčane kazne za davaoca komunalne usluge)

- (1) Novčanom kaznom od 6.000,00 KM do 15.000,00 KM kazniće se za prekršaj davalac komunalne usluge ako se ne pridržava odredaba utvrđenih u členu 5. ovog zakona;
- (2) Za prekršaj iz stava (1) ovog člana kazniće se i odgovorno lice davalca komunalne usluge novčanom kaznom od 2.000,00 KM do 6.000,00 KM.

(6) Ne može se otkazati korišćenje usluga prikupljanja, odvoženja i deponovanja otpadaka iz garaža.

Član 61.

(Obaveza vršenja usluga i u slučaju neplaćanja)

- (1) Komunalna preduzeća dužna su vršiti usluge prikupljanja, odvoženja i deponovanja otpadaka sa područja koja su obuhvaćena Programom održavanja čistoće i u slučaju ako korisnici usluga ne plaćaju ove usluge.
- (2) Korisnici usluga dužni su da plaćaju usluge prikupljanja, odvoženja i deponovanja otpadaka sa područja koja su obuhvaćena Programom održavanja čistoće, osim, ako komunalni inspektor zapisnički konstatuje da se ova usluga ne vrši.

DIO ŠESTI - NADZOR

Član 62.

(Organ nadležan za nadzor nad provođenjem Zakona, programa i operativnih planova)

Nadzor nad provođenjem odredba ovog zakona, programa i operativnih planova održavanja čistoće i uklanjanja snijega vrši kantonalni organ nadležan za komunalne poslove.

Član 63.

(Inspekcijски nadzor)

Poslove inspekcijskog nadzora vrši kantonalni inspektorat nadležan za komunalnu inspekciju.

Član 64.

(Osiguravanje neposrednog čuvanja čistoće)

Radni ostvarivanja zaštite komunalne čistoće na teritoriji Kantona, komunalna preduzeća dužna su osigurati neposredno čuvanje čistoće.

Član 65.

(Komunalni redari)

- (1) Neposrednu zaštitu komunalne čistoće obavljaju komunalni redari.
- (2) Komunalne redare imenuje direktor komunalnog preduzeća.

Član 66.

(Provedbeni propis)

Kantonalni organ nadležan za komunalne poslove propisuje zadatke i način obavljanja dužnosti komunalnog redara, način odijevanja i oznake, te oblik i sadržaj legitimacije komunalnog redara.

Član 67.

(Pravo komunalnog redara)

- (1) Ako komunalni redar zatekne lice koje vrši radnju suprotno odredbama ovog zakona i propisima donesenim na osnovu njega, ima pravo zatražiti na uvid ličnu kartu ili drugu ispravu na osnovu koje može utvrditi identitet lica i sačiniti zapisnik ili službenu zabilješku.
- (2) Ako, na osnovu zaprimljene prijave od strane građana, utvrdi da postoji osnovana sumnja izvršenja radnje suprotno odredbama ovog zakona i propisima donesenim na osnovu njega, komunalni redar može sačiniti zapisnik ili službenu zabilješku.
- (3) Komunalni redar zapisnički može naložiti čišćenje otpada ili na drugi način zaprljane javne i druge površine u skladu sa odredbama ovog zakona.

Član 68.

(Ovlašćenja komunalnog redara)

U ostvarivanju zaštite komunalne čistoće, komunalni redar je ovlašten da vrši kontrolu u pogledu održavanja čistoće na javnim i drugim površinama, sačinjava zapisnike i službene zabilješke na licu mjesta, koje prosljeđuje nadležnoj kantonalnoj komunalnoj inspekciji na postupanje.

DIO SEDMI - KAZNE NE ODREDBE

Član 69.

(Prekršaji i kazne za komunalna preduzeća)

- (1) Novčanom kaznom od 1.000,00 KM do 6.000,00 KM kazniće se za prekršaj komunalno preduzeće:
 - a) ako ne održava čistoću na javnim površinama iz člana 4. tač. a) i h) al. 1. i 2. ovog zakona (član 6. st. (1) i (2));
 - b) ako se ne pridržava obaveza utvrđenih u članu 7. stav (1) i članu 9. ovog zakona;
 - c) ako na javnim površinama na kojima čistoću održavaju komunalna preduzeća ne postavi korpe za otpatke, ne uklone i ne zamijeni ih novim (član 11);
 - d) ako broj posuda ne omogućava sakupljanje cjelokupnog otpada (član 27);
 - e) ako ne nabavlja, ne održava, ne dezinfikuje i ne pere posude (član 29. stav (1));
 - f) ako ne odvoze otpatke iz člana 5. stav (1) tač. a) do c) ovog zakona prema rasporedu utvrđenom operativnim planom i ako ne dostave operativni plan nadležnim organima (član 7);
 - g) ako ne odvoze otpatke iz namjenskih posuda (član 32);
 - h) ako se otpaci odvoze i deponuju vozilima koja nisu podešena za tu svrhu, čime se omogućava rasipanje otpadaka prilikom transporta (član 35);
 - i) ako ne uklanja snijeg sa javnih površina iz člana 4. tač. a) i h) alineje 1. i 2. ovog zakona (član 41. st. (1) i (2));
 - j) ako se ne pridržavaju obaveza utvrđenih u članu 42. st. (1) i (3) i članu 44. ovog zakona;
 - k) ako za period predviđen u članu 53. ovog zakona ne organizuju stalnu zimsku službu.
- (2) Za prekršaj stave (1) ovog člana kazniće se i odgovorno lice u komunalnom preduzeću novčanom kaznom od 300,00 KM do 2.000,00 KM.

Član 70.

(Prekršaji i kazne za komunalna preduzeća)

- (1) Novčanom kaznom od 1.000,00 KM do 5.000,00 KM kazniće se za prekršaj komunalna preduzeća:
 - a) ako postupe suprotno zabrani utvrđenoj u članu 12. ovog zakona;
 - b) ako blati izloge i fasade prilikom pranja ulica (član 15. tačka f));
 - c) ako odredi mjesta za posude i korpe za otpatke na javnim površinama bez saglasnosti općinskog organa nadležnog za komunalne poslove (član 21. stav (1));
 - d) ako ne dovede u prvobitno stanje oštećene površine, objekte i nasade sa kojih se uklanja snijeg (član 54. stav (1)).
- (2) Za prekršaj iz stava (1) ovog člana kazniće se i odgovorno lice u komunalnim preduzećima novčanom kaznom od 300,00 KM do 1.500,00 KM.

Član 71.

(Prekršaji i kazne za pravno lice i lice koje obavlja samostalnu poslovnu djelatnost obrt)

- (1) Novčanom kaznom od 1.000,00 KM do 6.000,00 KM kazniće se za prekršaj pravno lice:
 - a) ako ne održava čistoću na javnim površinama za čiju čistoću je odgovoran (član 6. stav (3));
 - b) ako na javnim površinama na kojima čistoću održavaju korisnici, odnosno nosioci prava upravljanja tim površinama, ne postave korpe za otpatke, ne uklone i ne zamijene ih novim (član 11. stav (2));
 - c) ako se pravno lice - izvođač građevinskih radova ne pridržava obaveza utvrđenih u članu 14. ovog zakona;
 - d) ako učini koju od zabranjenih radnji iz člana 15. tač. a), b), c), d), e), f), g), h), j), k), l), m), n) o), r), s), t), u) i v) ovog zakona;
 - e) ako posude u stambenim i poslovnim zgradama i prostorijama ne drže na mjestu koje je predviđeno

POGLAVLJE VII - ODNOS IZMEĐU INSPEKCIJA

Član 105.

(Pružanje stručne pomoći)

- (1) Kantonalna uprava pruža stručnu pomoć u radu općinskim i gradskim inspekcijama, ako se radi o izvršavanju poslova iz nadležnosti koje je kantonalnim zakonom prenesena na općinu odnosno grad.
- (2) Zahtjev inspekcije za stručnu pomoć od strane druge inspekcije smatraju se hitnim i prema njima se mora postupiti najkasnije u roku od sedam dana od dana prijema zahtjeva.
- (3) Direktor Kantonalne uprave utvrđuje oblike saradnje i druge aktivnosti kantonalne, općinske i gradske inspekcije (zajednički inspeksijski pregled) od zajedničkog interesa za vršenje inspeksijskog nadzora u Kantonu uz saglasnost gradonačelnika i načelnika općine na kojoj je potrebno provesti zajednički inspeksijski pregled.

Član 106.

(Saradnja sa općinskim i gradskim inspekcijama)

- (1) Kantonalna uprava za inspeksijske poslove i inspekcije koje su u njenom sastavu dužne su saradivati sa općinskim i gradskim inspekcijama u pitanjima od značaja za efikasno vršenje nadzora nad primjenom federalnih i kantonalnih propisa kojima je prenesena nadležnost na općinu i grad.
- (2) U slučaju zaprimanja pisanog zahtjeva, prijave ili pritužbe koja se tiče oblasti za koju nije nadležna, Kantonalna uprava za inspeksijske poslove istu prosljeđuje nadležnoj općinskoj ili gradskoj inspekciji.
- (3) Odredbe stava (2) ovog člana ne odnose se na anonimne zahtjeve i predstave, izuzev ukoliko takva predstava sadrži dokaze koji upućuju na grubu povredu zakona, u kom slučaju glavni inspektor i inspektor cijene osnovanost predstave i preduzimaju zakonom utvrđene aktivnosti u cilju utvrđivanja stvarnog stanja..

Član 107.

(Saradnja kantonalnih inspekcija sa drugim organima)

- (1) Kantonalne inspekcije dužne su saradivati sa drugim državnim organima, pravnim licima, udruženjima, sredstvima javnog informisanja, građanima i drugim subjektima u pitanjima od značaja za efikasno provođenje propisa nad kojima vrše inspeksijski nadzor kao i radi sprečavanja i otklanjanja štetnih posljedica.
- (2) Kantonalni inspektor dužan je obavijestiti nadležni organ ukoliko prilikom vršenja inspeksijskog nadzora uoči određene nejasnoće i nedostatke u primjeni kantonalnih zakona i drugih propisa.

POGLAVLJE VIII - NADZOR NAD PRIMJENOM I KAZNENE ODREDBE

Član 108.

(Nadzor nad primjenom i provođenjem ovog zakona)

Pružanje savjetodavnih mišljenja u vezi pravilne primjene ovog zakona i nadzor nad primjenom ovog zakona vrši Kantonalna uprava za inspeksijske poslove Kantona Sarajevo.

Član 109.

(Prekršaji i prekršajne kazne)

- (1) Novčanom kaznom u iznosu od 3.000,00 KM do 15.000,00 KM kaznit će se za prekršaj pravno lice, ako:
 - a) odbija saradnju sa inspektorom u postupku poduzimanja preventivnih mjera i radnji i ne postupi po rješenju inspektora u postupku poduzimanja preventivnih mjera (čl. 27. stav (1) tačka c. ovog zakona);
 - b) ne sudjeluje u vršenju inspeksijskog nadzora (član 54. stav (1) ovog zakona);
 - c) onemogućuje inspektora u vršenju inspeksijskog nadzora (član 54. stav (2) ovog zakona);

- d) ne da na uvid poslovne knjige i drugu službenu dokumentaciju, ažurne i tačne podatke, materijale i obavijesti koje su potrebne inspektorima za pravilno utvrđivanje svih činjenica i okolnosti u vršenju nadzora, odmah na licu mjesta ili u roku koji inspektor naloži (član 54. stav (4) i član 55. stav (1) ovog zakona);
- e) subjekt nadzora ne odazove se pozivu inspektora da u roku koji mu je naložen donese u službene prostorije organa za inspeksijske poslove tražene podatke i dokumentaciju ili da dođe lično radi davanja pojašnjenja u svezi sa nadzorom (član 54. stav (5), član 60. stav (1), član 39. stav (2) i član 49. ovog zakona);
- f) ne obavijesti nadležnog inspektora ili policijsku upravu o slučajevima nastanka opasnosti po život i zdravlje građana i materijalnih dobara, na način kako je to propisano zakonom ili drugim propisom (član 56. ovog zakona);
- g) subjekt nadzora ne da uzorke proizvoda radi ispitivanja kod stručne institucije (član 61. ovog zakona);
- h) sprječava i otežava inspektorima vršenje nadzora (član 39. stav (1) ovog zakona);
- i) ne postupi po rješenju inspektora i ne izvrši upravnu mjeru koja mu je rješenjem naložena u roku utvrđenom u rješenju (član 83. ovog zakona);
- j) u ostavljenom roku ne izvijesti inspektora o izvršenju upravne mjere (član 84. ovog zakona);
- k) spriječi da se upravna mjera izvrši putem drugog lica (član 92. ovog zakona);
- l) subjekt nadzora ne izvrši upravnu mjeru koja se sastoji u nenovčanoj obavezi (član 94. stav (1) ovog zakona);
- m) ako subjekt nadzora ne izvrši upravnu mjeru koja mu je naložena rješenjem sa novim rokom (član 94. stav (2) ovog zakona).

- (2) Za prekršaje iz stava (1) ovog člana kaznit će se i odgovorno lice u pravnom licu novčanom kaznom u iznosu od 1.000,00 KM do 3.000,00 KM.
- (3) Za prekršaje iz stava (1) ovog člana kaznit će se i fizičko lice - poslodavac novčanom kaznom u iznosu od 1.000,00 KM do 1.500,00 KM.
- (4) Za prekršaj iz stava (1) ovog člana kaznit će se fizičko lice - građanin novčanom kaznom u iznosu od 500, 00 KM do 1.000,00 KM.
- (5) Novčanom kaznom u iznosu od 300,00 KM do 1.500,00 KM kaznit će se za prekršaj fizičko lice koje je prisustvovalo inspeksijskom nadzoru, a zapisnik nije dostavilo odgovornom licu u subjektu nadzora (član 42. stav (5) ovog zakona).
- (6) Za prekršaj iz člana 94. stav (3) ovog zakona, pravno lice će se kazniti novčanom kaznom u iznosu od 5.000,00 KM do 15.000,00 KM.
- (7) Za prekršaj iz člana 94. stav (3) ovog zakona, odgovorno lice u pravnom licu kaznit će se novčanom kaznom u iznosu od 2.000,00 KM do 3.000,00 KM.
- (8) Za prekršaj iz člana 94. stav (3) ovog zakona, fizičko lice registrovano kod nadležnog organa za obavljanje određene djelatnosti, kaznit će se novčanom kaznom u iznosu od 1.200,00 KM do 1.500,00 KM.
- (9) Za prekršaj iz člana 94. stav (3) ovog zakona fizičko lice - građanin bit će kažnjeno novčanom kaznom u iznosu od 500,00 do 1.500,00 KM.

Član 110.

(Prekršaji i kazne za postupanje inspektora)

- Novčanom kaznom u iznosu od 500,00 KM do 1.500,00 KM kaznit će se inspektor koji:
- a) obavlja djelatnost i poslove suprotno članu 24. stav (1) ovog zakona;
 - b) ne izvrši inspeksijski nadzor propisan u članu 30. stav (2) ovog zakona;
 - c) ne predoči nalog za inspeksijski nadzor glavnom inspektorima propisan u članu 32. stav (4) ovog zakona;
 - d) ne izda potvrdu o privremenom oduzimanju dokumentacije propisan u članu 50. stav (1) ovog zakona;

- e) ne omogući subjektu nadzora da se izjasni o činjenicama i dokazima propisanim u članu 57. ovog zakona;
- f) ne donese pisano rješenje u roku od tri dana od usmeno naložene upravne mjere propisano u članu 73. ovog zakona;
- g) ako ne postupi u skladu sa odredbama propisanim u članu 74. ovog zakona;
- h) ako ne donese zaključak o dozvoli prisilnog izvršenja rješenja propisan u članu 89. stav (2) ovog zakona;
- i) ne donese poseban zaključak o dozvoli izvršenja upravne mjere prije njene izvršnosti propisan u članu 97. stav (2) ovog zakona.

POGLAVLJE IX - PRIJELAZNE I ZAVRŠNE ODREDBE

Član 111.

(Organizacija inspekcija u drugim organima uprave)

- (1) Ako je neophodno zbog prirode djelatnosti i funkcionalne povezanosti sa drugim poslovima državne uprave u određenoj oblasti, zakonom se mogu organizovati inspekcije i u sastavu drugih organa uprave u Kantonu ili odrediti vršenje inspeksijskog nadzora u sastavu drugih radnih mjesta u tim organima, naročito kad se radi o manjem obimu inspeksijskih poslova.
- (2) Kad je inspeksijski nadzor organizovan u okviru organa uprave u Kantonu Sarajevo ili je vršenje inspeksijskog nadzora određeno u okviru drugog radnog mjesta u drugom organu uprave, na način vršenja ovog inspeksijskog nadzora primjenjuju se odredbe ovog zakona, ukoliko posebnim zakonom nije drugačije propisano.
- (3) Odredbe ovog zakona koje se odnose na način vršenja inspeksijskog nadzora odnose se i na općinske i gradske inspekcije kada vrše nadzor nad primjenom federalnih i kantonalnih propisa kojima je prenesena nadležnost na općinu i grad, kao i kada vrše nadzor nad primjenom općinskih i gradskih propisa.

Član 112.

(Donošenje pravilnika i drugih općih akata)

Direktor Kantonalne uprave, donijet će pravilnike i druge provedbene akte u skladu sa ovim zakonom u roku od 120 dana od dana stupanja na snagu ovog zakona.

Član 113.

(Inspeksijski postupak započet prije dana stupanja na snagu ovog zakona)

Inspeksijski postupak započet prema propisima koji su bili na snazi prije dana stupanja na snagu ovog zakona završit će se prema tim propisima.

Član 114.

(Ravnopravnost spolova)

Gramatička terminologija korištena u ovom zakonu podrazumijeva uključivanje i ravnopravnu upotrebu riječi oba spola.

Član 115.

(Stupanje na snagu zakona)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo."

Broj 01-02-36517/16

Predsjedateljica

28. decembra 2016. godine

Skupštine Kantona Sarajevo

Sarajevo

Prof. Ana Babić, s. r.

Na osnovu čl. 13. stav 1. tačka e) i 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13), čl. 3. i 6. Zakona o ustanovama ("Službeni list RBiH", br. 6/92, 8/93 i 13/94) i čl. 68. i 97. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst i 38/16), Skupština Kantona Sarajevo je, na sjednici održanoj dana 28.12.2016. godine, donijela

ODLUKU

O IZMJENAMA ODLUKE O OSNIVANJU KANTONALNE JAVNE USTANOVE "DISCIPLINSKI CENTAR ZA MALOLJETNIKE"

Član 1.

U Odluci o osnivanju Kantonalne javne ustanove "Disciplinski centar za maloljetnike" ("Službene novine Kantona Sarajevo", br. 20/04, 31/07, 30/08, 21/12, 5/13 i 11/13 - Ispravka) u nazivu Odluke i cijelom tekstu Odluke mijenja se naziv ustanove: "Kantonalna javna ustanova "Disciplinski centar za maloljetnike" (u daljem tekstu: Disciplinski centar)" i glasi: "Kantonalna javna ustanova "Odgojni centar Kantona Sarajevo" (u daljem tekstu: Odgojni centar)".

Član 2.

U članu 1. riječi: "disciplinske mjere" brišu se, a riječ: "disciplinski" zamjenjuje se riječju: "odgojni".

Član 3.

U članu 2. stav 2. mijenja se i glasi:

Skraćeni naziv Kantonalne javne ustanove "Odgojni centar Kantona Sarajevo" je KJU Odgojni centar.

Član 4.

U članu 3. riječi: "Hamdije Čemerlića broj 19" zamjenjuju se riječima: "Jukićeva bb".

Član 5.

Član 5. mijenja se i glasi:

"Član 5.

Djelatnost Odgojnog centra je izvršavanje odgojne mjere upućivanja u odgojni centar izrečene od strane nadležnog suda maloljetnom učiniocu krivičnog djela, na način propisan zakonom.

Odgojni centar vrši dijagnostiku i opservaciju maloljetnih osoba tokom sudskog postupka i osigurava prihvati i privremeni smještaj maloljetnih osoba tokom pripremnog postupka, ukoliko o tome odluči nadležni sud.

U okviru Odgojnog centra može se formirati Prihvatište za djecu i maloljetnike i organizaciona jedinica koja obavlja poslove vezano za rad sa djecom do 18 godina koja se nalaze u riziku."

Član 6.

U članu 11. stav 3. mijenja se i glasi:

"Upravni odbor se sastoji od pet članova, od kojih se četiri imenuju iz reda Osnivača ustanove, a jedan iz reda stručnih radnika zaposlenih u ustanovi."

Član 7.

U članu 12. stav 2., briše se.

Član 8.

U članu 15. stav 2. mijenja se i glasi:

"Direktora imenuje Upravni odbor na osnovu javnog konkursa, uz saglasnost Vlade Kantona Sarajevo."

Stav 3. mijenja se i glasi:

"Uslovi za imenovanje direktora Odgojnog centra utvrđuju se na osnovu Zakona o ustanovama ("Službeni list RBiH", br. 6/92, 8/93 i 13/94), Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst i 38/16) i Pravila Odgojnog centra."

Član 9.

U članu 17. stav 3. mijenja se i glasi:

"Nadzorni odbor se sastoji od tri člana, od kojih se dva imenuju iz reda Osnivača ustanove, a jedan iz reda stručnih radnika zaposlenih u ustanovi."

IZVJEŠTAJ O REZULTATIMA JAVNE RASPRAVE O NACRTU ZAKONA O KOMUNALNOJ POLICIJI KANTONA SARAJEVO

Skupština Kantona Sarajevo je na 52. Radnoj sjednici održanoj dana 16.05.2022. godine Zaključkom broj: 01-02-20203/22 utvrdila Nacrt Zakona o komunalnoj policiji Kantona Sarajevo i uputila isti u javnu raspravu u trajanju od 60 dana s tim da javnu raspravu organizuje i provodi Vlada Kantona Sarajevo. Također, Vlada Kantona Sarajevo obavezna je da nakon provedene javne rasprave podnese Skupštini Kantona Sarajevo izvještaj o rezultatima javne rasprave koji sadrži primjedbe, prijedloge i mišljenja kao i da obrazloženje razloga zbog koji pojedine primjedbe, prijedlozi i mišljenja nisu prihvaćeni u pripremi Prijedloga Zakona o komunalnoj policiji Kantona Sarajevo.

Postupajući po Zaključku Skupštine, materijal je dostavljen kantonalnim organima, jedinicama lokalne samouprave, naučnim i stručnim ustanovama, te je postavljen na web stranicu Skupštine Kantona Sarajevo sa navedenim Zaključkom radi omogućavanja da se sva zainteresovana lica uključe aktivno u javnu raspravu.

Primjedbe, prijedloga i mišljenja su dostavili pismenim putem ili elektronskom poštom:

1. Udruženje Centar za promociju civilnog društva CPCD Sarajevo;
2. KJKP Rad d.o.o. Sarajevo
3. KJKP Tržnice d.o.o. Sarajevo
4. Zamjenica predsjedavajućeg Skupštine Kantona Sarajevo Danijela Kristić - putem izvoda iz Stenograma sa Sjednice Skupštine Kantona Sarajevo
5. Zainteresovani građanin - Kenan Kapo

1. Udruženje Centar za promociju civilnog društva CPCD Sarajevo;

„Poštovani/a,

Prije svega pozdravljamo donošenje jednog ovakvog zakona jer je praksa primjene postojećih Zakona o komunalnim djelatnostima i čistoći Kantona Sarajevo pokazala da jesu neophodne promjene što je definirano i KEAPom Kantona Sarajevo, ali ovaj Nacrt Zakona o komunalnoj policiji na ovakav način dodatno usložnjava obavljanje komunalno-inspekcijskog nadzora. Napisan je poprilično konfuzno, u nekim dijelovima dosta općenito da se na kraju tačno ne zna koje poslove će koja funkcija obavljati jer se uglavnom preklapaju i postavlja se pitanje opravdanosti postojanja i komunalnog policajca i komunalnog inspektora.

U nastavku se nalaze komentari, prijedlozi i sugestije Centra za promociju civilnog društva (CPCD) na Nacrt Zakona o komunalnoj policiji Kantona Sarajevo.

Član 2

U članu 2 opisane su pod a. i b. Značenja komunalnog policajca odnosno komunalnog inspektora gdje je razlika u tome što komunalni policajac može biti i namještenik i isključivo

vezan za ovaj novi zakon dok komunalni inspektor osim ovog zakona podliježe i Zakonu o inspeksijskim poslojima te Zakonu o komunalnim djelatnostima.

c) komunalni policijski nadzor je vrsta upravnog nadzora koji se se ostvaruje kontrolom na licu mjesta, neposrednim uvidom u postupanje pravnih i fizičkih lica koja obavljaju određenu djelatnost i građana „fizičkih lica“ u pogledu komunalnog reda na području Kantona Sarajevo, pridržavanje zakona i drugih propisa, te preduzimanje upravnih i drugih mjera,
d) komunalni inspeksijski nadzor je vrsta upravnog nadzora koji se se ostvaruje posrednim i neposrednim uvidom u postupanje pravnih i fizičkih lica koja obavljaju određenu djelatnost i građana „fizičkih lica“ u pogledu komunalnog reda na području Kantona Sarajevo, pridržavanja zakona i drugih propisa, te preduzimanje upravnih i drugih mjera.

Pod stavkama c. i d. Opisani su policijski i inspeksijski nadzori koji se razlikuju samo u par riječi dok u ostalim stavkama od e.-l. Je sve zajedničko pa se postavlja pitanje šta će nam ove dvije funkcije?

Mišljenja smo da bi bilo svrsishodnije i praktičnije u praksi, a i manje bi koštalo u budžetu, da to bude jedna funkcija, tj. komunalni policajac, koji će vršiti komunalno-inspeksijski nadzor i obavezno bi trebao da bude državni službenik sa visokom stručnom spremom, a nikako namještenik sa srednjom stručnom spremom.

U ovom Zakonu nigdje nije definirano koji su to komunalni poslovi koje će nadgledati komunalni policajci i komunalni inspektori, a komunalni poslovi su širok pojam. Iako je to definirano u Zakonu o komunalnim djelatnostima Kantona Sarajevo smatramo da bi i ovdje trebali biti nabrojani.

Član 5 treba doraditi i povezati sa Članom 12 posebno u dijelu kada se govori koliko policajaca ide na broj stanovnika.

Član 6

Komentar i prijedlog kao kod Član-a 2 - Predlažemo jednu funkciju komunalni policajac koji će obavljati komunalno-inspeksijski nadzor.

Član 12 - Djelokrug rada Kantonalne uprave utvrđen je propisima Kantona Sarajevo u kojima je regulisana nadežnost za komunalnu upravnu oblast.

Prijedlog da u ovom članu se navedu tačno koji su to propisi ili da se nabroje koje su to nadležnosti komunalne policije/inspektora.

Prijedlog da je na 2000 stanovnika ide jedan komunalni policajac koji će obavljati komunalno-inspeksijski nadzor.

Član 31. (Vršenje komunalno policijskog i komunalno inspeksijskog nadzora) =član 3(Vršenje komunalno inspeksijskog nadzora), ponavlja se naziv člana pa preispitati oba člana i možda objediniti ih.

Član 75. (prekršaji i prekršajne kazne)

Predlažu se izmjene visini kazni u stavovima (2), (3), (4), (5) i (6) kako bi se napravilo usklađivanje sa odredbama Zakona o prekršajima Federacije BiH (Službene novine Federacije, broj 63/14).

(2) Novčanom kaznom u iznosu od 10.000,00 KM do 100.000,00 KM kaznit će se za prekršaj pravno lice ako:

- a) odbija saradnju sa komunalnim policajcima i komunalnim inspektorima u postupku poduzimanja preventivnih mjera i radnji ne postupi po rješenju komunalnih inspektora
- b) ne sudjeluje u vršenju komunalno policijskog i komunalno inspeksijskog nadzora (član 48. stav 1) ovog zakona),
- c) spječavaju ili otežavaju komunalnim policajcima i komunalnim inspektorima vršenje nadzora (član 48. stav 2) ovog zakona),
- d) onemogućavaju komunalne policajce i komunalne inspektore u vršenju komunalno policijskog i komunalno inspeksijskog nadzora (član 48. stav 2) ovog zakona)
- e) ne da na uvid poslovne knjige i drugu službenu dokumentaciju, ažurne i tačne podatke (član 48. stav 4) ovog zakona),
- f) ako subjekt nadzora ne da na uvid službenu dokumentaciju, tačne podatke koji su im potrebni za pravilno utvrđivanje svih činjenica i okolnosti u vršenju komunalno policijskog nadzora odmah na licu mjesta (član 48. stav 5) ovog zakona),
- g) se ne odazove pozivu komunalnih policajaca ili komunalnih inspektora da u roku koji mu je naložen donese u službene prostorije organa tražene podatke ili dokumentaciju ili da dođe lično radi davanja pojašnjenja, a vezano za vršenje nadzora (član 50. stav 2) ovog zakona),
- h) u ostavljenom roku ne izvjesti komunalne inspektore o izvršenju upravne mjere (član 57. stav 1) ovog zakona),
- i) ne postupi po rješenju komunalnih inspektora i ne izvrši upravnu mjeru koja mu je rješenjem naložena u roku utvrđenom u rješenju (član 61. stav 1) ovog zakona),

(3) Za prekršaj iz stava (2) ovog člana kaznit će se i odgovorno lice u pravom licu novčanom kaznom u iznosu od 5.000,00 KM do 20.000,00 KM.

(4) Za prekršaj iz stava (2) ovog člana kaznit će se i fizičko lice -poslodavac novčanom kaznom u iznosu od 5.000,00 KM do 20.000,00 KM.

(5) Za prekršaj iz stava (2) ovog člana kaznit će se i fizičko lice -poslodavac koje obavlja određenu djelatnost bez rješenja (dozvole) nadležnog organa, novčanom kaznom u iznosu od 5.000,00 KM do 20.000,00 KM.

(6) Za prekršaj iz stava (2) ovog člana kaznit će se i fizičko lice - građanin novčanom kaznom u iznosu od 2000,00 KM do 10.000,00 KM.“

Stav predlagača: Prijedlozi se ne prihvataju.

Obrazloženje:

Primjedbe i sugestije predlagač nije u mogućnosti da prihvati zbog formalno-pravnih pretpostavki i ograničenja.

2. KJKP Rad d.o.o. Sarajevo

„- član 23. tačka G.

Iza riječi „nadzire“ dodati riječ:

te da komunalni policajac ima direktan pristup informacijama države agencije o ličnim podacima (putem Ministarstva unutrašnjih poslova Kantona Sarajevo - baze IDDEEA), kako bi se gore navedeni prekršajni nalog mogao realizovati na lic mjesta.

Obrazloženje:

U svom rad, a u skladu odredbama ovog Zakona o komunalnoj čistoći i drugim propisima, komunalni policajac može biti u situaciji da na licu mjesta ne zatekne lice koje čini prekršaj (parkiranje voila na javnoj zelenoj površini, parkiranje vozila uz posude za odlaganje komunalnog opada, odbijanje davanja ličnih podataka i dr.) u tom slučaju komunalni policajac mora odmah izdati prekršajni nalog jer u protivnom lice ili predmet prekršaja mogu napusti lice mjesta prekršaja.

- član 23. stav 1. tačka J.

Predlažemo detaljno obrađen pojam upotrebe sile od strane komunalnog policajca, a koji bi bio usklađen sa postojećim propisima koji regulišu upotrebu sile od strane službenih lica, a koji su doneseni na državnom i federalnom nivou kao i nivou Kantona Sarajevo.

Također, potrebno je propisati način i situacije u kojima komunalni policajac stiče i koristi sredstva upotrebe prinude. Obzirom da se radi o potpuno novom vidu nadzora i kontrole (prvi put se pominje pojam Komunalni policajac) sa novim vidom ovlaštenja, smatramo da sva ovlaštenja treba uskladiti sa svim propisima sa viših nivoavlasti koja tretiraju ovu oblast.

- član 32. stav 3.

Mijenja se i glasi:

Nalog za vršenje komunalno-policajskog nadzora komunalni policajac može vršiti po službenoj dužnosti, te na osnovu pismenog i usmenog zahtjeva stranaka, pravnih i fizičkih lica, te po nalogu neposrednog rukovodioca (ma kako se on zvao), a u izuzetnim slučajevima i po nalogu inspektora.

- član 80.

Iza riječi „Kantona Sarajevo“ dodati riječi:

Kao i komunalni redari KJKP „Rad“ d.o.o. Sarajevo i KJKP „Park d.o.o. Sarajevo

Obrazloženje:

Obzirom da je Služba komunalnih redara formirana 1997. godine na osnovu Odredaba Zakona o komunalnoj čistoći Kantona Sarajevo, te vršila u skladu sa istim zaštitu i kontrolu čistoće na javnim površinama na području Kantona Sarajevo, navedena Služba je dakle 25 godina vršila poslove i zadatke u skladu sa Zakonom o komunalnoj čistoći i u istom periodu izvršila više desetina hiljada pregleda, spriječavanja prljanja javnih površina, kao i sačinjavanje uprosjeka preko 2000 zapisnika, kojim su utvrđeni nedostaci i prekršaji isvi su odmah prosljeđivani Kantonalnoj ukomunalnoj inspekciji na dalji rad i procesuiranje istih. Na osnovu gore navedenog smatramo da se kao i inspektori i svi komunalni redari zakonski preuzmu i budu dio buduće komunalne policije kako bi se nastavio kontinuitet na Zakonu zasnovanog nadzora i kontrole čistoće na području Kantona Sarajevo.

- član 85.

Predlažemo da se doda tačka 4. koja glas:

Komunalne redare, koji iz nekog razloga ne budu preuzeti u Upravu za komunalne poslove - komunalnu policiju, Kantonalna javna komunalna preduzeća u kojima su trenutno uposeni su dužna rasporediti na odgovarajuća radna mjesta, u skladu sa stručnom spremom.

S poštovanjem,“

Stav predlagača: Prijedlozi se djelimično prihvataju.

Obrazloženje:

Ako u trenutku kada utvrdi prekršaj, a lice u prekršaju nije prisutno, komunalni policajac će snimiti konstatovanu prekršajnu radnju i sačiniti službenu zabilješku. Po povratku u službene prostorije, komunalni policajac će postupiti na način propisan Zakonom o agenciji za identifikaciona dokumenta, evidenciju i razmjenu podataka Bosne i Hercegovine ("Službeni glasnik BiH", br.56/08) i u skladu sa Zakonom o zaštiti ličnih podataka ("Službeni glasnik BiH", br.49/06, 76/11 i 89/11) i utvrditi identitet lica u prekršaju. Nakon toga komunalni policajac će postupiti u skladu sa članom 57. Zakona o inspekcijama Kantona Sarajevo ("Službene novine Kantona Sarajevo", br. 2/17 i 37/21) i uputiti poziv prekršitelju radi izjašnjenja. Nakon utvrđivanja odgovornosti, komunalni policajac će licu u prekršaju izdati prekršajni nalog. Također, u Zakonu o komunalnoj policiji Kantona Sarajevo nije predviđeno direktno preuzimanje komunalnih redara KJKP"RAD"d.o.o. Sarajevo i KJKP"PARK"d.o.o. Sarajevo zbog toga što ne postoji pravni osnov za ovakvu proceduru (uposlenici Uprave su državni službenici i namještenici koji se u radni odnos primaju putem konkursne procedure u skladu sa Zakonom o državnoj službi KS i Zakonom o namještenicima u organima državne službe u FBiH, a zaposlenici navedenih preduzeća nisu državni službenici ni namještenici, te nije moguće putem sporazuma preuzeti iste, a shodno svemu navedenom moraju biti obuhvaćeni konkursnom procedurom). Upotreba sredstava prinude odnosno upotreba sile je dozvoljena samo u okviru nužne odbrane, te ostaje ranije navedena formulacija. U cjelokupnom postupku i samom radu Komisije donesen je zaključak da niko od trenutnih komunalnih redara neće ostati bez posla, te je sa navedenim komunalnim preduzećim dogovoreno da komunalne redare u skladu sa stručnom spremom rasporede na druga radna mjesta u preduzećima. U vezi sa tim, i sa samim prijedlogom KJKP „RAD“ d.o.o. Sarajevo prihvaćena je sugestija da se u Zakonu propiše obaveza raspoređivanja zaposlenika na druga radna mjesta, a u skladu sa stručnom spremom i drugim propisanim uslovima u matičnim preduzećima.

3. KJKP Tržnice d.o.o. Sarajevo

„Prema dostavljenom Zaljučku, kao i Nacrtu zakona o komunalnoj policiji Kantona Sarajevo dostavljenog na protokol preduzeća 01.06.2022. godine, br. 01-02-2023/22, dostavljamo prijedlog KJKP „Tržnice-Pijace“ d.o.o. Sarajevo na navedeno, te se nadamo da ćete uvažiti isti.

- Prijedlog za proširenje ovlasti Komunalne policije Kantona Sarajevo

Kako je osnovna djelatnost našeg preduzeća izdavnje u zakup nekretnina u vlasništvu preduzeća ko i nekretnina uzetih u podzakup, naše preduzeće shodno tržištu pokušava da bude u koraku sa konkurencijom. Najveći problem u našem poslovanju, a koji je evidentan decenijama jeste ilegalna ulična prodaja koja ugrožava naše poslovanje.

Svjedoci smo da se sve više povećava broj nelegalnih prodavača koji svoj robu prodaju na improvizovanim stolovima, kutijama, gajbama oko naših pijaca i na ostalim frekventnim dijelovima grada. Napominjemo da su svi naši zakupci registrovani u skladu sa izmjenama i dopunama Zakona o unutrašnjoj trgovini, koji je stupio na snagu 26.10.2017. godine, te da su oni ugroženi jer moraju plaćati doprinose, poreze, zakupninu, dok pored njih nelegalni prodavači ne plaćaju ništa, te mogu smaniti cijenu robe čime stavljaju legalne prodavače u nepovoljan položaj. Također, imamo najave masovnog odustajanja zakupaca na pijacama i prelazak u nelegalnu prodaju, čime bi ozbiljno ugrozili budućnost ovog Preduzeća. Kao rezultat detaljne analize, proizilazi činjenica da naše preduzeće na deset poslovnih jedinica u Kantonu Sarajevo zbog ilegalne prodaje gubi na godišnjem nivou 350.000,00 KM te samim tim i ne plaća porez na iste usluge. Pored finansijskog gubitka, Grad Sarajevo gubi na imidžu prilikom dolaska turista iz cijelog svijeta, a koji su svjedoci ilegalne prodaje na najfrekventnijim ulicama u Sarajevu.

Obzirom da smo se desetine puta obraćali inspektoratu, policijskim upravama, te da nismo efekta imali, mišljenja smo da bi dodavanjem ovlasti komunalne policije u kojem i sankcionisali ilegalne prodavače na ulicama i drugim mjestima u mnogome pripomoglo jednom javnom komunalnoj preduzeću u poslovanju, te učinilo glavni grad onakvim kakav zaista zaluzuje biti, metropolom.

S poštovanjem,“

Stav predlagača: Prijedlozi se ne prihvataju.

Obrazloženje:

Suzbijanje nelegalne trgovine na ulicama i oko tržnica i pijaca na području Kantona Sarajevo je u nadležnosti Inspektorata tržišno turističke inspekcije, a higijensku, zdravstvenu i sanitarnu kontrolu vrše veterinarski, sanitarni inspektori za hranu Kantonalne uprave ta inspekcijske poslove Kantona Sarajevo.

Kontrolu privremenog korištenja i zauzimanja javnih površina vrše općinske komunalne inspekcije. Članom 7. , tačka i. Zakona o komunalnim djelatnostima ("Službene novine Kantona Sarajevo", br. 14/16, 43/16,10/17-ispravka, 19/17, 20/18 i 22/19) je precizirano da Kanton Sarajevo obezbjeđuje obavljanje komunalne djelatnosti "tržnice i pijace na malo".U članu 4. je navedeno da se pod tržnicama i pijacama na malo podrazumijevaju određeni zatvoreni i otvoreni prostori u državnoj svojini, na kojima se pružaju usluge obavljanja prometa živežnim namirnicama i drugim proizvodima, te uređivanje i održavanje ovih prostora.

Imajući u vidu navedeno, smatramo da i za ovu komunalnu djelatnost treba donijeti podzakonski propis odnosno uredbu, koja bi trebala sadržavati i precizirane zabranjene radnje (na primjer: zabrana ulične prodaje na ulicama u neposrednoj blizini pijaca i tržnica) kao i sankcije za lica u prekršaju. Time bi se omogućilo da komunalni policajci budu ovlaštteni za sankcionisanje bespravnog korištenja javnih površina i prodaju robe oko otvorenih i zatvorenih prostora u državnoj svojini, na kojima se pružaju navedene usluge.

4. Zamjenica predsjedavajućeg Skupštine Kantona Sarajevo Danijela Kristić - putem izvoda iz Stenograma sa Sjednice Skupštine Kantona Sarajevo

„...Nadležnost komunalnog inspektora i komunalnog policajca su u većoj mjeri podudaraju. Nadležnosti komunalnog policajca definisane su Zakonom o komunalnoj policiji, anadležnosti komunalnog inspektora Zakonom o inspekcijama Kantona Sarajevo, te Zakonom o komunalnim djelatnostima. Iz odredbi Zakona o komunalnoj policiji da se zaključiti da upravne mjere donose komunalni inspektori, što je definisano članom 52. stav (1). Međutim članom 23. stav (1) Tačka je Zakon o komunalnim policajcima daju ovlaštenja da preduzima upravne i druge mjere u skladu sa ovim drugim relevantnim zakonima i propisima što je jednako ovlaštenjima inspektora iz člana 2 stav (1) tačka i) Zakon o inspekcijama Kantona Sarajevo. Postavlja pitanje da li su dovoljno razlučene nadležnosti komunalnog inspektora i komunalnog policajca za primjenu u praksi? Član 13. gdje je navedeno da će direktor donijeti pravilnik koji će propisati broj komunalnih policijskih i inspeksijskih nadzora i nije definisan rok za donošenja tog pravilnika. Moja sugestija je da se definiše tačno rok kojim se treba donijeti taj pravilnik. Član 33. stav (1) nalog za komunalno policijski i komunalno inspeksijski nadzor se po pravilu ne dostavlja, niti predaje subjektu nadzora, nego se isti na njegov zahtjev predočava prilikom komunalnog policijskog i komunalno inspeksijskog nadzora. Članom 32. stav (5) propisano je da ako postoji potreba za poduzimanjem hitnih mjera zbog zaštite javnog interesa, komunalni inspektor i njegov neposredni rukovodilac može izdati usmeni nalog za vršenje komunalno policijskog i komunalno inspeksijskog nadzora uz obavezu da se u roku od 24 sata od izdavanja usmenog naloga izda pismeni nalog. S tim vezi bio u članu 33. eventualno trebalo dodati odredbu prema kojoj će se u slučaju iz člana 32. stava (5) pismeni nalog predočiti subjektu nadzora na njegov zahtjev nakon što bude izdat. Član 66. stav (1) tačka c) komunalni inspektor obustavlja postupak prisilnog izvršenja upravne mjere donesena zaključkom o dozvoli prisilnog izvršenja rješenja, ukoliko utvrdi da se provodi prema licu koje nije u prekrčaju. Možda bi bolja formulacija bila iz Zakona o inspekcijama Kantona Sarajevo da inspektor obustavlja postupak prisilnog izvršenja ukoliko se utvrdi da se provodi prema licu koje nije u obavezi. Ova formulacija iz razloga što mislim da nije nužno da subjekt nadzora bude u prekrčaju. Član 79. stav (1) gdje je definisano uvećanje plata, moja sugestija je da se taj dio preciznije definiše da li se odnosu na sve administrativne radnike i uspolenika. Hvala.“

Stav predlagača: Prijedlozi se prihvataju.

Obrazloženje:

Prijedlozi i sugestije su prihvaćeni i sadržani su u odredbama Prijedloga Zakona.

5. Zainteresovani građanin - Kenan Kapo

„AMANDMAN I

U članu 32. u stavu (3) riječi: „Nalog komunalnim policajcima izdaje komunalni inspektor“ zamjeniti riječima „Svakodnevni nalog komunalnim policajcima izdaje pomoćnik direktora,, dok ostatak stava ostaje nepromjenjen.

Obrazloženje:

Komunalnim policajcima radne naloge izdaje rukovodilac-pomoćnik direktora, a ne inspektor.

AMANDMAN II

Član 73. izmjeniti tako da isti glasi:

„Unutrašnju kontrolu u Kantonalnoj upravi sprovodi sektor unutrašnje kontrole kojim rukovodi pomoćnik direktora.“

Obrazloženje:

Kontrolu je potrebno urediti na nivou sektora kao unutrašnje organizacione jedinice.

AMANDMAN III

Član 82. nacrtu zakona izmjeniti tako da isti glasi:

„Direktor uprave donijet će u roku od 30 dana pravilnik o unutrašnjoj organizaciji kantonalne uprave, a druge provedbene akte u roku od 90 dana od dana stupanja na snagu ovog zakona.“

Obrazloženje:

Kako bi se u cilju efikasnosti osigurali preduslovi za funkcionisanje kantonalne uprave rok za donošenje pravilnika o nurašnjoj organizaciji kantonalne uprave potrebno je drediti na 30 dana.

AMANDMAN IV

U nacrtu zakona potrebno je dodati novi član koji glasi:

„Vlada Kantona Sarajevo će na prijedlog Mnistarstva komunalne privrede, infrastrukture, prostornog uređenja, građenja i zaštite okoliša Kantona Sarajevo za potrebe vršenja poslova iz djelokruga kantonalne uprave, u roku od 15 dana od stupanja na snagu ovog zakona imenovati vršioca dužnosti direktora Kantonalne uprave, na peiod do okončanja konkursne procedure za imenovanje direktora. Vršioc dužnosti je dužan u rok od 30 dana od dana usvajanja ovog zakona donijeti pravilnik o unutrašnjoj organizaciji kantonalne uprave.“

Obrazloženje:

U cilju osiguranja uslova za rad i funkcionisanje kantonalne uprave neophodno je imenovoati vršioca dužnosti direktora, te da isti u roku od 30 dana donese pravilnik o unutrašnjoj organizaciji kantonalne uprave.

AMANDMAN V

U nacrtu zakona potrebno je dodati novi član koji glasi:

„Svi organi na nivou Kantona dužni su odmah pružiti sardnju i preduzeti sve aktivnosti unutar svoje nadležnosti kako bi se u što kraćem roku osigurali svi potrebni preduslovi za uspostavu i funkcionalan rad Kantonalne uprave.“

Obrazloženje:

Pružanje pomoći i saradnje od stane nadležnih organa preduvjet je ispunjenju svih neophodnih uslova za uspostavu početak rada Kantonalne uprave.“

Stav predlagača: Prijedlozi se prihvataju.

Obrazloženje:

Prijedlozi i sugestije su prihvaćeni i sadržani su u odredbama Prijedloga Zakona.

Bosna i Hercegovina
Federacija Bosne i Hercegovine
KANTON SARAJEVO
Ured za zakonodavstvo Vlade Kantona
Sarajevo



Босна и Херцеговина
Федерација Босне и Херцеговине
КАНТОН САРАЈЕВО
Уред за законодавство Владе
Кантона Сарајево

Bosnia and Herzegovina
Federation of Bosnia and Herzegovina
CANTON SARAJEVO
Office for Legislature of Sarajevo Canton
Government

Broj: 09-02-52247/25
Sarajevo, 07.11.2025. godine

KANTON SARAJEVO
MINISTARSTVO KOMUNALNE PRIVREDE, INFRASTRUKTURE, PROSTORNOG
UREĐENJA, GRAĐENJA I ZAŠTITE OKOLIŠA

**PREDMET: Konačno mišljenje na prijedlog Zakona o komunalnoj policiji
Kantona Sarajevo.-**

Na osnovu člana 3. stav (1) tačka b) Uredbe o osnivanju Ureda za zakonodavstvo Vlade Kantona Sarajevo ("Službene novine Kantona Sarajevo", broj 20/23) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj 50/17-Drugi novi prečišćeni tekst, 2/18-Ispravka i 32/22), Ured za zakonodavstvo Vlade Kantona Sarajevo, daje slijedeće

KONAČNO MIŠLJENJE

1. Pravni osnov za donošenje Zakona o komunalnoj policiji Kantona Sarajevo (u daljem tekstu: Zakon) sadržan je u odredbama čl. 12. tačka e) i 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04, 6/13 i 31/17), kojima je utvrđeno da Kanton Sarajevo ima sve nadležnosti koje nisu izričito povjerene federalnoj vlasti ili koje ne spadaju u vlastite nadležnosti jedinica lokalne samouprave, a posebno je nadležan, pored ostalih utvrđenih nadležnosti, za utvrđivanje politike koja se tiče reguliranja i osiguravanja javnih službi i da je Skupština Kantona Sarajevo nadležna da donosi zakone i druge propise u okviru izvršavanja nadležnosti Kantona Sarajevo, izuzev propisa koji su Ustavom ili zakonom dati u nadležnost Vlade Kantona Sarajevo.

2. Ured za zakonodavstvo Vlade Kantona Sarajevo (u daljem tekstu: Ured) konstatuje da je Ministarstvo komunalne privrede, infrastrukture, prostornog uređenja, građenja i zaštite okoliša dostavilo izjašnjenje, broj: 05-05/02-47415-3/25 od 29.10.2025. godine na mišljenje Ureda, broj: 09-02-47464/25 od 03.10.2025. godine, na prijedlog Zakona.



Ured konstatuje da je nosilac pripreme predmetnog materijala dostavio korigovani tekst prijedloga Zakona, u kojem su djelimično ispoštovane primjedbe Ureda na prijedlog Zakona date u tački 1. i u tački 2. mišljenja, broj: 09-02-47464/25 od 03.10.2025. godine. Naime, nosilac pripreme predmetnog materijala je djelimično izvršio razdvajanje preklapanja poslova komunalno policijske kontrole i komunalno inspekcijskog nadzora, te je većinu pitanja koja su ranije utvrđena drugim zakonima i propisima obrisao iz prijedloga Zakona. Nosilac pripreme predmetnog materijala je postupio po većini primjedbi u nomotehničkom smislu.

Daljnjom analizom dostavljenog korigovanog teksta prijedloga Zakona, Ured je mišljenja da je potrebno jasnije urediti status komunalnih policajaca, koji su u istom prepoznati kao „osobe sa posebnim ovlaštenjima“, na čiji se radnopravni status primjenjuju odredbe ovog Zakona i propisa kojim se uređuje radnopravni status namještenika u organima državne službe u Federaciji Bosne i Hercegovine, kao i mogućnost vršenja poslova komunalno policijske kontrole koja je prepoznata u prijedlogu Zakona da spada u grupu stručno operativnih poslova u skladu sa propisom koji uređuje dopunske poslove osnovne djelatnosti iz nadležnosti organa državne službe koje obavljaju namještenici, a koja obuhvata i represivno djelovanje, odnosno preispitivanje ovlaštenja komunalnog policajca, što je detaljno obrazloženo u mišljenju Ureda, broj: 09-02-47464/25 od 03.10.2025. godine, a imajući u vidu da je ta osoba uposlenik Kantonalne uprave za komunalne poslove, gdje u organu uprave poslove osnovne djelatnosti obavljaju državni službenici, a dopunske poslove osnovne djelatnosti i poslove pomoćne djelatnosti namještenici.

S tim u vezi, preporuka Ureda je da se za navedena pitanja pribavi mišljenje Federalnog ministarstva pravde koje vrši upravni nadzor nad primjenom Zakona o namještenicima u organima državne službe u Federacije Bosne i Hercegovine ("Službene novine Federacije BiH", br. 49/05 i 103/21) i Uredbe o dopunskim poslovima osnovne djelatnosti i poslovima pomoćne djelatnosti iz nadležnosti organa državne službe koje obavljaju namještenici ("Službene novine Federacije BiH", br. 69/05, 29/06 i 65/20), kao i u dijelu koji se odnosi na mogućnost i postupak izdavanja prekršajnog naloga, te usklađenost sa pojmom „ovlašteni organ“ i „ovlaštena službena osoba“ u smislu Zakona o prekršajima ("Službene novine Federacije BiH", br. 63/14 i 19/25).

Shodno svemu navedenom, a uvažavajući činjenicu da će kantonalni komunalni policajci djelovati u okviru Kantonalne uprave za komunalne poslove, gdje se Zakon donosi zbog reguliranja i osiguranja javnih službi, nosilac pripreme predmetnog materijala je odgovoran za njegovu zakonitost, dok je prihvatanje predloženih pravnih rješenja sadržanih u odredbama prijedloga Zakona, koji se odnose na status komunalnih policajaca i vršenje poslova komunalno policijske kontrole, odnosno ovlaštenja komunalnog policajca, u isključivoj nadležnosti Vlade odnosno Skupštine Kantona Sarajevo.

3. Predmetni materijal je potrebno dopuniti sa mišljenjem Ministarstva pravde i uprave Kantona Sarajevo po pitanju zaštite ljudskih prava i osnovnih sloboda, te upotrebe sredstava prinude prema građanima i mogućnosti uvida u sadržaj vozila i predmeta koji se u njemu nalaze, kao i po pitanju primjene propisa u oblasti utvrđivanja načela i uslova za rad i obavljanje poslova i zadataka državnih službenika i djelatnosti koje obavljaju državni službenici, odnosno inspektori, obzirom da je isto nadležno za nadzor nad primjenom Zakona o državnoj službi u Kantonu Sarajevo („Službene novine Kantona Sarajevo“, br. 31/16, 45/19 i 6/25), te propisa kojima se uređuju pitanja organizacije rada državne službe.



4. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17- Drugi novi prečišćeni tekst i 2/18-Ispravka i 32/22), te se isti može razmatrati na jednoj od narednih sjednica Vlade Kantona Sarajevo, uz napomenu da se izvrše ispravke u nomotehničkom smislu u čl. 1., 7., 8., 12., 15. stav (1), 18. stav (1) tačka e), 19. stav (2), 20. st. (1) i (10), 23. stav (3), 24. stav (3), 30. stav (1), 35. stav (2), 47., 66. stav (3), 67. stav (4), 69. stav (2), 72. stav (3), 73. stav (3), 79., 80. stav (1), 86., 88. stav (1) tačka c), odnosno b), 93. tačka e), 98. stav (3), odnosno (4), 99. tač. g) i h) prijedloga Zakona, a koje se odnose na ispravnu upotrebu padeža, korištenje velikog ili malog slova, korištenje tačnih naziva organa i propisa, pravilna numeracija stavova ili tački i dr..

Dostaviti:

- ① Naslovu
2. Evidencija
3. Arhiva



EF UREDA

na Bećirović



PRIMLJENO:	01.12.2025	Prej priloga
Organizaciona jedinica	02	47415-10

Broj: 03-04/2-02-52747/25
Sarajevo, 27.11.2025. godine

**MINISTARSTVO KOMUNALNE PRIVREDE,
INFRASTRUKTURE, PROSTORNOG UREĐENJA,
GRADENJA I ZAŠTITE OKOLIŠA**
gosp. Mladen Pandurević, ministar

**PREDMET: Prijedlog Zakona o komunalnoj policiji Kantona Sarajevo,
mišljenje -**

VEZA: Vaš akt broj: 05-05/02-47415-4/25 od 03.11.2025. godine

Postupajući po Vašem aktu, broj i datum veze, i aktu broj: 05-05/02-47415-5/25 od 24.11.2025. godine, na osnovu člana 7. Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 40/22) i člana 4. stav 6. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj 50/17 – Drugi novi prečišćeni tekst, 2/18 – Ispravka i 32/22), Ministarstvo pravde i uprave razmotrilo je dostavljeni prijedlog Zakona i daje slijedeće

MIŠLJENJE

Prijedlog Zakona o komunalnoj policiji Kantona Sarajevo je propis kojim se ne povrjeđuju prava i slobode zaštićene odredbama Evropske konvencije o zaštiti ljudskih prava i osnovnih sloboda, niti je u suprotnosti sa drugim pravnim aktima kojima je utvrđena zaštita ljudskih prava i sloboda.

S poštovanjem,

Dostaviti:
1. Naslovu;
2. a/a.





Bosnia and Herzegovina
Federation of Bosnia and Herzegovina

CANTON SARAJEVO
Ministry of Finance



Broj: 08-03-11-47466/25 NB
Sarajevo, 29.09.2025. godine

KANTON SARAJEVO
MINISTARSTVO KOMUNALNE PRIVREDE, INFRASTRUKTURE,
PROSTORNOG UREĐENJA, GRAĐENJA I ZAŠTITE OKOLIŠA

Predmet: Mišljenje na Prijedlog zakona o komunalnoj policiji Kantona Sarajevo;
Veza: Vaš dopis, broj: 05-05/02-47415-2/25 od 26.09.2025 godine;

Vezano za Vaš zahtjev za mišljenje na Prijedlog zakona o komunalnoj policiji Kantona Sarajevo, u skladu sa članom 8. Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, broj 34/16 i 15/18), dajemo sljedeće mišljenje:

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo je postupilo u skladu sa navedenim Pravilnikom i Ministarstvu finansija uz Prijedlog zakona dostavilo na mišljenje popunjen i potpisan obrazac IFP-DA u kojem je data sljedeća izjava: „Za provođenje Zakona o komunalnoj policiji Kantona Sarajevo i formiranje Kantonalne uprave za komunalne poslove Kantona Sarajevo potrebno je obezbijediti dodatna finansijska sredstva u Budžetu Kantona Sarajevo za 2025. i 2026. godinu u iznosu od ukupno 5.012.895 KM retrospektivno. Gore navedena sredstva podrazumijevaju osim plaća i naknada za uposlene i nabavku šesnaest putničkih vozila i dva kombi vozila sa dodatnom opremom, nabavka uniformi za komunalne policajce (ljetna i zimska uniforma po dva kompleta za komunalne policajce), nabavka računarske opreme, opremanje server sale, nabavka telefona, nabavka sistema veze, nabavki kamera, nabavka dronova, te nabavka sredstava prinude. Kada je riječ o prihodovnoj strani Budžeta u 2025. godini neće biti, procjenjuje se naplata novčanih kazni u iznosu od cca 200.000.KM, u 2026. godini planirana je naplata prihoda od novčanih kazni (Od pravnih i fizičkih lica) u iznosu od cca 1.300.000 KM, i u 2027-godini 2.000.000 KM. Vlastiti prihodi koji su planirani u Budžetu Kantonalne uprave za komunalne poslove Kantona Sarajevo za 2025. godinu u iznosu 1.500,00 KM neće se ostvariti.“

U obrascu izjave o fiskalnoj procjeni IFP-DA vidljivo je, da će za implementaciju Prijedloga zakona biti potrebna dodatna sredstva za 2025. godinu u iznosu od 69.895,00 KM, a da će za 2026. godinu biti potrebno obezbijediti sredstva u iznosu od 4.940.000,00 KM kao i za 2027. godinu u iznosu od 4.240.000,00 KM. Dalje se u izjavi navodi da se u 2025. godini vlastiti prihodi neće ostvariti u iznosu planirom od 1.500,00 KM a za 2026. godinu se vlastiti prihodi planiraju ostvariti u iznosu od 1.300.000,00 KM, a za 2027. god. u iznosu od 2.000.000,00 KM.




Na osnovu Izjave o fiskalnoj procjeni, a u skladu sa usvojenim Budžetom za 2025. godinu i Dokumentom okvirnog budžeta za 2026.-2027. godinu, Ministarstvo finansija konstatuje da nisu planirana naprijed navedena potrebna budžetska sredstva za 2025. godinu kao i za 2026 i 2027. godinu, te ukoliko se Vlada odluči za realizaciju Prijedloga zakona o komunalnoj policiji Kantona Sarajevo, potrebno je nedostajuća sredstva za 2025. godinu obezbijediti u skladu sa odredbama Zakona o izvršenju Budžeta Kantona Sarajevo za 2025. godinu a za 2026 i 2027. godinu potrebno je planirati nedostajuća sredstva u okviru fiskalnog kapaciteta Budžeta Kantona Sarajevo a u skladu sa usvojenim limitima u Dokumentu okvirnog budžeta za 2026-2027. godinu, kao i prihode koji se očekuju primjenom navedenog zakona.

Ovo mišljenje je dato u skladu sa odredbama Prijedloga zakona koji se obrađuje i podataka navedenih u Obrascu IFP-DA Izjave o fiskalnoj procjeni čija tačnost je u isključivoj odgovornosti Predlagača, te ukoliko se naknadno utvrdi da navedene odredbe i podaci odstupaju od stvarno činjeničnog stanja, ovo mišljenje će se staviti van snage.

Dostaviti:

1. Naslovu
2. MF – Sektor za budžet i fiskalni sistem
3. a/a

Pripremio:
Kontrolisao:






PERIOD	SISTEMATIZOVANO				PLANIRANO BUDŽETOM				TREBITNO STANJE		POTREBNO	
	n+1	n+2	n+1	n+2	n+1	n+2	n+1	n+2	n+1	n+2		
Rakovodni stručnjaci i stručnjaci	1		1		1		1		1		1	
Študenti (Neprofesionalni)												
Volonteri												
UKUPNO	1		1		1		1		1		1	

Komunalna jedinica još uvijek nema pravnika o isporuci radnih mjesta te rasloga što ukazuje još nije formirani. U 2025. godini potreban broj radnih mjesta je 1, za 2026. i 2027. godinu potreban broj radnih mjesta je 120.

2. Područje/odveta za budžet												
NAZIV												
Garancije												
Ostalo												
E. Fiskalni okvir na drugo nivo												
NAZIV												
Budžet BiH, vanbudžetni fondovi i												
kasirnici												
Budžet Federacije Bosne i Hercegovine,												
Federalni vanbudžetni fondovi i kasirnici												
Budžet kantona, vanbudžetni fondovi i												
kasirnici												
Budžet Brčko distrikta Bosne i Hercegovine												
Jednica lokalne samouprave (opština i												
gradovi)												



Mjesto i datum

Sarajevo, 26.09.2025. godine

VII - AKTA VLADE KANTONA

Član 26.

Vlada Kantona u ostvarivanju svojih nadležnosti utvrđenih ustavom donosi uredbе, odluke, rješenja i zaključke.

Član 27.

Izuzetno za vrijeme trajanja ratnog stanja ili neposredne ratne opasnosti kada postoji objektivna nemogućnost da se sazove Skupština Kantona, Vlada može donositi i propise iz nadležnosti Skupštine Kantona.

Propisima iz stava 1. ovog člana ne mogu se staviti van snage prava i slobode utvrđene ustavom i drugim propisima.

Propise iz stava 1. ovog člana Vlada će dostaviti Skupštini na potvrdu čim ona bude u mogućnosti da se sastane.

Član 28.

Uredbom se uređuju najvažnija pitanja iz nadležnosti Vlade Kantona, bliže uređuju odnosi za provođenje zakona, obrazuju stručne i druge službe Vlade Kantona i utvrđuju načela za unutrašnju organizaciju organa uprave Kantona.

Odlukom se uređuju pojedina pitanja ili propisuju mjere Vlade Kantona, daje saglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.

Rješenjem se odlučuje o imenovanjima i razrješenjima, kao i o drugim pojedinačnim pitanjima iz nadležnosti Vlade Kantona.

Zaključkom se utvrđuju stavovi o pitanjima od značaja za provođenje utvrđene politike, uređuju unutrašnji odnosi u Vladi Kantona i određuju zadaci organima uprave i službama, kao i radnim tijelima Vlade Kantona. Zaključkom se odlučuje i u drugim slučajevima u kojima se ne donose druga akta.

Član 29.

Uredbe i odluke Vlade Kantona objavljuju se u "Službenim novinama Kantona Sarajevo", a ostali akti Vlade ako je to u njima navedeno.

VIII - JAVNOST RADA VLADE KANTONA

Član 30.

Javnost rada Vlade Kantona obezbjeđuje se u skladu sa zakonom kojim se reguliše sloboda pristupa informacijama u Federaciji Bosne i Hercegovine.

IX - STRUČNE I DRUGE SLUŽBE KANTONA

Član 31.

Za obavljanje stručnih i drugih poslova za potrebe Skupštine Kantona, Vlade Kantona i organe uprave, Vlada Kantona može osnivati određene stručne, tehničke i druge službe, kao zajedničke ili samostalne službe, u skladu sa zakonom.

Aktom o obrazovanju službe iz prethodnog stava, utvrđuje se njen djelokrug, kao i status i odgovornost te službe i lica koje njom rukovodi.

Član 32.

Vlada Kantona vrši nadzor nad radom stručnih službi koje obrazuje.

Sekretar Vlade Kantona rukovodi radom Stručne službe koja obavlja poslove za potrebe Vlade Kantona i odgovoran je za njen rad.

X - PRELAZNE I ZAVRŠNE ODREDBE

Član 33.

Vlada Kantona je dužna donijeti Poslovnik o svom radu u roku od 30 dana od svog konstituisanja.

Član 34.

Vlada Kantona Sarajevo dužna je uskladiti Poslovnik o radu sa odredbama Zakona o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13), u roku od 30 dana od dana njegovog stupanja na snagu.

Član 35.

Poslovnik Izvršnog odbora Grada Sarajeva i drugi propisi koji se odnose na njegovo unutrašnje organizovanje i funkcionisanje, koji su na snazi na dan stupanja na snagu Zakona o Vladi Kantona Sarajevo ("Službene novine Kantona Sarajevo", broj 7/96), ukoliko nisu u suprotnosti sa Ustavom Kantona i ovim zakonom, primjenjivaće se kao propisi Vlade, dok se ne donese Poslovnik o radu Vlade Kantona.

Član 36.

Do imenovanja premijera i članova Vlade u skladu sa Zakonom o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 4/01), poslove iz nadležnosti Vlade vršit će Vlada u dosadašnjem sastavu.

Član 37.

Ovlašćuje se Zakonodavno-pravna komisija Skupštine Kantona Sarajevo da utvrdi Novi prečišćeni tekst Zakona o Vladi Kantona Sarajevo.

Član 38.

Zakon o izmjenama i dopunama Zakona o Vladi Kantona Sarajevo stupio je na snagu osmog dana od dana objavljivanja u "Službenim novinama Kantona Sarajevo", broj 38/13.

Na osnovu člana 16. Zakona o izmjenama i dopunama Zakona o sudskim taksama ("Službene novine Kantona Sarajevo", broj 18/14) i člana 181. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13), Zakonodavno - pravna komisija Skupštine Kantona Sarajevo, na sjednici 22.08.2014. godine, utvrdila je Prečišćeni tekst Zakona o sudskim taksama.

Prečišćeni tekst Zakona o sudskim taksama obuhvata: Zakon o sudskim taksama ("Službene novine Kantona Sarajevo", broj 21/09), Zakon o izmjenama i dopunama Zakona o sudskim taksama ("Službene novine Kantona Sarajevo", broj 29/09), Zakon o izmjeni Zakona o sudskim taksama ("Službene novine Kantona Sarajevo", broj 14/11), Zakon o izmjenama Zakona o sudskim taksama ("Službene novine Kantona Sarajevo", broj 36/13) i Zakon o izmjenama i dopunama Zakona o sudskim taksama ("Službene novine Kantona Sarajevo", broj 18/14), u kojim je naznačen dan stupanja na snagu tih zakona.

Broj 01-05.22971-2/14

22. augusta 2014. godine
Sarajevo

Po ovlaštenju
Esad Hrvčić, s. r.

ZAKON

O SUDSKIM TAKSAMAMA

(Prečišćeni tekst)

DIO PRVI. OPĆE ODREDBE

Član 1.

(Plaćanje sudske takse)

- (1) Ovim zakonom utvrđuje se način plaćanja sudskih taksa (u daljnjem tekstu: takse) u postupku pred Kantonalnim sudom u Sarajevu i Općinskim sudom u Sarajevu (u daljnjem tekstu: sud).
- (2) Postupci u kojima se plaća taksa i visina takse za pojedine radnje, utvrđeni su u Tarifi sudskih taksi, koja je sastavni dio ovog zakona.

Član 2.

(Obveznik plaćanja takse)

- (1) Takse propisane ovim zakonom plaća lice po čijem zahtjevu ili u čijem interesu se preduzimaju radnje u postupku, za koje je ovim zakonom utvrđeno plaćanje takse (u daljnjem tekstu: takseni obveznik).
- (2) Za podneske i zapisnike koji zamjenjuju podneske taksu je dužno da plati lice koje podnosi podneske i lice na čiji zahtjev

propise ili druge akte niti preduzimati radnje kojima bi se na bilo koji način ograničavala prava ili narušavali interesi Bosne i Hercegovine ili Federacije na ovom području.

II - ZAŠTITA LJUDSKIH PRAVA I SLOBODA

Član 7.

Utvrđivanje ljudskih prava i sloboda

Na području Kantona obezbjeđuje se puna zaštita ljudskih prava i sloboda utvrđenih Ustavom Bosne i Hercegovine i Ustavom Federacije, kao i u instrumentima datim u Aneksu Ustava Federacije.

Skupština ili bilo koji drugi organ Kantona ne mogu reducirati ljudska prava i slobode utvrđene aktima iz prethodnog stava. Oni su dužni u donošenju propisa i u njihovoj primjeni posebno voditi računa o efektima koje ti propisi imaju ili mogu imati u oblasti ljudskih prava i sloboda.

Član 8.

Zaštita ljudskih prava i sloboda

Skupština će obezbijediti donošenje takvih propisa kojima će se u prvom redu zaštititi utvrđena ljudska prava i slobode, te uvesti efikasni instrumenti te zaštite.

Organi vlasti u Kantonu prilikom izvršavanja propisa su obavezni onemogućiti svako narušavanje ljudskih prava i sloboda, te poduzimati sve potrebne mjere iz svoje nadležnosti radi njihove potpune zaštite. Ovo se posebno odnosi na policijske snage koje će efikasnim, preventivnim i operativnim radom obezbijediti punu ličnu i imovinsku zaštitu svakog građanina.

Član 9.

Komisija za ljudska prava

Radi zaštite ljudskih prava i sloboda i kontrole rada svih organa vlasti Kantona u ovoj oblasti, Skupština obrazuje posebnu Komisiju za ljudska prava.

Broj članova, način njihovog imenovanja te nadležnosti Komisije iz prethodnog stava utvrđuju se posebnim propisom Kantona.

Član 10.

Suradnja sa ombudsmenom i međunarodnim organizacijama

Skupština i drugi organi vlasti su obavezni pružiti ombudsmenu Bosne i Hercegovine, ombudsmenu Federacije i svim međunarodnim posmatračkim tijelima za ljudska prava potrebnu pomoć u vršenju njihovih funkcija na području Kantona.

U okviru pomoći iz prethodnog stava organi Kantona će naročito:

- staviti na uvid sve službene dokumente uključujući i one tajnog karaktera, te sudske i upravne spise;
- osigurati suradnju svake osobe i svakog službenika u davanju potrebnih informacija i podataka;
- osigurati pristup i kontrolu na svim mjestima gdje su osobe lišene slobode, zatvorene ili gdje rade;

d) omogućiti prisustvo sudskim i upravnim postupcima kao i sastancima organa.

Nalazi i izvještaji tijela iz stava 1. ovog člana će se razmatrati u nadležnim organima po hitnom postupku, te će na osnovu toga biti preduzimate odgovarajuće mjere gdje to bude potrebno.

III - NADLEŽNOSTI KANTONA

Član 11.

Određivanje nadležnosti

Kanton ima nadležnosti utvrđene Ustavom Federacije i ovim Ustavom.

U slučaju potrebe za tumačenjem, nadležnosti Kantona utvrđene ovim Ustavom će biti tumačene u korist Kantona po principu predpostavljene nadležnosti, a pojedinačno spomenuta ovlaštenja u ovom Ustavu se neće tumačiti kao bilo kakva ograničenja općih nadležnosti Kantona.

Član 12.

Isključive nadležnosti

U okviru svojih nadležnosti Kanton je nadležan za:

- uspostavljanje i nadziranje policijskih snaga;
- utvrđivanje obrazovne politike, uključujući donošenje propisa o obrazovanju i osiguranje obrazovanja;
- utvrđivanje i provođenje kulturne politike;
- utvrđivanje stambene politike, uključujući i donošenje propisa koji se tiču uređivanja i izgradnje stambenih objekata;
- utvrđivanje politike koja se tiče reguliranja i osiguravanja javnih službi;
- donošenje propisa o korištenju lokalnog zemljišta, uključujući i zadržavanje;
- donošenje propisa o unaprijeđivanju lokalnog poslovanja i dobrotvornih aktivnosti;
- donošenje propisa o lokalnim postrojenjima za proizvodnju energije i osiguranje njihove dostupnosti;
- utvrđivanje politike u vezi sa osiguranjem radija i televizije, uključujući donošenje propisa o osiguranju njihovog rada i izgradnji;
- provođenje socijalne politike i uspostava službi socijalne zaštite;
- stvaranje i primjena politike turizma i razvoja turističkih resursa;
- stvaranje pretpostavki za optimalni razvoj privrede koja odgovara urbanoj sredini;
- finansiranje djelatnosti kantonalnih vlasti ili kantonalnih agencija oporezivanjem, zaduživanjem ili drugim sredstvima.

Član 13.

Zajedničke nadležnosti sa Federacijom

Kanton zajedno sa Federacijom, samostalno ili u koordinaciji sa federalnim vlastima vrši sljedeće nadležnosti:

- jamčenje i provođenje ljudskih prava;
- zdravstvo;
- politika zaštite čovjekove okoline;

- d) komunikacijska i transportna infrastruktura;
- e) socijalna politika;
- f) provođenje zakona i drugih propisa o državljanstvu;
- g) imigracija i azil;
- h) turizam;
- i) korištenje prirodnih bogatstava.

Član 14.

Vršenje nadležnosti

Svoje nadležnosti Kanton izvršava donošenjem sopstvenih propisa i primjenom propisa Bosne i Hercegovine i Federacije.

Nadležnosti iz člana 13. ovog Ustava Kanton vrši u obimu dogovorenom sa federalnim vlastima. U slučaju da takav dogovor ne postoji te nadležnosti će Kanton vršiti cjelovito i samostalno.

Član 15.

Prenošenje nadležnosti

Svoje nadležnosti iz oblasti obrazovanja, kulture, turizma, lokalnog poslovanja i dobrotvornih aktivnosti, radija i televizije Kanton može prenositi na općine u svom sastavu. Ove nadležnosti će se obavezno prenositi na one općine u kojima većinsko stanovništvo prema nacionalnoj strukturi nije stanovništvo koje čini većinu i na području cijelog Kantona.

Kanton može neke od svojih nadležnosti prenijeti na federalne vlasti, ukoliko bi se na taj način obezbijedilo njihovo efikasnije i racionalnije vršenje.

Odluku o prenošenju nadležnosti u smislu ovog člana donosi Skupština.

IV - STRUKTURA VLASTI**A) ZAKONODAVNA VLAST**

Član 16.

Opća odredba

Zakonodavnu vlast u Kantonu vrši Skupština Kantona.

Član 17.

Sastav Skupštine

Skupština je jednodomno predstavničko tijelo sastavljeno od 45 (četrdesetpet) poslanika. Poslanici se biraju tajnim glasanjem na neposrednim izborima na cijelom području Kantona.

Prilikom izbora poslanika obezbjeđuje se odgovarajuća zastupljenost predstavnika Bošnjaka, Hrvata i ostalih naroda proporcionalno nacionalnoj strukturi stanovništva na području Kantona.

Izbor poslanika u Skupštini provodi se sukladno federalnim izbornim propisima, s tim što izbore raspisuje i provodi Skupština.

Mandat poslanika u Skupštini traje 2 (dvije) godine.

Član 18.

Nadležnosti Skupštine

Skupština Kantona:

- a) priprema i dvotrećinskom većinom usvaja Ustav Kantona;
- b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;
- c) bira i razrješava Predsjednika i podpredsjednika Kantona sukladno Ustavu Federacije i ovom Ustavu;
- d) utvrđuje politiku i donosi programe razvoja Kantona;
- e) potvrđuje imenovanje Premijera, zamjenika Premijera i članova Vlade Kantona;
- f) osniva kantonalne i općinske sudove i utvrđuje njihove nadležnosti;
- g) bira sudije kantonalnih sudova sukladno Ustavu Federacije i ovom Ustavu;
- h) usvaja budžet Kantona i donosi zakone o oporezivanju i na drugi način osigurava potrebno finansiranje;
- i) bira zastupnike u Dom naroda Federacije sukladno Ustavu Federacije;
- j) odlučuje o prijenosu ovlaštenja Kantona na općine i Federaciju;
- k) odobrava zaključivanje ugovora i sporazuma u oblasti međunarodnih odnosa i međunarodne suradnje;
- l) provodi istragu sukladno ovom Ustavu i posebnim propisima;
- m) vrši i druge poslove utvrđene federalnim propisima, ovim Ustavom i kantonalnim propisima.

Član 19.

Način rada Skupštine

Skupština bira predsjedavajućeg i dva njegova zamjenika iz reda izabranih poslanika.

Skupština zasijeda javno, izuzev u slučajevima kada je to predviđeno njenim poslovníkom. Izvještaji o zasjedanjima i donesenim odlukama se objavljuju u sredstvima javnog informiranja.

Način rada Skupštine bliže se uređuje poslovníkom.

Član 20.

Poslanički imunitet

Krivični postupak ili građanska parnica ne mogu biti pokrenuti protiv kantonalnog poslanika, niti kantonalni poslanik može biti zadržan u pritvoru ili kažnjen na bilo koji način zbog iznesenog mišljenja i datog glasa u Skupštini.

Član 21.

Način odlučivanja u Skupštini

U vršenju svojih nadležnosti Skupština donosi zakone, druge propise, te opće i pojedinačne akte (dalje: propisi).



SLUŽBENE NOVINE
KANTONA SARAJEVO

Petak, 21. septembra 2012.

Broj 41 – Strana 27

Predsjedavajući zaprimljene amandmane dostavlja predlagачu koji je obavezan u roku od 5 dana od dana dostavljanja amandmana da se očituje u pisanoj formi i očitovanje dostavi predsjedavajućem.

Član 153.

Na amandman predlagачa zakona svaki poslanik/zastupnik može podnijeti amandman do zaključenja pretresa.

Kada se amandmanom mijenjaju načela na kojim se zasniva zakon ili se angažuju značajnija materijalna sredstva, na prijedlog 10 poslanika/zastupnika, Zakonodavno-pravne komisije, nadležnog ili drugog radnog tijela Skupštine, Skupština može odlučiti da se odloži rasprava radi zauzimanja stavova u klubovima poslanika/zastupnika.

Član 154.

Ukoliko se amandmanom bitnije mijenja tekst prijedloga zakona, o amandmanu se ne može odlučiti prije nego što se o njemu ne izjasne nadležna radna tijela Skupštine, Zakonodavno-pravna komisija i Vlada.

Član 155.

Ako amandman na prijedlog zakona sadrži odredbe kojima se angažuju finansijska sredstva, predsjedavajući Skupštine dostavlja amandman i nadležnom kantonalnom organu u čiji djelokrug spadaju pitanja obezbjeđenja sredstava i raspolaganja sredstvima da razmotri uticaj odredaba amandmana na raspoloživa sredstva i na obezbjeđenje sredstava za finansiranje predloženog rješenja i da o tome izvjesti Skupštinu.

Član 156.

Povodom amandmana na prijedlog zakona podnesenog u toku pretresa, Skupština može odlučiti da se pretres prekine da bi se o amandmanu izjasnila Vlada, nadležno radno tijelo, klubovi naroda i Zakonodavno-pravna komisija.

Član 157.

Podnosilac prijedloga zakona se izjašnjava o amandmanu.

Vlada Kantona se izjašnjava o amandmanima i kada nije predlagач zakona.

Amandman podnosioca prijedloga zakona, kao i amandman drugog ovlaštenog predlagачa sa kojim se podnosilac prijedloga saglasio, postaje sastavni dio prijedloga zakona.

O amandmanu na prijedlog zakona sa kojim se nije saglasio predlagач, a podnosilac amandmana nije odustao od njega, Skupština glasa odvojeno.

- Donošenje zakona po skraćenom postupku

Član 158.

Kad je to programom rada Skupštine predviđeno ili kad nije u pitanju složen i obiman zakon, podnosilac prijedloga zakona može umjesto nacrtu da podnese prijedlog zakona i da predloži da se prijedlog zakona pretresa po skraćenom postupku bez nacrtu zakona.

Ako Skupština ne prihvati da pretresa prijedlog zakona po skraćenom postupku, sa prijedlogom zakona će se postupiti kao sa nacrtom i o tom nacrtu odmah se vrši rasprava.

- Donošenje zakona po hitnom postupku

Član 159.

Zakoni se, po pravilu, ne donose po hitnom postupku.

Izuzetno, po hitnom postupku može da se donese samo zakon kojim se uređuju odnosi i pitanja za čije uređivanje postoji neodložna potreba i ako bi donošenje zakona u redovnom postupku moglo da izazove štetne posljedice za društvene interese u Kantonu.

Član 160.

Prijedlog da se donese zakon po hitnom postupku, skupa sa prijedlogom tog zakona, može da podnese svaki poslanik/zastupnik, radno tijelo Skupštine ili Vlada, uz obrazloženje zašto je neophodno da se zakon donese po hitnom postupku.

Član 161.

O prijedlogu za donošenje zakona po hitnom postupku odlučuje Skupština kao o prethodnom pitanju na sjednici Skupštine prije utvrđivanja dnevnog reda.

O prijedlogu se vodi pretres, a Skupština može odlučiti da podnosilac prijedloga zakona ili njegov predstavnik na sjednici Skupštine usmeno navede razloge zbog kojih je potrebno da se zakon donese po hitnom postupku.

Ako prijedlog nije podnijela Vlada, Skupština će prije odlučivanja od nje zatražiti mišljenje o ovom prijedlogu.

Ako Skupština usvoji prijedlog za donošenje zakona po hitnom postupku, prijedlog zakona se unosi u dnevni red i o njemu se odlučuje na istoj sjednici Skupštine.

Ako Skupština ne prihvati razloge iz člana 159. stav 2. ovog poslovnika za donošenje zakona po hitnom postupku, o svom zaključku odmah obavještava podnosioca prijedloga zakona, te o njemu raspravlja kao o nacrtu.

Član 162.

Predsjedavajući Skupštine, kad primi prijedlog da se zakon donese po hitnom postupku, zatražice od Zakonodavno-pravne komisije i odgovarajućeg radnog tijela da razmotre prijedlog zakona i podnesu Skupštini izvještaj.

Skupština može, kad utvrdi potrebu donošenja zakona po hitnom postupku ili u toku pretresa, da zatraži od Zakonodavno-pravne komisije i odgovarajućeg radnog tijela da razmotre prijedloge i podnesu odmah izvještaj o prijedlogu zakona.

Član 163.

Na prijedlog zakona koji se donosi po hitnom postupku mogu da se podnose amandmani do zaključenja pretresa.

Ako se amandmanom mijenjaju načela na kojima se zasniva prijedlog zakona, ili ako bi prihvatanje amandmana prouzrokovalo bitnu izmjenu teksta prijedloga zakona, ili ako se amandmanom angažuju finansijska sredstva, Skupština će odlučiti o amandmanu kad pribavi mišljenje Zakonodavno-pravne komisije i kad se o tom izjasni Vlada.

Zakonodavno-pravna komisija i druga nadležna tijela dužni su da odmah razmotre dostavljene amandmane i da podnesu Skupštini izvještaj sa mišljenjem i prijedlozima.

- Vršenje ispravki u zakonu, drugom propisu i općem aktu

Član 164.

Prijedlog za ispravku štamparskih grešaka u objavljenom tekstu zakona, drugih propisa i općih akata Skupštine podnosi kantonalni organ uprave koji je nadležan za staranje o izvršavanju tih akata ili ovlašten podnosilac prijedloga zakona, drugog propisa ili općeg akta.

Ispravke štamparskih grešaka u objavljenom tekstu zakona, drugog propisa ili općeg akta Skupštine, poslije spravnijavanja sa izvornikom zakona, drugog propisa ili općeg akta Skupštine, daje sekretar Skupštine.

